

TYROCINIA MATHEMATICA.

SIVE

10

Juniorum ad MATHESSES addiscendas  
Introductio,

In

QUATUOR TRACTATUS,

Videlicet,

ARITHMETICUM,

SPHÆRICUM,

GEOGRAPHICUM,

& ECHOMETRICUM,

Divisa.

Pro Studiosâ juventute ex Academiâ  
Glasguanâ cum laurcâ Magisteriali  
hoc anno emittendâ.

---

*Frustrâ fit per plura, quod fieri potest  
per pauciora.*

---

GLASGUE

Ex Bibliopolarum Typographéo, Anno  
partûs Salutaris. 1661.

Nicolaus Montgomery



Nicholas Montgomery



( )



Nobiliss. & Illustriss.

DOMINO,

D. IOANNI

LAUDERIE Comiti,

Vicecomiti METELLANO,

D. à Thirlstane, Boltoun, &c.

Serenissimæ REGIÆ Majestatis,

pro REGNO SCOTIÆ,

SECRETARIO Dignissimo;

NEC NON

Ex Honoratiss. Ordine Purpuratorum,

ΤῶΝ ΕΠΙ Τῆ ΚΥΒΕΤῶΝ

S



Uòd te (Comes nobilissime) in Schedulæ hujus fronte compellem, tibi-  
que hoc, quicquid est  
opusculi (in quo non  
insusa digerere, non involuta evolvere, non

*Epistola Dedicatoria.*

obscuris lucem addere, neque nodosa explicare, sed principia quædam Mathematica proponere aggredior ) inscribam, non arrogantia, non tuæ virtutis & meriti ignorantia suavit : aliæ suppetunt rationes, quæ mihi calcar in hanc consecrationem currenti addidêre. Cum enim sæpius apud me revolverem, & cogitabundus animo mecum singula volutarem, cui Patrono, cui Mæcenati, hæc temerè nimis, crassaque [ quod aiunt ] Minervâ, congesta & effutita inscriberem, ac consecrarem ? tu [ Comes nobilissime ] in primis occurristi. Cùm autem blanda illa subiisset animum cogitatio, mihi subinde ac læpius succensere cœpi ; Quid, inquam, est cur te, tuo modulo ac pede non metiaris ? Vis mundum te, temeritatis, arrogantia, inscientia, ac furoris arguere, qui non verearis tuas nugæ inscribere Patrono, quem mundus admiratur, & tantum non colit ? Verum est respondi : Quid autem obstat quin illum qui tot & tantos in sui admirationem rapuit etiam colam ? *Farre litabit, qui non habet* ita. Agè, *Degeneres animos timor arguit*

*Epistola Dedicatoria.*

Si enim in illo Heroe, ceu primæ magnitudinis stellâ. animi celsitudinem invenias, animi mansuetudinem, & assâbilitatem non desiderabis, quemnam comparabis, quemnam compellabis Patronum? Illûmne, qui omnes sibi suo devinxit merito? Nil igitur vetat, quin in illum oculos convertas, nisi quod grati & memoris animi spécimina & documenta, pro ejus in te tuosque liberalitate & humanitate, non habeas quæ tanto Patrono reponas & rependas. An genere & nobilitate clarum, ac splendidum quæris? An virtute, & eruditione præditum, præclarum, ac inclytum? Hic enim ille est qui majorum insistentis virtutibus, eadêmque premens vestigia, eadêmque sectatus artes, inter alios

—— tantum caput extulit omnes

*Quantum lenta solent inter viburna cupressi.*

Habes enim ( Heros nobilissime ) ex utroque stemmate majores, non nobilitate modò, sed & gloriâ juxtâ ac virtute celebres. An optimum tuum Patrem memorem? Qui ob singularem prudentiam, & summam eru-

*Epistola Dedicatoria.*

ditionem, multis parasangis, cæteris su-  
temporis anteibat: ob morum verò probita-  
tem eximiam in paucissimis fuit: de quo  
verè dici potuit, quod *Plutarchus* de Theba-  
no illo Epaminondâ *solus sui similis*. An-  
ayos? quorum eximiæ animorum dotes,  
& in rerum civilium administratione tantum  
non stupenda notitia & dexteritas, eos ad  
summos honores, & ad supremas in Regni  
administratione dignitates, evehere. An  
celeberrimum, & clarissimum tuum avum  
*Ioannem* illum *Metellanum* Regni Scotorum  
Cancellarium supremum recorder? qui ad eò  
se publicæ utilitati devovit, ut diceret,

— *toti genitum se credere genti.*

Cujus ductu & auspiciis, Rege tum ad-  
lescente, omnia felicissimè erant gesta, &  
prosperè cessere. Nec invitus audies (Co-  
mes nobilissime) quanti inter alias discipli-  
nas, Mathematicas habuerit. Dum enim in  
*Daniâ* cum Rege suo serenissimo *Jacobo VI.*  
(cui erat fidus *Achates*) commoraretur, cum  
*Tychone* illo *Brachæo*, nobili Dano, Astro-  
nomorum illo *Coryphæo* & facile principe,  
intimam

*Epistola Dedicatoria.*

intimam contraxit familiaritatem; quocum-  
sæpissimè inter alia de Astronomicis doctè  
differuit & disceptavit: quanto etiam honore  
& benevolentâ Tychonem prosecutus sit, te-  
stantur carmina illa encomiastica eruditissime  
condita (ingenii haud vulgaris illustre &  
præclarum documentum) quæ sua manu  
conscripta ad Tychonem mittenda, Uranibur-  
gi discessurus reliquit.

*Regia musarum, decus orbis, & æmula Olympi  
Alma domus, dignum nomine numen habes.  
Quæ Sophia, aut mirum, Babylonia, Græcia,  
Memphis.*

*Prisca habuère, habet hic unus, & una domus.  
Nil mirum Alciden cælum subisse ferendo,  
Aut puerum raptum detinuisse Deos.*

*Uraniam in terras celsò qui eduxit Olympo  
Quantus & ævæis annumerandus erit.*

An alterum tuum avum *Alexandrum Scto-  
nium Fermolinoduni Comitem, Scoriz etiam  
Cancellarium hîc memorem? quid vetat?*

*Claros inter, habent nomina clara, viros.*

De quo meritò dubitari possit, num ma-  
gis Provinciz quam nactus erat exornandæ  
incubuerit,

*Epistola Dedicatoria.*

incubuerit, an artium liberalium studio insu-  
darit : sed ut ut sit, felicissimo successui utriq;  
operam navavit. Et ne quid in eo ad ulti-  
mam & omnigenam desideretur perfectio-  
nem, hoc illi, maximorum ingeniorum access-  
sit decoramentum, quòd & Mathemata non  
vulgari in pretio habuerit. Quà de causâ  
(inter alias) ingeniosissimus ille *Neperus*  
gentis & seculi sui decus, Rhabdologiam à se  
recens excogitatam (quam in Tyrociniis  
hiscè Mathematicis, quoad poteram, & pe-  
nes me erat, Tyronum captui, methodo fa-  
cillimâ, accommodavi) nomini ejus cele-  
berrimo inscribendam curavit. Sed quor-  
um majorum tuorum virtutes & laudes re-  
corder? An quia, non est quod de te di-  
cam? Nequaquam. Verum est te à viris,  
seu potius Heroibus (qui generi & genti suæ  
ornamento fuere) genus & originem duxis-  
se. At, vix ea nostra voco, ais: Non ja-  
ctas aliena, non stupes in majorum titulis  
imaginibus (quod tibi prope peculiare est)  
easdem virtutes quibus itur ad astra, jure quo-  
dam hæreditario in te translatas, quibusque

## Epistola Dedicatoria.

te tantis viris dignam præstitisti sobolem, admirabundi suspicimus, & intuemur. Quis enim laudes virtuti tuæ debitas fileat & celet, dum apud se reputat, & animo recolit, qualem te annis his proximè elapsis, exhibueris, præbueris, & ostenderis, dum mitiores sævientiæ fortunæ vices, pro patriæ libertate asserendâ, & Regiâ Majestâte vindicandâ invictâ patientiâ, in vinculis expectasti? Quàm aptè itaque & concinnè in te (Comes nobilissime) quadrat illud poetæ

*Iustum & tenacem propositi virum,  
Non civium ardor prava jubentium,  
Non vultus instantis tyranni,  
Mente quatit solida.*

Sed

*Si fractus illabatur orbis,  
Impavidum scient ruinæ.*

Non minæ instantis tyranni, non adulationes, non rerum motus, te de tramite seduxere recto, sed ingruente procellâ, & fluctibus decumanis ruinam minitantibus

*--- ovans animis, & spe tua damna levabas.*

*Et cum nec quicquâ ex pristinae tuæ fortunæ*

*Epistola Dedicatoria.*

magnificentia præter animi fiduciam tibi superesset, æquo tamen animo adversæ fortunæ flatus tolerare ac perferre, quàm decus & famam vel minimâ labeculâ contaminare maluisti. Quid enim te (Comes nobilissime) in tantâ omnium trepidatione inexpugnabilem? Quid immobilem reddidit? Illudne quod hætenus didiceras, nudam virtutem sibi amplam satis mercedem habere? *Rara avis in terris.*

*Haud facile invenies multis è millibus unum.*

*Virtutem pretium qui putet esse sui.*

Et jam tandem

*Post varias casus, post tot discrimina rerum*  
Vivus evasisti, & mare illud procellosum, & scopulosum salvus trajecisti.

*Flebile principium melior fortunæ sequuta est.*  
Quod tamen nec cæcæ fortunæ, nec casui adscribendum est: non sentiendum, non loquendum est cum Ethnico

*Multa dies, variisq; labor mutabilis ævi*  
*Rettulit in melius -----*

Sed tantam Dei bonitatem & benignitatem expertus, scias velit, quod

*Dejicit*



*Epistola Dedicatoria.*

*Dejicit ut relevet. premit ut solatia præstet.*

*Enecat ut possit vivificare Deus.*

Hodie itaque ( Comes nobilissime ) te  
compotem votorum factum non certè pæni-  
tet tuæ patientiæ : procul dubio tecum sæpe  
subridens, dum in portu navigas, dicis

----- *non jam ad culmina rerum*

*Injustos crevisse queror, tolluntur in altum*

*Ut lapsu graviore ruant* -----

Sed quid multis ? Ut ea quæ invicto animo  
carcere inclusus pertulisti, certam tibi victo-  
riam, & optatam libertatem augurabantur  
( quam non modò tu, Comes nobilissime,  
felicissimo & optatissimo Regis nostri redi-  
tu, verumetiam universa tecum est conse-  
quuta Britannia ) ita hostibus, omnium quos  
terra unquam sustinebat sceleratissimis, cer-  
tum interitum, & justum exitium : tu enim  
vivis & vide : quòd

*Obtruit hostiles illa ruina domos*

*Iusta Dei retributio.*

----- *Neque enim lex justior ulla est*

*Quam necis artifices arte perire suâ.*

Quocirca jure meritoque Britannia, Deo  
supremo

*Epistola Dedicatoria.*

supremo rerum moderatori primum, de-  
inde serenissimo suo Principi, salutem se de-  
bere profitetur, cui densissimis obrutæ tene-  
bris illius noctis quam pæne supremam habui-  
mus, novum illud sydus illuxit. Hujus verò,  
non solis ortus, lucem caliganti reddidit Bri-  
tanniæ, cum sine suo capite discordia mem-  
bra trepidarent. Quot ille tum extinxit fa-  
ces! Quot condidit gladios! Quantam  
tempestatem subitâ serenitate discussit! Non  
ergo revirescent solum, sed etiam florebunt  
Regna Regiæ Majestati subdita. Florebunt  
Scholæ & Academiæ: florebunt Artes libe-  
rales & Scientiæ; quæ certè mihi lætari vi-  
dentur, quòd immanissimorum hostium,  
Serenissimi Regis nostri Imperio juxta ac  
Religioni Orthodoxæ infensorum, manibus  
seu potius dentibus ereptæ sint. Sed ut ex  
redeam unde me contemplatio publicæ felicita-  
tis abduxerat; Tu (Comes nobilissime) non  
solum in mundo practico palmam aliis præ-  
ripuisti, verum etiam in mundo speculativo  
primas tibi deferri vendicas. Dum alii pe-  
cudum more tempus vel nihil agendo, ve-  
aliud

*Epistola Deditatoria.*

aliud, vel malè agendo transigunt, Tu,  
cui

*E meliore luto finxit præcordia Titan,*  
arcana rerum & scientiarum perscrutaris, non  
contentus quòd in tantâ fortunâ constitutus,  
tantisque parentibus ortus sis ( quorum olim  
alii in pace, alii in bello, in otio, in nego-  
tio, domi, forisque, consilio atque ope pa-  
triæ profuere ) nisi rerum divinarum & hu-  
manarum notitiâ pectus imbuatur. Si divi-  
nus ille Plato te eò honoris in Repub. pro-  
vectum vidisset, cui ingenium in arguendo  
promptum & subactum, in evincendo sub-  
tile & acutum, in exequendo felix & fa-  
cile, si enim ( inquam ) te vidisset, procul  
omni dubio se voti compotem tandem ali-  
quando factum esse confiteretur, cui nihil  
erat prius in votis, quàm, ut *vel Philosophi*  
*imperent, vel imperantes Philosophentur.* Sed  
quid ego rudis de tanto viro balbutio, de  
quo celebris ille Theologus *Fridericus Span-*  
*hemius* ita scripsit, quæ recitare gestio? Non  
miraberis, ( inquit ) generosissime *Meiellane,*  
*cur ad te quoque in Scotiam eam, & publico*  
*testimonio*

*Epistola Dedicatoria.*

testimonio omnibus innotescere velim, quanti te faciam, erectus ille animus tuus, iudicium supra aetatem maturum, rerum omnium cognitione subactum pectus, & heroicus ille vultus tuus; omnium in te ora convertunt, me verò, cui te non vulgari affectu indulxisti; quamdiu in Civitate nostrâ versatus es, ita affecerunt, ut tui imaginem animo altè impressam geram, in laudes tuas frequenter inter amicos effundar, & notitiam ac benevolentiam tuam inter prospera mea ducam. Quantum tuæ virtuti, quantum spebus surgentibus illustrissimus, & sanctissimæ memoriæ heros, Henricus Rohanus sagacissimus ingeniorum arbiter, tribuerit, ego inter alios testari possum. Hactenus spanhemus. Si autem te talem tunc temporis invenisset, qualem nunc temporis te prædicaret? cùm post decennale otium, acutum tuum ingenium indefesso labore & industrâ ita excolueris.

Nil superest itaque (heros illustrissime) quàm ut supplex orem, & rogem, ut tenue, levidense, & crasso filo hoc meum munusculum, nominis tui splendore collustratum, atque

*Epistola Dedicatoria.*

atque tuo favore & benevolentia munitum;  
in lucem prodire finas, & patiaris; studi-  
osæ enim Mathesium juvenuti, eò gratius  
id futurum esse certò prælagio, & divino:  
etenim,

----- *nec Phæbo gratior ulli est,*

*Quam sibi quæ Vari præscripsit pagina nomen.*  
utque, qui ejuscemodi ineptiis, graviores  
tuas curas interpellare sum ausus, mihi con-  
dones & ignoscas: quod a te intrepidè spe-  
ro & expecto; cum humiles & obscuros, non  
*ut plerique solent, naso suspendis adunco.*

Credas interea velim, cum alia gratitudinis  
desint mihi argumenta, me ad Deum Opt.  
Max. subinde ac sæpiùs vota & preces effu-  
surum, ut te incolumen servet & conserve,  
suo spiritu regat & dirigat, omnibùque cor-  
poris & animi bonis, magis magisque, do-  
tet & ditet, tandemque immortalì vitâ &  
gloriâ, ornet, & beet, sic precatur.

*Tuæ amplitudini ad omnem  
cultum & observantiam  
addictissimus*

GEORGIUS SINCLARUS.

*[Faint, illegible text, likely bleed-through from the reverse side of the page.]*

*[Marginal text on the right side, partially visible.]*  
C  
fi  
an  
T  
fa  
q  
co  
a  
c  
g  
r  
P  
t  
d  
t  
t



# CANDIDO & BENEVOLO LECTORI.

S. P. D.

**Q**uoniam in more positum est, in operis vestibulo paucis præferri quid sit, quæ in eo sint peculiariora, quis finis & scopus, quæve auctoris mens: idcirco amice Lector, præmonitum te volo, quod in *Tyrociniiis* hisce *Mathematicis* evulgandis, nec famam, nec inanem gloriam, nec ejusmodi quidpiam; verum, utilitatem solummodo & commodum studiosæ juventutis, cui præsum, aucuper; in cujus gratiam ea, rudi Minervâ compacta, tibi etiam legenda tradeo, in quibus grandia & sublimia te exspectare nolim. Verum qualiacunque sunt, si tibi fastidium non pariant, grato animo, quo ea tibi tradeo, legito. Si quidpiam fructus aut emolumenti inde tibi accreverit, gaudebo.

Primum tractatum quod attinet Arithmeticum, in quo *Neperi Rhabdologiam*, seu artem multiplicandi & dividendi per virgulas  
nume-

( )  
numeratrices succinctè & dilucidè perstrinximus, utilissimum exhibuimus. Auctori præcepta rudioribus difficillima, intacta se re reliquimus: alia non priùs inventa, æque tamen certa, methodo facillimâ tradidimus, quorum ope cum virgularum usu, difficultatem & prolixitatem, multiplicationem & divisionem exequendi, minimo negotio superabis. Virgularum fabricam non doceo, partim quòd typis, quorum defectu laborabant Typographi, eas mandare non potuerim, partim quòd hodierno die, non *Londini* modò sint venales, verumetiam inter nosmet ipsos, à nonnullis ingeniosis, affabre satis fabricentur.

Quod ad secundum, qui Sphæricus est, tractatum attinet; ob hoc imprimis ut utilem, ita & gratum Astronomiæ studiosis fore spero; quòd nec breuitas facilitati, nec facilitas breuitati officiat; neque, nisi me *philautia* fallat, quicquàm addi vel adimi sine operis dispendio possit. Præter circulos primi Mobilis, variasque Sphæræ positiones, earumque Phænomena, quæ succinctè & dilucidè hic habes; habent prætereà Grammatici, quòr ortus & occasus syderum, qui apud Poetas reperiuntur, uberrimè explicent. Nemo mihi succenseat, quòd & fundamenta Astrologica admisceam; cum illis ad artem illam non tam exercendam, quam refellendam uti liceat. Si

hæc



hæc qualiacunque sunt Rudimenta, studiis  
tuis, aut rei literariæ pro votis profuerint, da-  
bo operam, modò Deus longiorem vitæ, &  
epis suæ usuram, largiatur, ut, sicut Phæn-  
omena primi mobilis hoc tractatu, ita theoria  
Planetarum, quæ hactenùs rudiorum ingenia  
adeò torfit, quàm fieri potest paucis ac per-  
spicuis hypothefibus tradita innòtescat.

Non mihi fuit animus ab initio operis  
praxes qualvis, aut quicquam de Geographiâ  
subjicere: quoniam verò non justâ mole sic  
constitisset libellus; idcirco ea addidimus.  
Non faciliore methodo praxes Astronomicas,  
& Geographicas docere potui, quàm ope &  
auxilio Sectoris; vel regulâ Sinuum, & Tan-  
gentium, propterea quòd non omnes, præser-  
tim tyrones, tabulis uti sciant.

Quæ defunt tractatui Geographico, de  
Amphisciis, Heterosciis, & Perisciis, necnon  
de variis Sphæræ positionibus, ea luculenter  
habet in Tractatu Sphærico. Climatum, &  
Parallelorum, juxta optimos Geographorum,  
numerum & ordinem; præcipuorum loco-  
rum longitudes & latitudes, juxta *Lans-  
bergii* tabulas, ex Eclipsium observationibus  
omnium accuratissimas, hîc habes. Quos  
soles, cœlique situs habeant, qui in Boreaies  
aut australes orbis terrarum plagas periculosis  
navigationibus penetrant, secum è hic cum vo-  
luptate cernere est.

Denique

( )  
Denique in ultimo Tractatu, Echûs se-  
Soni reflexi naturam, rem non minus facilem  
quàm jucundam, modo Geometrico tibi pro-  
posui. Nihil hîc ad hujus rei faciliorem  
cognitionem præter Schemata deest, quæ  
defectu artificum qui ea cælerent, inseri non  
poterant. *Vale.*

GLASGUÆ Calend. Janu-  
arii. Anno vulgaris Chri-  
sti Æræ. 1661.

---

In

---

( )  
In Tractatum hunc Arithmeticum, Spha-  
ricum, Geographicum, & Echometri-  
cum Protrepticon.

**S**cire cupis numeros, coeliq; soliq; meatus,  
Déque repercussio non inamoena sono?  
Ut lustres oculis, memorique in pectore  
condas;

Huc properè gressus confer, ephebe, tuos.  
Auctor hic en breviter clareque hæc singula  
tradit,

I. Ut non difficili scire labore queas.

Quæ tradunt alii verborum syrimate longo,  
Et quæis lectori tædia mille creant;

Hic metis adeò brevibus complectitur, ullâ  
Ut sine jacturâ temporis illa legas.

Præcipit ut Lyricus, benè mentes ut citò dicta  
Percipiant, summâ contineantque fide.

In Non tamen obscurus fit, sic brevis esse laboras,  
Singula sed rursibus clarificare studet.

Hic modicâ fit mole licet, constetque libellus  
Ære licet modico, commoda magna dabit.

Astra poli, tractusq; soli, numerosq; docebit,  
Et quia fit repetens ultima verba fonus.

Histe legnities si non permiserit uti,  
Nulla tuo aucto i, sed tibi damna dabis.

Quippe Mathematicis privaberis artibus, est  
quæ

Haud dubiè Sophiæ pars peramæna tuæ.

His ergo studiosa cohors utare, fruarè,

Gratus & auctori sis memor esse tuo. I.A.

( )  
ERRATA RESTITUENDA.

In Tractatu Arithmetico.

**P**ag. 3. lin. 15. lege quoquoeversum.  
lin. 21. lege toties, quoties. 4. 6. quadringenta. 14. 11. contiguitate. 16. 20. adduntor. 27. 1. quotientis. 28. 5. remanet. 29. 12. ultimam.

In Tractatu Sphaerico.

Pag. 3. lin. 4. differt. 6. 14. obliquitate. 15. 11. modis. 24. 2. & 5. circulus. 27. 3. tractus. 28. 28. obliquiores. 39. 1. diei 24. 4. horas 5. 46. 1. semper supra, & 23. tropicis.

In Praxibus.

Pag. 54. lin. 9. lege non omnes, &c. sciant. 66. 2. sexta. 74. 1. ne nimis exresceret. & 10. mappisque. 75. 12. redegere. 87. 4. ob. 94. 19. Germanicis.

In ultimo Tractatu.

Pag. 115. lin. 19. pro audire lege sentire. 117. 29. dele in. 118. 27. redit. 114. 9. phenomenon.



# TRACTATUS RITHMETICUS.

---

## CAP. I.

### *De Numeratione.*

**A**

Rithmetica est disciplina quæ docet, præscribitque modum ac rationem, numerorum rectè tractandorum.

Ad benè numerandum duo sunt necessaria. Primò, ut numerus rectè scribatur, progrediendo à sinistrà versus dextram. Secundò, ut idem rectè exprimatur, & pronuncietur.

In quocunque numero, cujusunque sit ordinis, plures Characteres diversorum generum non reperiēs quàm novem, cum ciphra, quæ sunt 1 2 3 4 5 6 7 8 9 0.

Numeratio, est modus numerum quemlibet Characteribus descriptum rectè enunciandi.

**A**

audi

andi; & numerum quemlibet enunciande scribendi.

Ut fiat Numeratio, duo præsertim sunt necessaria. Primò; Characteres certo ordine sunt disponendi, quo possunt vel à dextrâ sinistram numerari; vel à sinistrâ ad dextrâ pronuciari. Secundò; Eorundem valorum qui maximè periodorum distinctione innotant, sunt dignoscendi.

Juxta ordinem Characterum invenies ipsorum valorem, & significationem. Hinc est quòd novem priores dicantur notæ significatione; ultimus, qui Zero, seu Ciphra nuncupatur, nihil significet, nisi significativas subsequatur.

Ordo, ex quo exurgunt Characterum valores, auspiciatur more *Arabum*, & *Phænici* à dextrâ versus sinistram. Quare cuilibet figura primo loco posita, semel seipsam significat tantum. Figura secundo loco posita decies seipsam significat. Tertia centies. Quarta millies. Quinta decies millies. Sexta centies millies. Septima millies millies. Octavo decies millies millies. Nona centies millies millies; & sic in infinitum progressi licet: ita ut quisque locus à dextrâ sinistram superet præcedentem decuplâ proportionem.

Numerus quilibet facillè poterit enunciari si ipsum in totidem membra distinguas.

Membrum

Membrum vel est perfectum, vel imper-  
fectum: Prius constat tribus Characteribus;  
quorum prior est locus unitatum; secundus  
centenariorum; tertius centenorum. Posterius  
constat paucioribus, ut in hoc exemplo 34.  
85. 432. ubi 34. faciunt membrum im-  
perfectum: 685, vel 432. faciunt membrum  
perfectum. Ideò, ut numerus quicunque fa-  
cile possit enunciari, sic facies. Integrum  
numerus descriptum distingue punctis, vel  
periodis, post singulas ternas figuras interpositis,  
initio facto à dextrâ versus sinistram, usque ad  
finem, ut vides in numero arenularum, quæ  
integrum spatium à centro terræ ad superficiem  
cæli extremi concavam quoquaversum com-  
pleverent. 30, 840, 979, 465, 000, 000,  
000, 000, 000, 000, 000, 000, 000, 000,  
000, 000. qui sic profertur. Triginta millia,  
millies, millies, &c.

de Adverte brevitatis causâ vocem [Mille]  
 quotius esse repetendam; quotius inter mem-  
 brorum quodvis pronunciatum & ultimum, di-  
 versa individua puncta interjecta reperies;  
 eorum eo tamen discrimine, ut prima vox sit in  
 directo, reliquæ quasi in obliquo reiterentur.  
 Unde est, ut inter 30. primum membrum &  
 ultimum, ratione quindecim punctorum vox  
 [Millia] semel, & vox [Millies] quatuordecim  
 sit repetenda.

Secundum membrum, 840. sic profertur.

Octingenta quadraginta millia millies &c.  
Hic vox [Millies] terdecies est repetenda.

Tertium membrum 979. sic enunciatum  
Nonaginta, septuaginta novem millia millies  
&c. vox [Millies] duodecies repetitur.

Quartum membrum 463. sic. Quadringenta  
sexaginta quinque millia millies, &c. [Millies]  
undecies reiteratur.

Hic numerus vel alius, potest aliter exprimi  
ad hunc modum. Ideò, primum punctum  
periodus unitatum (nempe à dextrâ ad sinistram.)  
Secundum punctum sit periodus millium.  
Tertium sit periodus millenorum millium.  
Quartum sit periodus millies millenorum  
millium. Quintum sit periodus millies  
millies millenorum millium. Sextum sit  
periodus, millies, millies, millies, millenorum  
millium, & ita deinceps. Et sic profertur hic  
numerus ostendens quot diversa vocabula  
iri possunt ex variâ dispositione viginti quatuor  
literarum Alphabeticarum 620, 448, 592,  
438, 860, 623, 360, 000.

Primum membrum 620, sic profertur. Sex  
centa viginti, millies, millies, millies, millies  
millies, millena millia. Ubi adverte vocem  
[Millies] toties esse repetendam post pronun-  
tiationem primi membri, quot sunt periodus  
seu puncta ante tertium membrum millenorum  
millium.

Secundum membrum 448. sic. Quadringenta  
gen



enta quadraginta octo, millies, millies, milli-  
es & 6, millies, millena millia.

Tertium membrum 593 sic. Quingenta  
onaginta tria, millies, millies, millies, mille-  
na millia.

Quartum membrum 438, sic. Quadringen-  
triginta octo, millies, millies, millena millia.

Quintum membrum, 860 sic. Octingenta  
exaginta, millies millena millia.

Sextum membrum 623 sic. Sexcenta viginti  
tria millena millia.

Septimum membrum 360 sic. Trecenta  
exaginta millia.

Ultimum membrum 000 non legitur; au-  
get tamen significationem præcedentium.

## C A P. II.

### *De Additione.*

**I**N additione a dextrâ versus sinistram ini-  
tium esto.

Figuræ ejusdem ordinis, & seriei, in unam  
summam colliguntur.

Unitates unitatibus; denarii denariis, cente-  
narii centenariis subjiciuntur.

Figuris recto ordine dispositis, numerus datus  
ab invento sive toto, per lineolam distinguitur.

Numeri ex additione unius ordinis inventi

denario minores, sub suis propriis ordinibus collocantur.

Si numerus ex collectione unius ordinis inventus, denario major sit, excessus subscriptor denariusque in sequentem ordinem transfertur.

*Exemplum.*

4 8 6 4.

2 8 6 9.

---

7 7 3 3.

Sic pergo. 9 & 4 faciunt 13, excessum igitur, nempe 3, subscribo; denariumque in sequentem ordinem transfero; in quo 6 & 6 cum denario adjecto faciunt 13. tertiam figuram subscribo: & denarium sequenti ordini per mentem adjicio, in quo reperio 8 & 8; quæ cum denario adjecto faciunt 17, septimam figuram tertio ordini subjicio, ac denarium, vel (si placeat) unitatem, ultimo ordini jungo; ex quo resultant, nempe cum denario adjecto 7, septimam figuram similiter subscribo.

Si numerus ex collectione unius ordinis inventus denario æqualis sit, cifra eidem ordini subjicitur, & prima figura, nempe (1) sequenti ordini reservatur.

*Ex.*

( 7 )

Exemplum 2.

$$\begin{array}{r} 38633 \\ 00033 \\ 31334 \\ \hline 70000 \end{array}$$

Numerus ex ultimo ordine collectus, totus, quicunque sit, subscriptor; ita tamen ut altera eius numeri figura directè, altera indirectè abjiciatur.

Exemplum 3

$$\begin{array}{r} 964 \\ 899 \\ \hline 1863 \end{array}$$

Examen Additionis

Ex utroque numero cum supra, tum infra lineolam, omnes novenarii, quoties fieri potest, recipiuntur, & residua utriusque seorsim notantur: si residuum unius sit idem cum residuo alterius, operatio tum rectè esto.

Exemplum Probationis

$$\begin{array}{r} 43456 \\ 25432 \\ \hline 68888 \end{array} \quad \begin{array}{l} (2) \\ \hline (2) \end{array}$$

CAP

## CAP. III.

## De Subtractione.

**S**ubtractio est, quâ numerus minor e  
majore, vel æqualis ex æquali subdu  
citur.

• Duo hic occurrunt numeri, *minuendus* &  
*minuens* : quorum posterior debet necessari  
esse minor, vel saltem æqualis priori. Quo  
niam verò nonnunquam difficile est *minuen*  
*tem* à *minuendo* dignoscere, vel contrâ ; ideo  
rem hac arte conficies.

*Numerus, cujus figura finisterior est major*  
*minuendus est major esto.* Si utriusque numeri  
*finisteriores figurae sint æquales ; numerus in quo*  
*reperies prius majorem, minuendus esto.*

## Exempla.

9678 major  
8989 minor

---

66318 major  
64456 minor

---

## Praxis.

In Subtractione à dextrâ versus finistram  
progressus esto.

Unitates, denarii, centenarii Minuentis ;  
unitatibus,

unitatibus, denariis, centenariis Minuendi sub-  
scribuntor.

Minor ex majore subtrahitor; ductaque li-  
nea, residuum sub eodem ordine in quo minor  
ex majore subducitur, notator.

Exemplum.

$$\begin{array}{r} 9468 \\ 8344 \\ \hline 1124 \end{array}$$

Quando figura superior minuenda est majon-  
figura inferiore minuente, denarium ex præce-  
dente notâ mutuator; huncque ei per mentem  
præfigito.

Exemplum.

$$\begin{array}{r} 4843 \\ 4368 \\ \hline 0475 \end{array}$$

Sic perge. Quoniam ex 3. non possum  
tollere 8. idcò à præcedente notâ, nempe 4.  
denarium mutuo, eumque per imaginatio-  
nem huic figuræ, nempe 3. præfigo, quæ fa-  
ciunt 13. ex quibus subduco 8, & remanent 5  
5. subscribo.

Secundò. Quia figura 4 censetur unitate  
A 5 minor;

minor; ideò sic dicendum est, 6 ex 3 tollere non possum; quare adhuc mutuor denarium à præcedente notâ, nempe ex 8, eumque per mentem huic figuræ, nempe 3. præfixum volo, quæ faciunt 13, ex quibus subduco 6, & remanent 7; septem subscribo.

Tertiò. Ex 7 aufero 3 (non dico ex 8, quia amisit unitatem in priore operatione) & remanent 4, ea subscribo.

Denique si tollas 4 ex 4; remanebit cifra, subscribo 0.

Quando plures cifrae figuram significativam subsequuntur, unitatem ab eadem mutuor, hancque per imaginationem primæ cifrae (nempe versus dextram) præfigito; & reliquas cifras pro novenariis habito.

Exemplum.

8	0	0	0	0	0
3	4	0	5	6	

7 6 5 9 4 4.

Sic perge. Sex ex cifra à tolli non possunt; ideò mutuor unitatem ex 8, quam mente primæ cifrae præfigo; & dico 6 ex 10 remanent 4.

Secundò. 5. ex 9 remanent 4.

Tertiò.

Tertiò. 0 ex 9. remanent 9 (adverte  
ciphram nihil subducere, ideoque figura quæ  
est ei superior integra est scribenda) 9 sub-  
scribo.

Quartò. 5 ex 9 remanent 5. 5 sub-  
scribo.

Quintò. 3 ex 9 remanent 6. hæc sub-  
jicio.

Ultimò. Quia nulla est figura quæ re-  
spondeat 8, ideo integram octavam subscribo;  
quoniam verò censetur jam unitate minor pro-  
pter unitatem quam mutuò dedit primæ ci-  
phræ, ideoque septimam figuram subscribo.

*Quando plures figuræ ejusdem generis se-  
quuntur, sub quibus plures di-  
versorum generum continentur, unitatem à pri-  
mâ figurâ mutuator, & reliquas pro figuris  
unitate minoribus habeto.*

*Exemplum.*

$$\begin{array}{r} 2 \ 2 \ 2 \ 2 \ 2 \ 2 \\ 4 \ 8 \ 6 \ 4 \ 8 \\ \hline 1 \ 7 \ 3 \ 5 \ 7 \ 4 \end{array}$$

Sic perge. 8 ex 12 remanent 4. 4 ex  
11 remanent 7. 6 ex 11. remanent 5. 8  
ex 11 remanent 3. 4 ex 11 remanent 7. De-  
nique subscribo unitatē, quia sinisterior nota  
amittit unitatem ab initio.

Si minuendus constet unitatibus, primam pro numero undenario, reliquas pro denariis habeto.

Si ternariis, primam pro deniternario, reliquas pro duodenariis habeto : & sic deinceps.

Exemplum prioris.

I I I I I I I I

8 9 5 4 5 3 2

---

0 2 1 5 6 5 7 9

Exemplum posterioris.

3 3 3 3 3

8 9 7 5

---

2 4 3 5 8.

Examen Subtractionis.

Residuum ex minuendo subtrahito, si exurgat minuens, bene ; secus, male.

Exemplum.

4 8 4 3 minuendus.

4 3 6 8 minuens.

---

0 4 7 5 residuus.

4 3 6 8 numerus exurgens.



## C A P. IV.

## De Explicatione virgularum Numeratricium.

**A**uctor virgularum Numeratricium fuit doctissimus Neperus. vir quidem, supra quàm cuiquam credibile est, ingeniosissimus, & in Mathesi peritissimus; cujus ope, & singulari inventione, multa in Arithmetica difficillima & laboriosa, facillima redduntur. Inter multa alia hoc unum invenies, quòd mirum in modum, auxilio virgularum, Multiplicationem, & Divisionem, operationes difficiles, exequaris facillimè.



Auctor in libello suo qui inscribitur Rhabdologia, satis clarè explicat modum virgulas conficiendi; ideò non tantum hanc de causâ, verum etiam, quia hodierno die frequentiores sunt quàm ipsi libelli; ideò, inquam, hoc opere prætermisso memet statim ad ipsarum usum accingam.

Auctoris præcepta, quibus docet modum operandi, tyronum captum longè superant; quapropter ego alia magis facilia, æquè tamen certa, junioribus, & tyranculis præscribam.

Ante praxim quædam præmitto. Adverte igitur primò, singulas virgulas in novem intervalla, & quodlibet intervallum in bina loca distingui.

Adverte secundò, lineolas intervalla dividentes.

dentes ( dicuntur *Diagonii* quia transeunt ex uno angulo intervalli ad alium ) esse ipsas periodos locorum, quibus numerus in totidem membra distinguitur.

Adverte tercio distinctionis causa, locum alium esse perfectum, alium imperfectum. Locus imperfectus notatur hac figurâ , quem reperies tantum vel in primâ virgulâ, vel in ultimâ. Locus perfectus insignitur hac figurâ , quem semper reperies in medio, virgularû continguitate divisum, & dicitur *Rhomboides*, est enim instar Rhombuli.

Adverte quarto, Locum alium esse divisibilem, alium indivisibilem. Prior est ille locus in quo occurrunt duæ figuræ, quæ efficiunt numerum novenario majorem. Posterior est quilibet locus continens numerum denario minorem.

Adverte quinto, tot esse membra numeri cujuscunque tabulati, quot sunt loca ( nempe sinistrorsum ) sive perfecta, sive imperfecta: quorum prior est locus unitatum, secundus Denariorum, tertius centenorum, & ita deinceps.

### Praxis

Ut tabuletur numerus. e. g. hic 1661.  
excerpito ex decem virgulis per manum perpendiculariter erectis quatuor; quarum primæ & ultima habeant in vertice superscriptas unitates;

nt ex-tes; duæ intermediæ senarios. Virgulas ita  
s pe-tractas, ordine quo stat numerus conjunge,  
idem duæ instar unius tabulæ solidæ apparebunt;  
a cujus primo intervallo invenies numerum  
cum propositum 1661. In secundo tabulæ inter-  
Lo-uallo ejus duplum; in tertio triplum, & ita  
ueminceps.

el in Ut hic, vel alius numerus rectè enuncietur,  
gurâæ regulæ sunt tenendæ.

rgu-Regula 1.

bi-Duæ figuræ in eodem loco repertæ, simul ad-  
s in-untor.

ne-Hoc patet in secundo intervallo tabulæ, in  
bet-ujus tertio loco (memento progredi sinistror-  
em-um) videmus 2 & 1, nec non in quarto eas-  
neri-dem figuras. Ideo primas duas simul mente  
ppe-addo, quæ faciunt 3. Item & secundas duas  
ta: quæ faciunt totidem; ex quibus cum sequenti-  
lus-bus resultat hic numerus 3322, duplum nu-  
in-meri in primo intervallo.

Summa tertii intervalli est 4983.

Summa quarti est 6644.

### Regula 2.

ti-In quocunque loco occurrit ciphra cum figura  
t-significativâ, siue post, siue ante eam, non legi-  
na-or.

Hoc

Hoc patet evidenter in tertio loco quinti intervalli, cujus numerus sic enunciatur 8305.

*Regula 3.*

*In quocunque loco occurrit ciphra sola, ultimo loco excepto (nempe versus sinistram) pro significativa habetor.*

Hoc videmus contingere in secundo loco ejusdem intervalli, cujus numerus supra prolatus est, nempe 8305.

Sextum intervallum sic profertur 9966.

*Regula 4.*

*Quando occurrit locus divisibilis, denarium sequenti loco adjicitor; residuumque in suo proprio loco maneto.*

Res patet in quarto loco septimi intervalli ubi 7 & 4 faciunt 11. Denarium pono in sequente loco vacuo, versus sinistram, & residuum, nempe unitas, manet in suo proprio loco. Unde sic profertur numerus quinque locorum 11627.

*Regula 5.*

*Quando in eodem intervallo occurrunt simul plura loca divisibilia, sic agito. Figurae primi loci simul aduntor, denariusque, manente residuo, sequenti loco adjicitor. Deinde figurae secundae*

anti inundi loci cum denario adjecto simul etiam uni-  
 305. entor, ejusque denarius ad sequentem adhuc lo-  
 cum progreditur. Denique cum tertio, quarto,  
 & quinto loco idem facito, donec perveneris ad  
 ultimum locum indivisibilem, vel ad ultimum locum va-  
 signum, in quo denarius locator.

Hoc patet in tertio & quarto loco octavi  
 o loci intervalli, ubi occurrunt primò 8 & 4, quæ faci-  
 unt 12. 2 resident, & denarius adjicitur sequen-  
 ti Loco; ubi easdem reperio figuras, quæ cum  
 6. denario adjecto faciunt 13 ; 3 in eodem loco  
 manent, & denarium sequenti loco vacuo im-  
 pono.

Unde profero hunc numerum 13288.  
 Summa noni intervalli sic legitur, 14949.

### Regula 6.

In quocunque loco occurrit denarius, unitas  
 sequenti loco adjicitur, ac ciphra in suo loco ma-  
 neto, & pro significativa habetor.

### Ultima Regula.

Hæc regula est omnium utilissima, nullus  
 enim est casus qui poterit evenire inter legen-  
 dum, quem hæc non facile expediet. Maxi-  
 mi est usus, præsertim iis, qui, omnibus vir-  
 gulis simul junctis, integrum intervallum ubi  
 multa

multa occurrunt loca divisibilia, cupiunt legere. Res ita se habet.

*Quando occurrit intervallum longa serie locorum, a primo initium facito (nota diligenter sinistrorsum progredi) ejusque figuram, quam semper reperies unam tantum, in chartâ scribito: quo facto perge deinde ad secundum locum: si sit divisibilis, denarium sequenti loco adjicito, residuumque in chartâ post priorem figuram (nempe sinistrorsum) locato: Si sit indivisibilis, ejus summam integram in chartâ post duas priores figuras ponito. Deinde perge ad tertium locum, ejusque figuras cum denario adjecto simul addito: Si superent novenarium; denarius adhuc sequenti loco adjiciatur; & residuum in chartâ notator.*

Hoc modo ne confundatur memoria, retinendo valores cujuslibet loci, perge per omnia loca intervalli ad ultimum; & inter scribendum, tot describe figuras in chartâ, quot sunt loca perfecta & imperfecta in integro intervallo: quibus factis, reperies in chartâ numerum optatum.

### *Exemplum.*

Tabuletur hic numerus 8 9 6 7 8 9 7  
septem locorum in primo intervallo, & octo  
locorum in cæteris.

Secundum intervallum 17. 935. 794.

Tertium

ge-	Tertium intervallum sic legitur	26. 903. 691.
	Numerus quarti intervalli est	35. 871. 588.
	Summa quinti intervalli	44. 839. 485.
oco-	Summa sexti intervalli	53. 807. 382.
r fi-	Summa septimi intervalli	62. 775. 279.
um	Summa octavi	71. 743. 176.
ito:	Summa noni	80. 711. 073.

---

## C A P. V.

## De Multiplicatione.

IN Multiplicatione quatuor numeri sunt notandi. Primus dicitur *Multiplicandus*. Secundus est ille numerus per quem Multiplicamus, & dicitur *Multiplicans*. Tertius numerus ex utroque inventus dicitur *Productus*. Quartus, qui est idem cum *Multiplicante*, ab eo tamen differt ut pars à toto, dicitur *Dirigens*; estque aliud nihil quàm simplex nota *Multiplicantis*, quæ toties continet unitatem, quoties quodlibet inferius intervallum continet numerum primi intervalli. Dicitur *Dirigens*, quia inter operandum dirigit me ad intervallum tabulæ, ex quo verus numerus est transcribendus, ut statim patebit. Multiplicatio itaque est inventio numeri qui toties

*Mult.*

*Multiplicandum* continet, quoties *Multiplicans* continet unitates; vel qui toties *Multiplicans* continet, quoties *Multiplicandum* continet unitates. E. g. Multiplica 4 per 6, & inuenies 24: hic numerus toties continet 6, quoties 4 continet unitates; & toties continet 4, quoties 6 continet unitates.

*Praxis. Regula 1.*

*Numerus maior tabulator; minor in charta scribitor; infra quem lineola ducitor.*

*Regula 2.*

*Summa istius intervalli quam figura dirigens indicabit transcribendam, transferor; nec non sub qualibet figura Multiplicantis eadem oblique subscribitor.*

*Regula 3.*

*Numeri ex virgulis transcripti Arithmetice adduntur.*

*Exemplum.*

**Q**uæritur quot dies à nativitate Domini? Pro solutione multiplica 1661 per 365: priorem, qui est *Multiplicandus*,



in tabulam redigo ; posteriorem, qui est *Multiplicans*, in chartâ scribo. Dein inspicio *Multiplicantem*, cujus prima figura *Dirigens*, nempe 3. dirigit me transcribere ex tertio intervallo triplum numeri dati, nempe 4983.

Quo facto ; secunda figura *Dirigens*, nempe 6. dirigit me ad sextum intervallum ; ubi invenio hunc numerum transcribendum 9966. Denique juxta ultimam notam *Dirigentem* nempe 5, peto quintum intervallum, ubi reperio 8305 ; quibus peractis invenio sequens schema, cujus numerus productus est numerus quæsitus, nempe 606265, tot enim dies sunt a nativitate Domini Nostri.

$$\begin{array}{r}
 365 \\
 \hline
 4983 \\
 9966 \\
 8305 \\
 \hline
 606265
 \end{array}$$

#### Regula 4.

Quando prima vel secunda figura dirigens docet transcribere numerum paucioribus figuris constantem, quàm figura dirigens tertia, &c. Cyptra primo ordini, ne desit obliquitas, præfigitor.

Exem-

( 22 )

*Exemplum.*

Hic multiplicantur 394 per 29.

$$\begin{array}{r} 29 \\ \hline 0788 \\ 3546 \\ \hline 11426 \end{array}$$

*Regula 5.*

Quando ciphra est figura dirigens, siue in medio, siue in fine Multiplicantis, tum totidem ciphrae, quot sunt figurae in antecedente, vel in subsequente ordine, describuntur.

*Exemplum.*

Hic multiplicantur 6596 per 2050.

$$\begin{array}{r} 2050 \\ \hline 13192 \\ 00000 \\ 32980 \\ 00000 \\ \hline 13521800 \end{array}$$

*Regula*

*Regula ultima.*

*Figura dirigens memoria causâ, immediatè post transcriptionem numeri ex tabulâ deletor.*

*Examen.*

Variis modis examinatur Multiplicatio. Primo, tabulando numerum minorem, & scribendo numerum majorem; & si numerus productus utriusque operationis sit idem, bene; secus, male.

Secundo, per divisionem ut patebit.  
Tertio sic, abjiciendo novenarios.

Primò, duæ lineæ in medio se invicem secantes in charta ducuntor.


Secundo, Novenariis ex Multiplicando & Multiplicante abjectis, residuum utriusque alterum in dextra, alterum in sinistra crucis parte notato.

Tertiò; residuo unius per residuum alterius multiplicato; necnon quolibet novenario ex summa rejecto, quod superest, in supremâ parte crucis locato. Denique ex producto, Novenarios etiam omnes rejicito; residuumque in infimâ parte crucis notato: si nota inferior sit eadem cum nota superiore, operatio tum recte esto.

*Exem-*

(24)

Exemplum.

$$\begin{array}{r} 365 \\ \times 4983 \\ \hline 9966 \\ 8305 \\ \hline 606265 \end{array}$$


Ex Multiplicando, nempe 1661 Novenario rejicio, & residuum, nempe 5 in dextrâ crucis parte pono. Item ex Multiplicante, nempe 365 hoc idem facio; residuumque in sinistra parte crucis colloco. Deinde 5 per 5 multiplico, quæ faciunt 25, ex quibus duos Novenarios abjicio, & residuum, nempe 7, in supremâ parte crucis colloco. Denique ex producto 606265, omnes novenarios similiter rejicio, & residuum, nempe figuram septimam inferius colloco. Quibus factis reperio infimam notam cum suprema quadrare, ideoque multiplicatio rite facta est.

## CAP. VI.

### De Divisione.

**I**N Divisione tres occurrunt numeri. Primus dicitur *Dividendus*, qui semper est major

Secun-

Secundus dicitur *Divisor*; estque semper minor. Tertius, qui est numerus inventus, cujus usâ fit operatio, dicitur *Quotus*, & toties continet unitatem, quoties *Divisorem* in *Dividendo* reperiens. Divisio itaque est partitio, seu distributio numeri *Dividendi*, per unitates *Divisoris*.

### *Praxis.*

Ut rite operemur, hæ regulæ sunt tenendæ.

#### *Regula 1.*

*Numerus major, five dividendus cum semicirculo quotientis in chartâ sribitor: Minor, seu Divisor in tabulam redigitor.*

#### *Exemplum.*

Quæritur quoties hic numerus 365 reperitur in 606265? Pro solutione scribatur *Dividendus* sic, & 365 tabuletur.

6 0 6 2 6 5

#### *Regula 2.*

*Divisore in tabulam redacto, numerum ex tabulâ tribus sinisterioribus figuris Dividendi*  
B
aequalcm

*æqualem, vel proximè minorem eligite; eumque directè sub iisdem tribus collocato.*

*Exemplum.*

2	4	1					
6	0	6	2	6	5	(1.	
3	6	5					

Exempli gratiâ, capio tres finisteriores figuras *Dividendi*, nempe 606 (adverte, aliquando plures, aliquando pauciores posse sumi, juxta quantitatem *Dividendi* & *Divisoris*) & inspicio per omnia intervalla tabulæ, ut reperire possim numerum huic numero 606 æqualem, vel proximè minorem (major numero in casu est eligendus) ex omnibus eligam numerum in primo intervallo huic numero 606 non æqualem (æqualis enim haberi non potest) sed proximè minorem. Deinde hunc numerum transcribo, eumque directè sub finisteriore parte *Dividendi* colloco. Denique inferiorem ex superiore subtraham, & reliquias superas transcribo. Adverte inter subtrahendum delere, figuras transcriptas & divisas, suum enim officium præstiterunt. Item adverte immediate post transcriptionem numeri collocare quotum seu quotum in semicirculo quotientis. Scilicet est, si numerus sit transcriptus ex primo intervallo, tum primam figuram in semicirculo

regula quotientes collocato. Si ex secundo intervallo, secundam figuram. Si ex tertio, tertiam, & ita deinceps, ut vides in exemplo supra posito.

### Regula 3.

Post primam, secundam vel tertiam operationem, à sinistra versus dextram figuratim, gradatim progreditor.

Sensus hujus regulæ est hic. Inter Dividendam, post primam operationem, cum reliquiis non assumes duas vel tres figuras Dividendi, sed unam tantum, nec solas reliquias, sed cum iisdem novam figuram *Dividendi*.

### Exemplum.

Pregredior ad secundam operationem, & sumo reliquias superscriptas, nempe 241. Cum nova notâ *Dividendi* nempe 2. quæ componunt 2412, & inspicio per tabulam ubi invenire possum numerum huic numero æqualem, vel proximè minorem; quem in sexto intervallo reperio, eumque transcriptum sub eodem quatuor directè colloco; & hunc inferius scriptum ab istis superius scriptis subtrahō; reliquiis supra notatis: necnon quotiēdo post hanc operationem collocato. Adverte per singulas operationes integrum dividendum scribere, ut patet in sequente schemate.

*æqualem, vel proximè minorem eligito; eumque directè sub iisdem tribus collocato.*

*Exemplum.*

2	4	1				
6	0	6	2	6	5	(1.
3	6	5				

Exempli gratiâ, capio tres sinisteriores figuras *Dividendi*, nempe 606 (adverte, alquando plures, aliquando pauciores posse sumi juxta quantitatem *Dividendi* & *Divisoris* & inspicio per omnia intervalla tabulæ, ut reperi. e possum numerum huic numero 606 æqualem, vel proximè minorem (major nullo in casu est eligendus) ex omnibus eligam numerum in primo intervallo huic numero 606 non æqualem (æqualis enim haberi non potest) sed proximè minorem. Deinde hunc numerum transcribo, eumque directè sub sinisteriore parte *Dividendi* colloco. Denique inferiorem ex superiore subtrahō, & reliquias superius scribo. Adverte inter subtrahendum deletas, figuras transcriptas & divisas, suum enim officium præstiterunt. Item adverte immediate post transcriptionem numeri collocare quotum seu quotuum in semicirculo quotientis. Sensus est, si numerus sit transcriptus ex primo intervallo, tum primam figuram in semicirculo



culo quotientes collocato. Si ex secundo intervallo, secundam figuram. Si ex tertio, tertiam, & ita deinceps, ut vides in exemplo supra posito.

### Regula 3.

Post primam, secundam vel tertiam operationem, à sinistrâ versus dextram figuratim, gradatim progreditor.

Sensus hujus regulæ est hic. Inter Dividendum, post primam operationem, cum reliquiis non assumes duas vel tres figuras Dividendi, sed unam tantum, nec solas reliquias, sed cum iisdem novam figuram Dividendi.

### Exemplum.

Pregredior ad secundam operationem, & sumo reliquias superscriptas, nempe 241. Tum nova notâ Dividendi nempe 2. quæ componunt 2412, & inspicio per tabulam ubi invenire possum numerum huic numero æqualem, vel proximè minorem; quem in sexto intervallo reperio, eumque transcriptum sub eadem quatuor directè colloco; & hunc inferius scriptum ab istis superius scriptis subtrahō; reliquiis supra notatis: necnon quotiēmo post priorem collocato. Adverte per singulas operationes integrum dividendum scribere, ut patet sequente schemate.

(28)

0 2 2 2  
2 4 1 2 6 5 (16  
2 1 9 0

Sic perge. 0 ex 2 remanent 2, quæ  
præscribo. 9 non ex 1, sed ex 11, remane  
2, 2 supra scribo. 1 ex 3 (amisit enim un  
tatem) remanent 2. Denique 2 ex 2  
manent 0. Quibus factis, restat pro ter  
operatione hic numerus 22265 adhuc div  
dendus. Adverte inter subtrahendum dele  
figuras minuendas & minuendas.

Item adverte brevitatis causâ, figuras in  
cundâ operatione posse sic collocari, & etiam  
in tertiâ, vel in quartâ.

0 2 2  
2 4 1 2  
6 0 6 2 6 5 (16  
3 6 5 0  
2 1 9

Post secundam operationem progredior  
tertiam, & assumo cum reliquiis 222 novam  
notam, nempe 6 *Dividendi*, quæ faciunt  
2226; & aspicio tabulam, ubi reperire pos  
sum numerum ei æqualem, vel proximè m  
norem: quem adhuc invenio in sexto inte  
rallo; eumque (ut supra) sub istis quatuor

figu

( 29 )

uris colloco ; & post subtractionem reliqui-  
suprascribo ; Quotummo post priorem in semi-  
culo Quotientis collocato.

*Exemplum.*

$$\begin{array}{r} 0036 \\ 22265 \quad (166 \\ 2190 \end{array}$$

Tandem succedit ultima operatio, ubi in-  
venio hunc numerum 365 dividendum, cujus  
equalem invenio in primo tabulae intervallo,  
quem transcriptum sub iisdem tribus colloco,  
Quotummo in semicirculo Quotientis po-  
no. denique subtractione facta, nihil reli-  
quum invenio.

*Exemplum.*

$$\begin{array}{r} 000 \\ 365 \quad (1661. \\ 365 \end{array}$$

*Regula 4.*

Quando post ultimam operationem relinquitur  
numerus, numero primi intervalli minor,  
fractionis numerator esto ; Et denominator sit  
ipse Divisor.

B 5.

Exem-

( 30 )

**Exemplum.**

Divide 4 5 6 8 per 22, & post secundam operationem invenies hunc numerum 14 nō lictum, quem sic collocabis.

$$\begin{array}{r} 0 \ 1 \ (14 \qquad 14 \\ 4 \ 5 \ 6 \ 8 \ (27\text{---} \\ 4 \ 4 \ 5 \ 4 \qquad 22 \end{array}$$

**Regula 5.**

*Quando numerus ex tabulā transcriptus paucioribus constat figuris, quā pars numeri Dividendi, ciphra numero transcripto præfigitor.*

**Exemplum.**

Divido 11426 per 39, & inspicio tabulam ubi reperire possum numerum huic numero 114 æqualem, vel proximè minorem quem in secundo intervallo invenio, nempe 78. Quoniam verò hic numerus 78 non constat totidem figuris quot 114, idè inter subscribendum præpono ei ciphram.

( 31 )

*Prolepsis.*

In hoc casu non duas tantum figuras Dividendi assumere licet ; quia numerus primi intervalli, nempe 39 superant 11. Numerus tertii intervalli, nempe 117 non potest assumi, quia est major, tum 11, tum 114 ; ideo necessario numerus secundi intervalli eligendus est.

*Exemplum.*

0	3	6				
1	1	4	2	6	( 2	
0	7	8				

*Regula 6.*

Quando post primam, vel secundam operationem, nihil vel parum remanet, quod cum novâ notâ Dividendi efficiat numerum, cui nullus numerus, ne vel minimus in integrâ tabulâ sit vel æqualis, vel proximè minor, tum duæ figurae Dividendi assumuntur, & ciphra in semicirculo quotientis locator.

*Exemplum.*

Divido 4488 per 44. Post primam operationem nihil remanet, quod cum novâ no-

ita nempe 8 *Dividendi* efficiat numerum, cui numerus primi intervalli, nempe 44, sit vel æqualis, vel proximè minor; ideò non unam tantum figuram *Dividendi* capio, sed duas nempe 88, alioqui cessaret operatio; 8 non possunt dividi per 44. Quoniam verò tertia regula sic violatur, ideò in semicirculo quotientis ciphram pono; & pergo ad secundum intervallum, ubi invenio 88, quem transcribo; Quotumo, nempe 2, in quotientis post ciphram posito.

*Exemplum.*

$$\begin{array}{r} 0000 \\ 4488 \quad (102 \\ 4488 \end{array}$$

*Examen.*

Numerum in semicirculo quotientis per *Divisorem* Multiplicato; si numerus productus sit æqualis *Dividendo*, operatio bene esto.

---

F I N I S.

---



# TRACTATUS SPHÆRICUS.

Sphæra materialis est instrumen-  
 S tum, quo omnia primi mobilis  
 phænomena facillimè indican-  
 tur. Componitur autem ex de-  
 cem potissimum circulis, qui sunt Æquino-  
 ctialis, Zodiacus, duo Coluri, Horizon, Me-  
 ridianus, duo Tropici, & duo Polares.

Hi circuli tribus modis inter se distingui so-  
 lent. Primò enim, alii maximi sunt, alii  
 minores.

Maximi sunt Æquinoctialis, Zodiacus,  
 duo Coluri, Horizon, & Meridianus: Ma-  
 jores enim iis in Sphæra dari non possunt. De  
 majorum circulorum proprietatibus legantur  
 Comment. *Clau.* in Sphæram principio capitis  
 secundi.

Minores verò sunt duo Tropici, & duo Po-  
 lares: Ideò verò minores dicuntur, quia ma-  
 jores iis in Sphæra dari possunt. *Clau. ibidem.*

Deinde circuli Sphære materialis alii in

conversione primi mobilis inter se paralleli sunt, alii recti, alii obliqui. Paralleli sunt duo Polares, & duo Tropici, & inter hos medius *Æquinoctialis*. Item *Horizon* habitantium sub polis. Obliqui sunt *Zodiacus*, & *Horizon* obliquus. Hic enim *Æquinoctialem* ad angulos obliquos secat, ille verò situ suo ad reliquos circulos ita se habet. Recti denique sunt duo Coluri, *Meridianus*, & *Horizon* rectus; secant enim *Æquinoctialem* ad angulos rectos.

Tertiò circuli *Sphæræ* alii sunt mobiles, alii immobiles. Mobiles sunt qui cum *Sphærâ* convertuntur, suntque octo numero: *Æquinoctialis*, *Zodiacus*, *Colurus æquinoctiorum*, *Colurus solistitiorum*, *Tropicus Canceri*, *Tropicus Capricorni*, *Polaris Arcticus*, & *Polaris Antarcticus*. Immobiles sunt *Meridianus*, & *Horizon*, sic dicti, quòd in conversione *Sphæræ* immoti maneant.

---

### De *ÆQUINOCTIALI*.

**Æ***quinoctialis* est circulus *Sphæræ* maximus, mobilis, à polis *Sphæræ* æquidistans. Maximus vocatur, ut à minoribus distinguatur, tam iis qui in *Sphærâ* pinguntur, quam iis qui fingi solent. Dicitur



aitur mobilis, ut ab Horizonte & Meridano distinguatur; sed præcipuè ab Horizonte habitantium sub polis, qui cum idem obtineat cum Æquinoctiali planum, ab eo cõsistat in hoc, quòd ille moveatur, hic quiescat. Denique per tertiam differentiam ab obliquis & rectis Sphæræ circulis internoscitur.

Variis nominibus insigniri solet. Modò enim Æquator, modò Æquinoctialis, modo Parallelorum medius & maximus appellatur.

Ejus usus & officia sunt hæc. I. Mensurat primum motum; solus enim ex omnibus Sphæræ circulis in quavis Sphæræ positione æqualiter movetur; idèdque & temporis mensura esse debet. Aptissimus enim est ad dierum artificialium, & naturalium quantitatem determinandam. Hinc fit ut ejus gradus ab aliis *Tempora* vocentur. II. Monstrat in Eclipticâ duo puncta Æquinoctialia, in iis videlicet punctis, in quibus Æquinoctialis, & Ecliptica se mutuò secant in principiis Arietis & libræ. Quando enim Sol ad ea puncta pervenit, æquinoctium est in universâ terrâ; observatur autem 11. vel 10 *Martii*, & 14. vel 13 *Septembris*. III. Quod in Zodiaci motu flexuoso anomalum est, Æquinoctialis beneficio ad regulam certam reducitur, ut in ascensionum doctrinâ videbitur. IV. Dividit Sphæram in medietatem Septentrionalem, in quâ à polus Septentrionalis, *Boreus*, seu *Arcticus*.

cticus est; & medietatem Australem, in qua  
 polus Australis, Meridionalis, vel Antarcti-  
 cus est. V. Ideò & Zodiacum ita in signa  
 sex Septentrionalia, & alia sex Australia dis-  
 pescit. VI. Ab Æquinoctiali numerantur  
 quorumcunque cœli punctorum declinationes,  
 tam Septentrionales quàm Australes. Vo-  
 catur autem declinatio puncti, vel stellæ cu-  
 jusvis, Arcus circuli declinationis interceptus  
 inter Æquinoctialem, & punctum seu cen-  
 trum stellæ. Circuli verò declinationum  
 sunt circuli Sphæræ maximi mobiles per polos  
 mundi, & datum aliquod cœli punctum tran-  
 seuntes VII. In Æquinoctiali computa-  
 tur cujuscunque etiam puncti cœli ascensio re-  
 cta. Hæc enim ascensio recta nihil aliud est  
 quàm arcus Æquinoctialis interceptus inter  
 principium Arietis, & circulum declinationis  
 transeuntem per punctum datum. VIII.  
 Nec non etiam in eodem numeratur cujusvis  
 cœli puncti ascensio vel descensio obliqua. Vo-  
 catur enim ascensio obliqua, Arcus Æquino-  
 ctialis interceptus inter principium Arietis &  
 illud Æquinoctialis punctum, quod unà cum  
 dato puncto oritur. Descensio verò obliqua  
 stellæ, est Arcus Æquinoctialis interceptus  
 inter locum prædictum, & punctum illud Æ-  
 quatoris, quod unà cum dato cœli puncto in-  
 fra Horizontem descendit. IX. In Æqui-  
 noctiali computamus differentiam ascensionu-  
 lem;

lem ; quæ nihil aliud est quàm arcus *Æquinoc-*  
*noctialis*, quo ascensio recta ab obliquâ differt.  
 X. Nec non etiam ab eodem numeramus am-  
 plitudinem ortivam & occiduam. Amplitu-  
 do ortiva vel occidua est, Arcus Horizontis in-  
 terceptus inter ortum vel occasum *Æquinoc-*  
*tialis*, & ortum vel occasum cujusvis puncti da-  
 ti. XI. In *Æquinoc*tiali numerantur lon-  
 gitudines locorum, & ab eodem etiam loco-  
 rum latitudines computantur. Longitu-  
 do loci, est arcus *Æquinoc*tialis interceptus,  
 inter primum Meridianum, qui fingitur tran-  
 sire per insulas Canarias, & Meridianum loci.  
 Latitudo verò loci est arcus Meridiani inter-  
 ceptus inter *Æquatore*m, & Zenith loci.  
 XII. Ad conficienda horologia solaria, *Æ-*  
*quinoc*tialis imprimis utilis est ; tot enim in  
 plano horæ ducuntur, in quot *Æquinoc*tialis  
 dissectus fuerit. XIII. In *Astrologiâ* di-  
 stinctiones demorum cælestium per usitatissi-  
 mum, & vulgò receptissimum modum sunt in  
*Æquinoc*tiali, ut infra tractatu speciali de iis  
 circulis maximis qui in Sphærâ materiali fa-  
 bricari non solent, planius fiet pag.

## De ZODIACO.

**Z**odiacus est circulus Sphæræ maximus, mobilis, sub quo Planetæ perpetuo versantur. Prima & secunda differentia additur ut in Æquinoctiali. Tertia verò quæ est sub quo Planetæ perpetuo versantur distinguit Zodiacum ab omnibus aliis circulis. Fieri enim potest, ut Planeta quispiam motu suo proprio sub Meridiano, sub circulo aliquo horarum versetur, atque etiam Horizontem stetinet, sed id non semper fit, nec semper in eo situ manens; sed perpetua est eorum sub Zodiaco mora. Et quoniam obliquâ viâ in cœlo errant, hic circulus obliquus factus est: cumque in hac obliquitate hinc inde adhuc digrediantur, insuper opus fuit latitudinem aliquam huic circulo tribuere, quâ etiam ab aliis circulis distingui potest, qui nullam omnes latitudinem habent.

Dividitur Zodiacus, Primò ratione suæ latitudinis, in latitudinem septentrionalem, & latitudinem Australem. Latitudo septentrionalis est dimidia illa Zodiaci pars quæ ab Eclipticâ (mediâ in ea lineâ) in Septentrionem vergit; latitudo verò Australis quæ huic opponitur. Utraque est octo graduum, quatuordecim,

lium totus Zodiacus, seu Eclipticâ media in Zodiaco linea est 360.

Ecliptica seu media in Zodiaco linea definitur Circulus Sphæræ maximus, mobilis, sub quo Sol perpetuo versatur. Et hæc linea ( ut & Zodiacus secundò ) dividitur secundum longitudinem in partes duodecim quæ *ῥωδειατ*. dicuntur. Horum *ῥωδειατμωριων* singula in partes triginta dividuntur, unde totus Zodiacus 360 gradus habet. Duodecim autem illa *ῥωδειατμωρια* Hæc sunt sortita nomina, *Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces*, contineturque his versiculis.

*Sunt Aries, Taurus Gemini, Cancer, Leo, Virgo, Libràque, Scorpius, Arcitenens, Caper, Amphora, Pisces.*

Cum autem puncta cardinalia quatuor sunt; duo videlicet Æquinoctialia, & duo Solstitialia, signorum initium placuit artificibus sumere ab Æquinoctiali verno puncto cardinali, quod Sol in eo constitutus, ut veris initium facit, ita terram apperiat, & nascencia omnia vivificet, quod nec in utroque Solstitio nec in Æquinoctio Autumnali præstare potest.

Rursum horum signorum distinctio multiplex est. 1. Enim, alia signa sunt septentrionalia, alia meridionalia. Septentrionalia sunt

sunt quæ ab Æquatore in Septentrionem declinant, suntque *Aries, Taurus, Gemini, Cancer, Leo, Virgo*, Australia quæ contra ab Æquatore in Austrum declinant, suntq; sex reliqua.

Secundò; alia sunt ascendentia, alia descendentia. Ascendentia sunt, quibus Sol & reliqui Planetæ ab Austro in Septentrionem, versus Zenith nostrum ascendunt, suntque *Capricornus, Aquarius, Pisces, Aries, Taurus, Gemini*. Descendentia contra, quibus Sol & reliqui Planetæ ex Zenith à Septentrione in Austrum descendunt, suntque sex reliqua.

Tertio, Signa Zoadici alia sunt Vernalia, alia Æstiva, alia Autumnalia, alia Hyberna. Vernalia sunt, *Aries, Taurus, Gemini*. Æstiva sunt, *Cancer, Leo, Virgo*. Autumnalia sunt *Libra, Scorpius, Sagittarius*. Hyemalia sunt, *Capricornus, Aquarius, Pisces*.

Quarto. Signa alia sunt Cardinalia, alia media seu fixa, alia communia seu bicornpora. Cardinalia sunt *Aries, Cancer, Libra, Capricornus*; Sic dicta, quòd eorum principia sint ipsa puncta cardinalia. Media seu fixa sunt, *Taurus, Leo, Scorpius, Aquarius*. Dicuntur media, quia inter cardinalia & communia medium locum tenent. Fixa verò appellantur; quia, Sole in iis versante, perfectam sentimus aeris temperiem, videlicet dato quadranti congruentem, ut Sole in *Tauro* versante, dicimus esse perfectum Ver, in Leone perfectam

sectam Æstatem, in Scorpione Autumnum, at denique in Aquario Sole existente, perfectam Hyemem appellare solemus. Communia seu bicorporea sunt *Gemini, Virga, Sagittarius, Pisces*. Bicorporea dicta, quod singula sunt *Astora* : *Gemini* enim duo sunt, *Virga* cum spicâ est, *Sagittarius* ex Hômine & Equo constat, *Pisces* quoque duo sunt. Communia verò ideò vocantur & præcedentium fixorum, & sequentium Cardinalium de naturâ, quod participare animadverterint Astrologi.

Quintò. Signa dividuntur in quatuor triplicitates, quæ ab Astrologis Trigoni nuncupantur. Primusque Trigonus est igneus, habetque signa Arietem, Leònem, Sagittarium. Secundus Trigonus est terreus, signa habens Taurum, Virginem, Capricornum. Tertius est aereus, habetque Geminos, Libram, & Aquarium. Denique quartus Trigonus est aqueus, in quo Cancer, Scorpis, & Pisces continentur. Hæc signorum in hos Trigonos distinctio desumpta est ex Saturni & Jovis conjunctionibus, quæ aliàs magnæ conjunctiones vocantur, eo quod raræ sint, vigesimo quoq; anno tantum recurrentes. Si autem Saturni & Jovis conjunctio e. g. contigerit hoc anno in Leone, ea post viginti annos rursus fieret in Sagittario, & post alios viginti in Ariete, & post alios viginti in Leònem

nem redire: Unde fit ut unius Trigonum revolutio, annos propemodum ducentos assumat, priusquam in proximum Trigonum magna Saturni & Jovis conjunctio transire possit.

Unus Zodiaci & Eclipticæ sunt hi. I. Ut Æquinoctialis primi mobilis mensura est, ita Zodiacus, & Ecliptica secundorum mobilium norma est & regula. Sol enim perpetuo sub Eclipticâ versatur, cæteri Planetæ perpetuo sub Zodiaco. Ideoque in Globo cœlesti, Zodiacus primas tenet ut in terrestri Æquinoctialis. II. In Eclipticâ numeramus longitudes stellarum, & ab eadem earundem latitudes computamus. Stellæ longitudo vocatur, Arcus Eclipticæ inter locum verum Æquinoctii verni, seu principii Arietis, & circulum latitudinis transeuntis per Stellæ centrum. Circuli verò latitudinum, sunt circuli magni mobiles, per polos Eclipticæ, & datam stellam ducti: sunt ex eorum numero qui in Sphæra fingi & applicari non possunt. Ex eorum tamen numero Colurus Solstitionum in Sphæra fabricatus est. Latitudo Stellæ, est arcus circuli latitudinis interceptus inter Eclipticam, & centrum Stellæ. III. Juxta Zodiaci & Eclipticæ gradus seu partes, totum cœlum, imò totus ipse mundus in duodecim signa dividitur. Imo respectu Zodiaci, quidlibet in Sphæra fixarum inclusum in hoc



vel illo signo esse dicitur; quanquam *in signo* esse multis modis dicatur. Primo enim in signo esse, nihil aliud est, quam esse sub aliqua parte duodecima, seu sub aliquo *ἡμερομηνίῳ*. Hoc sensu Sol in signo est, qui perpetuo sub Eclipticâ versatur. Deinde in signo esse dicuntur Stellæ, quæ quidem extra Eclipticam, attamen sub Zodiaco sunt. Hoc sensu Planetæ qui ab Eclipticâ divagantur, in signo esse dicuntur *Ariet. Tauri &c.* Tertiò, quipiam in signo esse dicitur, quod inclusum est in aliqua partium 12, quæ fiunt ex divisione totius cœli per initia *ἡμερομηνίων* & Eclipticæ polos, sex magnis circulis sese in iisdem polis interfecantibus. Et hoc sensu quævis Stella tam fixa quàm erratica, & etiam repentina, quale meteorum in signo *Arietis, Tauri, &c.* esse dicitur. IV. Obliquitas Eclipticæ, causa est inæqualitatis dierum, cum enim moveatur inæqualiter, Sol qui temporis parens, inæquales etiam dies efficiat necesse est. V. Annus, Mensis, & quatuor anni tempestates Eclipticâ definiuntur. VI. In Eclipticâ Sole & Lunâ versantibus, eclipses fieri necesse est; hinc ipsa etiam nomen suum sortita est. VII. Quanta est obliquitas eclipticæ, tanta est polorum mundi, à polis Eclipticæ distantia, tanta etiam utriusque Tropici ab Æquinoctiali intercapedo. VIII. Apud Astrologos, domiciliorum cuspides separantur ab invicem in hoc

hoc circulo. In eodem considerantur aspectus Planetarum, & stellarum fixarum cum illis mutui.

## De COLURIS.

**C**oluri in genere, nihil aliud sunt quam circuli declinationum suprâ definiti capite de *Æquinoctiali* pag. 4. usq. 6. Dicuntur verò Coluri à *κολος* vel *κολορος* mancus & *ὄρα* cauda, quòd in obliquâ Sphærâ partes aliquas, quasi caudâ mutilati essent, inconspectas habent. Reliqui autem omnes Sphæræ circuli conversione Sphæræ toti conspici possunt, sed Coluri partes semper aliquas versus polum latentem habent, quæ perpetuò delirescunt. Duo verò tantùm in Sphærâ fabricari solent, quorum unus Colurus Solstitiorum alter Colurus *Æquinoctiorum*, vocatur. Colurus *æquinoctiorum* est, circulus Sphæræ maximus, mobilis, per polos Sphæræ, & puncta *Æquinoctialia* cardinalia ductus. Per differentiam [*mobilis*] Coluri discernuntur. 1. à Meridiano. 2. ab Horizonte recto. 3. ab horarum circulis, quibus omnibus in unâ Sphæræ revolutione bis conjungi solent: sed in hoc differunt, quòd illi non moveantur, hi verò motum primi mobilis sequantur. Colurus Solstitiorum, est  
circulus

circulus Sphæræ maximus, mobilis, per Poles Sphæræ, & puncta solstitialia ductus, quâ differentiâ ab aliis Coluris distinguitur.

Uſus Colurorum in genere omnium ſunt hi. I. In iis numeramus declinationes cujuſcunque puncti Cæli. II. Aſcenſiones rectas terminant. III. Sunt inſtar Horizon- tis recti, & Meridiani in quâvis Sphærâ. IV. Monſtrant loca Eclipticæ, ac Æquatoris, dia- metraliter oppoſita.

Uſus Colurorum, qui in Sphærâ pingun- tur, & fabricantur, communes ſunt hi. I. Sine hiſ, circuli paralleli in Sphæræ fabricâ ſtare non poſſent. II. Sectione ſuâ mutuâ Sphæræ polos indicant. III. Dividunt E- clipticam in quatuor quadrantes.

Uſus verò Coluri Æquinocriorum peculia- res ſunt hi. I. Hic monſtrat puncta Æqui- noctialia per ſectionem ſuam mutuam cum E- clipticâ, in quibus punctis Sole conſiſtente, æquinoc- tium eſt per univerſam terram. II. Dividit Eclipticam in medietatem Sepren- trionalem, & Meridianalem. III. Diſtinguit ſigna, in quibus Sole verſante dies noctibus longiores ſunt, ab iis in quibus contrarium evenit.

Uſus Coluri Solſtitorum proprii ſunt hi. I. Monſtrat duo puncta ſolſtitialia, in quibus Sole verſante, vel eſt Zenith noſtro proxim- us, vel ab eodem remotiſſimus. II. In Coluro hoc

hoc numeramus maximam Solis declinationem, seu maximam Eclipticæ obliquitatem quæ hodie est 23, 36. III. Zodiacum dispescit in medietatem ascendentem, & descendentem. IV. Distinguit signa in quibus Sole versante dies augentur, noctes verò minuantur, ab iis in quibus contrarium fit. V. In hoc circulo sunt poli Eclipticæ, tot videlicet gradibus a polis mundi distantes, quot gradus continet maxima Eclipticæ obliquitas. VI. In Coluro hoc, latitudines Zonarum determinantur. Nam inter Tropicos est latitudo Zonæ torridæ, inter tropicos & Polares proximæ continentur Zonæ temperatæ, & reliqui duo arcus hujus circuli latitudinem Zonarum frigidarum adæquant.

---

### De HORIZONTE.

**H**orizon est circulus Sphæræ maximus immobilis, à puncto verticali æquidistans. Dicitur *Immobilis*, ut discernatur à reliquis circulis mobilibus, sed præsertim, 1. ab Æquinoctiali habitantium sub polis, ut jam supra annotatum est pag. 3. 2. ab Eclipticæ eorum quibus Zenith in polares incidit, illisenim Ecliptica quotidie cum Horizonte unitur, sed sine morâ. 3. à Circulis declinationum,

nationum, seu Coluris habitantium sub lineâ,  
 ubi enim circuli prædicti, & Horizon bis sin-  
 gulis Sphæaræ revolutionibus uniuntur, sed  
 circuli declinationum motum primi mobilis  
 imitantur, Horizon immotus manet. Im-  
 mobilis prætereâ dicitur Horizon, non verò  
 immutabilis; quot enim sunt puncta vertica-  
 lia, totidem sunt Horizontes, & mutantibus  
 nobis verticale punctum, Horizontem etiam  
 mutari necesse est. Dividitur autem duobus  
 modus. 1. enim ratione suæ habitudinis ad  
 Æquinoctialem, Horizon alius rectus est,  
 alius obliquus, alius parallelus. Horizon  
 rectus vocatur, qui Æquinoctialem ad angu-  
 los rectos secat: Horizon obliquus qui Æqui-  
 noctialem ad angulos obliquos secat: & Ho-  
 rizon parallelus qui Æquinoctialis plano paral-  
 lelus est, seu cui potius unitur, & secundum  
 hanc Horizontis ad Æquinoctialem habitudi-  
 nem, Sphæra eandem etiam divisionem for-  
 titur. 2. Horizon vel est rationalis, vel  
 sensibilis. Horizon rationalis est is qui su-  
 præ definitus est: intelligitur autem totum  
 mundi, seu Sphæram mundi in duas æquales  
 partes dividere, quarum una vocatur Hemi-  
 sphærium superius, altera verò inferius.  
 Rationalis autem appellatur, quia etiamsi o-  
 culo totum mundum, vel partem ejus dimidi-  
 am simul videre non possimus, ratio tamen  
 dicat ex apparentiis, partem mundi inferio-  
 rem

rem superiori æqualem esse : Horizon sensibilis est aliud nihil, quàm tanta terræ portio quantam unâ oculi circumrotatione conspiceri possumus. Alii eum definiunt, in quo phænomena cælestia ad sensum non mutantur.

Uſus Horizontis sunt hi. I. Separat partem mundi conspicuam ab inconspicuâ, superiorem ab inferiori. II. Per Polos Horizontis transire debet Meridianus, ideo Meridianorum descriptio ab horizonte dependet. III. Ab Horizontis situ cognoscimus an Sphæra recta sit, obliqua, vel parallela. IV. In Horizonte observantur ortus & occasus stellarum. V. Horizon ostendit, qui gradus Eclipticæ quæ etiam Æquinoctialis pars, aut gradus cum dato quovis cœli puncto oriatur aut occidat. VI. Terminat differentias ascensionales. VII. In Horizonte, numeratur amplitudo ortiva vel occidua cujuscvis puncti cœli quæ definita fuit supra pag. 5. usu. 10. VIII. Monſtrat æqualitatis dierum & noctium artificialium in Sphæra rectâ, & inæqualitatis in Sphæra obliquâ causam. Horizon enim in Sphæra rectâ secat omnes circulos dierum naturalium æqualiter, inæqualiter verò in obliquâ. Circuli dierum naturalium definiuntur infra pag. IX. Ab Horizonte numeratur Crepusculum matutinum; quando enim Sol 18 vel 19. gradibus, in aliquo verticali circulo, ab Horizonte distiterit, na ut ex eo moment

momento Horizonti magis ac magis appropin-  
 quet, tunc est crepusculum matutinum; ve-  
 pertinum verò est, cum ad 18 vel 19 illum  
 gradum accedit post occasum suum, tunc enim  
 lux tenebris commutari incipit. X. Ab Ho-  
 rizonte numeramus elevationem poli, & Æ-  
 quinoctialis. De cuius utriusque inveniendâ  
 variis modis lege *Clavium* in Sphæram, secti-  
 one de Meridiano usu 6. XI. Ab Hori-  
 zonte numerantur varia horarum genera. Ita-  
 lica quidem ab occidentali ejus parte, & Ju-  
 daica nocturnæ, Babylonica verò ab orien-  
 tali ejus parte, & Judaica seu inæquales di-  
 urnæ. XII. Ab Horizonte domiciliorum  
 celestium distinctio incipit. Pars enim ejus  
 orientalis cuspis est primæ domûs, seu domi-  
 cilii vitæ; vocaturque Horoscopus peculiari  
 nomine. Pars verò ejus occidentalis cuspis  
 quæ est domus septimæ seu domicilii conjugii.  
 Adverte vocabulum domus celestis esse ho-  
 monymum, vel enim significat apud Astrolo-  
 gos duodecimam totius cœli partem, ex qui-  
 bus Horoscopus, seu Orientalis Horizontis  
 pars una est, intercepta ad proximum usque  
 domicilium, seu saltem ejus cuspidem; vel  
 etiam significat signum aliquod Zodiaci, quod  
 cuius ex septem Planetis domus est, ut e.g.  
 Leo est domus Solis, & Cancer domus Lu-  
 næ vocatur. Planete enim singuli domos  
 habent

habent proprias, in quibus versantes vires suas  
 majori cum efficaciam exerunt ; habentque sin-  
 guli Planetæ binas domos, præter Solem &  
 Lunam, quibus singulæ tantum assignantur ;  
 & ex duabus illis una vocatur principalis, al-  
 tera minus principalis. Apposita tabula singu-  
 lorum domicilia indicat.

---

Planetarum Domicilia.

---

*Sol*                      *Leo.*

---

*Luna*                      *Cancer.*

---

*Venus* ——— { *Libra.* Minus principalis  
                          { *Taurus.* Principalis.

---

*Mercurius* ——— { *Virgo.* Principalis  
                          { *Gemini.* Minus principalis.

---

*Mars* ——— { *Scorpius.* Principalis.  
                          { *Arctus.* Minus principalis.

---

*Jupiter* ——— { *Sagittarius.* Principalis.  
                          { *Pisces.* Minus principalis.

---

*Saturnus* ——— { *Capricornus.* Minus principalis  
                          { *Aquarius.* Principalis.

---



## De MERIDIANO.

**M**eridianus est Circulus Sphæræ maximus immobilis, per Polos mundi & Horizontis ductus. Per differentiam per *Polos Horizontis* distinguitur à circulis horariis, quorum nullus præter ipsum per polos Horizontis transit. Varia autem ob multiplicem ejus usum sortitus est nomina: aliis enim vocatur Circulus medii diei, & mediæ noctis. Astrologis pars ejus superior vocatur M. C. hoc est, medium Cœli, Circulus medii cœli. Decima domus, Cuspis regalis, Cardo regis, Cor Cœli, Culmen Cœlis sed pars inferior I. M. C. h. e. imum Cœli, quarta domus. Quod verò de Coluris & circulis declinationum suprâ intelleximus, eos scilicet esse innumeros, quot videlicet in Cœlo puncta sunt, id ipsum etiam de Meridiano intelligi potest, tot enim sunt fingendi Meridiani quot puncta verticalia, quæ infinita sunt, dummodo ab occasu in ortum fiat progressio, nam ambulare possumus à meridie in Septentrionem invariato Meridiano, ut infrâ videbitur. Quorum tamen omnium vicem supplet unicus ille Meridianus, qui in Sphærâ fabricari solet;

in tabulis verò, vel Mappis Geographicis, ac Globis terrestribus, per binos Æquinoctialis gradus oppositos unum Meridianum extendunt Geographi, ut locorum latitudines facilius inveniri possint. Horum omnium Meridianorum, ut jam supra dictum est, commune principium est in insulis Fortunatis seu Canariis, quod insulæ illæ sint maximè terrarum omnium quas verteres cognoverint, occidentales, unde Terræ quasi totius habitabilis ibi faciebant initium, & inde Orientem versus progrediebantur, imitantes Zodiaci signorum ordinem vel secunda mobilia.

Usus Meridiani sunt hi. I. Distinguit partem mundi orientalem ab occidentali, seu anteriorem à posteriori. II. Ostendit plagam meridionalem & septentrionalem; ubi enim Sol est in meridie, ibi est merities, & Septentrio locus oppositus. III. Tempus diurnum & nocturnum dividit bifariam, hoc est, quando Sol ad partem Meridiani quæ in nostro hæmisphærio est, appulit, tantum de die præcessit quantum sequetur, & ita in inferiori de nocte fit. IV. In omni Sphærâ obliquâ, vicem Horizontis recti supplet. Ideo sicut stellæ supra Horizontem rectum ascendant, ita Meridianum pertranseunt, & isti transitus ascensiones rectæ mediæ Cœli vocantur, item Mediationes Cœli. V. A Meridiano

diano Astronomi sumunt temporis initium.  
 VI. In Meridiano quærimus Zenith ideo-  
 que quum ad eum stellæ venerunt, sunt  
 vel altissimæ supra horizontem, ac culminare  
 Astrologis dicuntur, vel sunt in ima depressio-  
 ne, quum ad partem oppositam delatæ sunt.  
 VII. In Meridiano numeramus distantias  
 Tropieorum, totamque Eclipticæ obliquita-  
 tem. Deprehenditur autem Tropicorum ab  
 Equinoctiali distantia hoc modo; Sole in u-  
 troq; Solstitio existente, observetur maxima &  
 minima ejus in Meridiano altitudo, hæc enim  
 ab illa ablata, relinquit arcum cujus dimidiata  
 est tropicorum distantia, minimæque altitu-  
 dini additus, vel à maximâ ablatu ille arcus,  
 altitudinem etiam Equatoris exhibet, & per  
 eam elevationem poli, quæ semper est illius  
 complementum. VIII. In Meridiano  
 observamus, & numeramus latitudinem loco-  
 rum in terra, elevationem poli, & Equinocti-  
 alis. Elevatio poli definitur arcus meridiani  
 interceptus inter horizontem & polum mundi  
 apparentem. Observatur ut dictum est usq;  
 præcedenti. Sed quia prædictus ille modus  
 ex observatione Solari temporibus solsticio-  
 rum dependet, quibus fieri potest ut Sol per-  
 petuò non luceat, ideo singulis noctibus ea-  
 dem poli elevatio haberi potest hoc modo.  
 Observeretur stellæ alicujus in occidente maxi-

ma & minima meridiana elevatio, postea minima elevatio tollatur à maxima, & differentia earum bifariam dividatur, tunc enim illud dimidium à maxima elevatione deductum, vel minimæ additum, poli elevationum exhibet. I X. Meridiani terminant longitudes locorum, tam in globis terrenis, quàm mappis, & globis in planum projectis. X. Meridianus Zonarum latitudines terminat, nec non etiam climatum. X I. In Meridiano quærimus Antipodas, Antæcos, & Pericæcos. X I I. Apud Astrologos decimam & quartam domum, saltem earum cuspides terminat.

## De TROPICIS.

**T**Ropici sunt circuli Sphæræ minores mobiles, motu primi mobilis à punctis solstitialibus descripti. Minores dicuntur, quia illis majores dari possunt. Additur, quod sint mobiles, ut potissimum discernantur à parallelis Horizontis, qui almucantarath appellantur, eorum qui sub polis degunt, & à Polaribus antiquis eorum qui sub Polaribus degunt, apud quos Tropici æquales sunt iis circulis qui stellas perpetuæ diei & perpetuæ noctis

à mi- noctis complectuntur. Duo autem numero  
 diffe- unt, Tropicus videlicet *Cancris* & Tropicus  
 enim *Capricorni*. Tropicus *Cancris* est circulus  
 e de Sphæræ minor mobilis; motu primi mobilis à  
 vatio- puncto Eclipticæ solstitiali æstivo descriptus.  
 nant Tropicus verò *Capricorni* est circulus Sphæ-  
 renis, æ minor mobilis motu primi mobilis à  
 jectis puncto solstitiali Hyberno descriptus.  
 ermi- Usus Tropicorum sunt hi. I. Monstrant  
 in Me- in Ecliptica, duo puncta Tropica seu solstiri-  
 os, & alia videlicet principium *Cancris*, & principi-  
 deci- um *Capricorni*. II. Terminant maximam  
 cuspi- Solis declinationem, ac proinde etiam maxi-  
 mam Eclipticæ obliquitatem. III. Ad  
 horum Circulorum alterutrum, Sol cum per-  
 venit puncto nostri verticali aut proximus est,  
 aut ab eo remotissimus. IV. In Sphæra  
 obliqua sunt paralleli diei longissimæ & bre-  
 vissimæ. V. Inter Tropicos comprehensus  
 Zona torrida, tam in Cœlo quam in Terra  
 & à temperatis secernitur.

---

### De POLARIBUS.

**P**OLARES sunt circuli Sphæræ minores, mo-  
 biles, motu primi mobilis à Polis Ecli-  
 pticæ descripti; hinc enim nomen suum sorti-  
 ti sunt. Duo etiam sunt, Polaris scilicet ar-  
 cticus,

**Arcticus, & Polaris Antarcticus.** Polaris arcticus est circulus Sphærae minor, mobilis, motu primi mobilis à Polo Eclipticæ Boreo descriptus. Polaris vero antarcticus, est circulus Sphærae minor mobilis motu primi mobilis à Polo Eclipticæ Austrino descriptus. Usus eorum sunt hi. I. Ostendunt Polos Zodiaci, eorumque distantiam à polis mundi metiuntur. II. Terminant Zonas temperatas, easque à frigidis separant, quæ eorum circumferentiis terminantur, & includuntur. **Adverte.** Non fuit apud veteres Astronomos, Proclum, Cleomedem, & reliquos, eadem quæ horum polarium descriptio. Describebantur enim apud eos non per Eclipticæ polos, sed per communes Meridiani & Horizontis sectiones, æquatori æquidistantes, tantaque erat eorum à polis mundi distantia, quanta Poli erat altitudo, ac proinde ubi polorum neuter elevatur, ut in rectâ Sphærae positione, Polares hujusmodi nulli sunt, sed inde paulatim secundum altitudinis Poli incrementum magis magisque augeri solent.

Usus eorum sunt multiplices. I. Comprehendunt arcum elevationis Poli. II. Ex Æquatoris Parallelis semper apparentibus hi maximi sunt, & ex Æquatoris Parallelis semper delitescentibus etiam maximi sunt. Sed contrâ inter Æquatoris Parallelos, qui ortui

is at- e occasui spatio 24 horarum obnoxii sunt,  
obilis, minimi sunt. III. Suo idcirco ambitu  
Boreo comprehendunt stellas aut cœli partes vel sem-  
est cir- per apparentes, ut polaris Arcticus. Unde  
i mo- triplex nata est stellarum differentia. 1. enim  
iptus, aliæ perpetuam diem habent, nec unquam in-  
Polos a Horizontem descendunt, illæ videlicet quæ  
mundi polari Arctico comprehenduntur. 2. Aliæ  
npera- perpetuam noctem habent, nec nunquam su-  
eorum a Horizontem ascendunt, ut quæ Polari  
untur. antarctico includuntur. 3. Aliæ denique  
trone- & oriuntur & occidunt, quæ videlicet ultra  
iquos, utraq; Æquinoctialem ad Polares hos pro-  
De- timos tendunt.

ipticæ  
Hori-  
antes,  
antia,  
i po-  
æ po-  
inde  
men-  
Com-  
Ex  
us hi  
sem-  
Sed  
ortui  
&

---

*De aliis Sphæræ Circulis tum maximis,  
tum minoribus, qui in Sphærâ  
non fabricantur.*

Præter circulos Sphæræ hætenus exposi-  
tos, innumeri alii tam maximi quam  
minores, quos excogitarunt Astronomi ad  
perfectiorem cœlestium motuum cognitionem  
acquirendam. Quod enim ad maximos ac-  
inet, sunt *Verticales* circuli, qui per singula  
Horizontis puncta, & loci verticem transeunt,  
ocanturque Arabibus *Azimuth*. Sant hora-  
rit

*iii* circuli, qui totum cœlum in 24. partes  
 æquales dividunt; suntque in triplici differe-  
 rentiâ. Aut enim initium eorum est in Me-  
 ridiano, & hi per polos mundi transeunt;  
 aut in Horizontis parte orientali vel occiden-  
 tali, quâ ratione contingunt duos circulos Æ-  
 quatori parallelos, quorum unus maximus est  
 semper apparentium, alter maximus semper  
 delitescentium, aut denique etiam in Horizon-  
 te initium sumunt, sed neque per polos mun-  
 di incedunt, neque prædictos parallelos con-  
 tingunt, sed dividunt omnia segmenta paral-  
 lelorum supra & infra Horizontem existentia  
 in duodecim partes æquales. Sunt circuli *do-*  
*morum* cœlestium, qui totum cœlum in duo-  
 decim partes dividunt, transeuntque per com-  
 munes sectiones Horizontis & Meridiani, &  
 per trigessimum quemque Æquinoctialis gra-  
 dum, initio facto ab intersectione Æquino-  
 ctialis & Horizontis, ubi est cuspis primæ do-  
 mûs. Vide supra pag. 5. in fine. Sunt cir-  
 culi *positionum* Astrologis valdè usitati, qui  
 transeunt itidem per communes Horizontis &  
 Meridiani intersectiones, & per centum cu-  
 juscunque stellæ. Sunt circuli *declinationum*,  
 qui per polos mundi & singula Æquinoctialis  
 puncta transeunt, de quorum proprietate  
 plura supra sectione de coloris pag. 12. titulo  
*Colorum* in genere omnium. Sunt  
 circuli



circuli *Latitudinum* qui per polos *Eclipticæ* & singulos ejus gradus transeunt, & alii id generis quam plurimi, qui per varios *Sphæræ* tractatus duci possunt per ejus centrum. Quod vero ad minores attinet, infiniti etiam prope modum sunt, nullus enim circulus est maximus qui non intelligatur suos habere parallelos, ut *Horizon* suos habet parallelos, qui à *Latinis* circuli *altitudinum*, ab *Arabibus* *Almucantarath* vocantur. *Æquinoctialis* suos habet parallelos à quibuscunq; *Cœli* *Punctis* descriptos motu primi mobilis. *Zodiacus* suos quoque habere dicitur parallelos circa polos *Eclipticæ* descriptos, quos quælibet stellæ seu *Cœli* puncta ad motum octavæ *Sphæræ* proprium describunt, & id genus alii maximis circulis paralleli excogitari possunt ad usus *Astronomicos*.

## De ZONIS.

**T**Ractatui de circulis *Sphæræ* vulgo annectitur tractatus *Geographicus* de *Zonis*; partim quia earum paulò ante facta est mentio. pag. 14. usu VI. partim etiam quia, ut ibi annotatum est, earum distinctio in *Sphæræ* circulis, *Cohæro solstitionum*, & *Meridiano* terminari solet. *Zonæ* igitur ni-

Nil aliud sunt, quam spatium cœli vel terræ  
 comprehensum, vel inter ambos Tropicos, vel  
 inter alterutrum Tropicum & Polarem vi-  
 cinum, vel inter Polarem alterutrum & mun-  
 di Polum. Ac proinde Zonæ vel sunt cœ-  
 lestes, vel terrestres. Cœlestes per se, suosque  
 in Cœlo circulos terminantur, Terrestræ  
 verò quod iisdem locis Cœli subjacent. Sunt  
 autem numero quinque, Torrida una, duæ  
 Temperatæ, & duæ Frigidæ. Zona torri-  
 da est spatium cœli vel terræ contentum inter  
 ambos Tropicos. Hæc in duas partes dividi-  
 tur, quarum una est Septentrionalis, altera est  
 Australis, sic nimirum ab ipso Aequinoctiali  
 distinguitur. Torrida vocatur, quod sicut  
 radii solares in ea sint rectiores, ita & calidiores  
 res, sic ut quasi æstu ejus incolæ torreantur.  
 Zonæ temperatæ sunt spatium cœli vel terræ  
 Tropico alterutro, & vicino Polari compre-  
 hensum; & ea quidem quæ Tropico Cancri  
 & Polari Arctico intercipitur Temperata  
 Septentrionalis vocatur, quam tota fere Europa  
 pa, & Asiæ magna pars, nec non America por-  
 tio occupat. Quæ vero Tropico Capricorni  
 & Polari antarctico inclusa est, Temperata  
 Australis appellatur. Hæc plus maris, minus  
 vero terrarum habet. Temperatæ vocantur  
 quod radii solares in iis sunt obliquiores, unde  
 tanta caloris non est reflexio, & commodissi-  
 ma

nam præbent incolis suis habitationem. Frigidæ Zonæ sunt spatium cœli vel terræ comprehensum inter alterutrum Polarem & Polum mundi proximum. Ea quidem quæ Polarari Artico & polo Boreo inclusa est, frigida borealis, ea verò quæ Polarari antarctico & Polo Austriaco comprehensa est, Australis appellatur. Frigidæ autem dicuntur, quod ut radii solares in iis obliquissimi sunt, imò per diem ferè anni partem absint, ita nivibus & glacie totæ rigescant. Islandia in Frigida Septentrionali est, sub polo vero Australi terra est, nondum cognita.

Zonarum quinque ut varii incolæ, ita variæ sunt sortiti nomina. Qui enim Torridam inhabitant Amphiscii nominati fuerunt, quasi utrinque umbram habentes, Utrinque intellige ratione puncti verticalis. Sol enim apud eos, ultra citraque ipsum divagatur, ita ut meridiano tempore umbræ gnomonum moveantur in Austrum, modò in septentrionem proiciantur.

Incolæ Zonarum temperatarum Heteroscii vocantur, quasi alterum tantum habentes umbram: nam meridiei tempore vel umbra periclitatur in Septentrionem, ut apud nos, vel in Austrum, ut apud eos qui temperatam Australem celant.

Sed qui sub frigidis vivunt, Periscii dicti sunt.

fuerunt, quasi circumcirea umbram habentes, quia Sol illis per longum tempus supra Horizontem est, & lapidis instar molaris ut coelum ibi movetur, ita Sol & Sydera parallelos faciunt supra Horizontem circulos, ac proinde omnes & singulas mundi plagas in uno 24. horarum spatio percurrit, & umbra in orbem circumfertur.

---

*De Ortū & Occasū stellarum  
Poetico.*

**H**Actenus fuerunt Hypotheses, circuli videlicet Sphaerae, quae ad Phaenomena primi mobilis exponenda conducunt: superest ut res ipsa pertractetur, nimirum ipsa Phaenomena declarentur, quod ut consequamur, de Ortū & Occasū stellarum Astronomico multa tradenda essent, quae nec compendiosè, nec sine trigonometriae Sphaericae cognitione hic inferi possent, habentur autem amplissimè apud *Claviū* in Sphaeram toto *cap. 3.* & luculenter satis ibi traduntur; ideo de his hoc loco plura dicere super sedemus, transeuntes ad ortum & occasum stellarum poeticum, quod est secundum primi mobilis Phaenomenon.

Hic

Hic autem Ortus & Occasus poeticus nihil aliud est quam ascensio & descensio supra & infra Horizontem ad Solem determinata. Vocatur autem Poeticus, non quod ad Astronomen non pertineat, cum partes ejus præcipue sint hos ortus & occasus determinare, sed quod Poetæ in certorum anni temporum descriptionibus hoc uti soleant, ut infra fiet manifestum.

Illius tres sunt Species. 1. Ortus & occasus Cosmicus. 2. Acronychus. 3. Heliacus.

Horum singuli duplicem significationem habent, generalem unam, & specialem alteram.

Ortus enim vel occasus Cosmicus generaliter sumptus est ascensio stellæ supra Horizontem contingens ab ortu Solis ad ejus occasum, vel ejusdem descensio eodem tempore.

Ortus & occasus Acronychus latè sumptus, est ascensio & descensio stellæ supra & infra Horizontem toto eo tempore contingens quo Sol infra horizontem latet.

Ortus denique & occasus Heliacus generalis est, apparitio vel occultatio stellæ post Solis ortum & occasum contingens. Sed specialis eorum significatio tempus certum determinat, ita quidem ut ortus stellæ Cosmicus dicatur ascensio stellæ supra horizontem in ipso ortu Solis momento: occasus verò Cosmicus sit ejusdem

iusdem occultatio Sole ex aduerso supra Horizon-  
tem ascendente eodem momento. Ortus  
acronychus est, quando stella supra horizon-  
tem ascendit, Sole ex aduerso eodem momen-  
to sub Horizontem descendente. Occasus  
acronychus est, quando stella una cum Sole  
occidente infra Horizontem descendit. Or-  
tus Heliacus est, quando stella, quæ ante  
propter Solis vicinos radios non poterat con-  
spici, ipsis remotis noctu jam incipit videri.  
Occasus Heliacus est, quando stella quæ an-  
tea propter Solis magnam ab eâ distantiam  
noctu videri poterat, jam Sole appropinquan-  
te definit apparere.

Apud veteres non eodem modo vocabantur  
hæc ortuum & occasuum genera: hanc enim  
proponebant ortus & occasus distinctionem.  
Ortus alius est verus, alius apparens; uterque  
rursus duplex, matutinus videlicet & vespertinus.  
Ortus & occasus verus matutinus idem  
apud eos erat qui Cosmicus, & ortus ac occa-  
sus verus vespertinus idem qui acronychus  
nunc vulgò dicitur. Ortus denique & occa-  
sus tam matutinus, quam vespertinus, idem  
qui Heliacus vocatur.

Exemplum ortus Cosmici habetur apud *Virg.*  
*Georg. 1.*

*Vere fabis satio; tunc te quoque, medica,*  
*pires*

*Accipi-*

*Accipiunt fulci, & milio venit annua cura  
Candidus auratis aperit cum cornibus annum  
Taurus, & aduerso cedens Canis occidit  
astro.*

*Exemplum occasus Cosmici ibidem.*

*Ante tibi Eoæ Atlantides abscondantur,  
Gnosiâque ardentis decedat stella Coronæ,*

*Exemplum ortus acronychi apud Ouid. lib. 1.  
de Ponto,*

*Quatuor Autumnos Pleiâs ora facit  
& 6. Fastor. Tunc oritur magni præpes adunca  
Fovis.*

*Exemplum occasus Chronici vel acronychi  
Ouid. 2. Fastor.*

*Illâ nocte aliquis tollens ad sidera vultus.  
Dicet, ubi est hodie quæ lyra fulsit heri?  
Dumque lyram quæret, medii quoque terga leonis  
In liquidis subito mersa videbit aquas.  
Quem modò cœlatum stellis Delphina vide-  
bas.*

*Is fugiet visus nocte sequente tuos.*

*Exemplum ortus heliaci Ouid. 2. Fastorum.*

*Fam levis obliquâ subsedit Aquarius urnâ  
& Virg. 1. Georg. Gnostiâque ardentis decedat  
stella Coronæ.*

**Exemplum occasus heliaci Virg. Georg. r.**

*Et adverso cedens Canis occidit astro.*

& Ovid. 1. Fast. *Septimus hinc oriens quum se  
demiserit undis,*

*Fulgebit toto jam Lyra nulla polo.*

**Adverte.** De ortu & occasu Cosmico & Acronycho vulgò circumferuntur hi versiculi.

*Cosmicè descendit signum, quod Chronicè  
surgit.*

*Chronicè descendit signum, quod Cosmicè  
surgit.*

Ut intelligatur, quomodò hi ortus & occasus invicem permulentur. Quando enim stellà quævis mane Cosmicè Sole simul oriente supra Horizontem ascendit, eadem etiam acronychè occidere debet, & vice verà, quamquam gradus gradibus non semper correspondeant, & momentum momento,

### *De Diebus Naturalibus & Artificialibus.*

**S** Equitur aliud primi mobilis phænomenon, videlicet doctrina dierum naturalium & artificialium.

Dies



Dies ergo duplices sunt, Astronomici videlicet & Civiles. Dies Astronomici sunt, quos Astronomi per Æquinoctialis revolutiones dimensos, certâque quantitate determinatos considerant. Dies verò civiles sunt quibus gens quævis pro suâ consuetudine utitur. Quod igitur ad dierum Astronomicorum quantitatem attinet, dies vel naturalis est, vel artificialis. Dies naturalis Astronomicus, est temporis spatium, quo Sol conversione primi mobilis à quocunque immobili cœli puncto digressus, ad idem revertitur. Eorum initium est desumptum à Meridiano ut supra pag. 26. paucis innuimus. Dies verò artificialis Astronomicus est, temporis spatium quo Solis centrum supra Horizontem commoratur, & nox artificialis ideo dicenda est temporis spatium, quo Solis centrum infra Horizontem occultatur. Porro dierum & noctium artificialium doctrina sequentibus theorematibus continetur. I. Dies & noctes artificiales apud Amphiscios, Heteroscios, & partim apud Periscios sunt partes diei naturalis; sed apud Periscios iis terræ partibus quibus Sol conversione primi mobilis aliquot circumgyrationes vel supra Horizontem absque occasu, vel infra Horizontem sine ortu, perficit, una dies vel nox artificialis in multos dies naturales excrefcit, ita quidem ut sub Polis, dies artificialis semestre integrum, nox verò artificialis ite-

dem.

dem sex menses contineat, & propriè sic lo-  
quendo totus annus unâ tantum die constat,  
ad naturalis diei analogiam respicientes. I I.  
In Sphærâ rectâ dies artificiales noctibus suis  
æquales sunt, secat enim in eâ Sphæræ posi-  
tione Horizon circulos dierum in partes æ-  
quales. Circuli dierum vocantur illi Æqua-  
toris paralleli quos Sol quotidie motu primi  
mobilis describit. I I I. In obliquâ Sphæræ  
positione duo tantum sunt singulis annis æqui-  
noctia, Sole videlicet existente in principiis  
Arietis & Libræ. Ratio huiusce rei patet ex  
mutuâ sectione etiam ipsius Horizontis & cir-  
culorum dierum, quæ inæqualis utique est,  
præterquam in Æquinoctiali. I V. In Sphæ-  
râ obliquâ, quæ diei & noctis artificialis vi-  
cissitudinem unâ revolutione Æquatoris habet,  
Sole in Tropico Cancrî (nam loquimur hic  
& in sequentibus, de Sphæræ parte hac superâ  
& septentrionali) dies est toto anno longissi-  
mus, nox brevissima, in solstitio verò bru-  
mali dies est brevissimus, nox est longissima.  
V. In Sphærâ eadem quæ jam suprâ, per totam  
tam medietatē descendantem ipsius Eclipticæ  
Sol efficit dies posteros antecedentibus brevior-  
es, noctes autem longiores, & in medietate si-  
gnorum ascendente vice versâ. V I. Sole ven-  
iente in locis Eclipticæ ab eodem solstitiali  
puncto æquè distitis dies diebus, noctes noctibus

tribus

Atribus sunt æquales. VII. Sole existente  
 in locis ab eodem Æquinoctiali puncto diffi-  
 ris, dies unius, æqualis est nocti alterius.  
 VIII. In obliquo Sphæræ situ, quò major  
 est Poli altitudo, eò majora sunt diei & no-  
 ctis longissima & brevissima incrementa;  
 donec sub Polaribus dies longissima 24 horas  
 contineat. IX. In Sphærâ obliquâ habi-  
 tantium inter Polarem & Polum vicinam, di-  
 es longissimus in multos naturales excrefcit, ut  
 & nox longissima, sed intermedii sunt circuli  
 quidam horarum, quorum pars supra Hori-  
 zontem est, pars verò infra, in quibus quum  
 sol versatur, dies artificiales, ut & noctes diei  
 naturalis partes sunt. X. In Sphærâ paralle-  
 lâ, totus annus in unum diem & unam no-  
 ctē artificialem lecutur. Adverte. Quanti-  
 tas, seu longitudo cujuscunque diei vel noctis  
 artificialis, cognoscitur per dimensionem ar-  
 cūs diurni vel nocturni, hoc est, ejus circuli  
 portionis, quæ ab ortu Solis de die, usque ad  
 ejus occasum, supra Horizontem ascendit, &  
 ejus quæ ab occasu Solis, usque ad ortum in-  
 fra descendit. In Sphærâ materiali ad certam  
 elevationem Poli constituta, notetur in Æ-  
 quinoctiali gradus oriens, cujus numerus ob-  
 servetur, & rursus observetur gradus ille op-  
 positus, si enim numerus hujus ab ejus nu-  
 mero tollatur, relinquetur arcus diurnus cujus  
 com-

complementum ad 360 est arcus nocturnus. Adverte, 2. Quod de die respectu Solis est dictum, id stellis commodissime applicari potest; stellæ enim dies, rectè vocatur temporis spatium, quo ipsa supra Horizontem commoratur, nox verò temporis illud spatium quo infra Horizontem delitescit. De stellarum diebus observentur sequentia theomata. I. In Sphærâ rectâ stellæ perpetuum habent Æquinoctium. II. In Sphærâ verò obliquâ stellæ fixæ, quarum declinatio Septentrionalis major est complemento altitudinis Poli, illæ diem æternum habere dicuntur: quarum verò declinatio Australis excedit complementum altitudinis Poli, æternam noctem habere dicuntur. Intermediæ, vicem ortûs & occasûs habent. Confer ea quæ supra pag. 26. circa medium dicta sunt. III. In Sphærâ parallelâ stellæ Boreales æternos dies habent, & Australes noctem perpetuam.

Dies civiles vocantur tempus illud unius Equatoris revolutionis, quod cuiusvis gentis vel nationi variis modis inchoatur & usurpatur. Diverse siquidem nationes diversa etiam habent dierum suorum initia. Judæi enim auctoritate divinâ, diem ab occasu Solis inchoant, quod etiam imitantur Itali. Babylonii ab ortu Solis diem incipiunt, quod hodie imitantur Norimbergenses, Umbri, Ægyptii.

**Ægyptii**; & **Arabes** initium dei sumunt ut  
**Astronomi** videlicet à Meridiano. **Romani**  
 à mediâ nocte, **Germani**, **Galli**, & **Hilpani**  
 in meridie & mediâ nocte communiter initi-  
 um diei reponunt, siquidem automata eorum  
 utroque isto meridiei ac mediæ noctis tempo-  
 re ad numerorum initia redeunt. **Dividuntur**,  
 ut **Astronomici**, in diem & noctem arti-  
 ficialem, item in tempus antemeridianum &  
 pomeridianum.

Quoniam autem horæ dierum partes sunt,  
 ideo de horis agere hîc necesse est. **Definitur**  
 hora, vigesima quarta pars diei naturalis,  
 vel temporis spatium quo 24. pars **Æquino-**  
**ctialis**, seu 15. **Æquatoris** gradus supra Ho-  
 rizontem emergunt. Sed hæc definitio suf-  
 ficiens non est, siquidem horis omnibus con-  
 venire non videtur, nam duodecima quæque  
 cujuscunque diei vel noctis pars etiam veteri-  
 bus & **Judæis** hora vocabatur, at ejusmodi ho-  
 ræ spatio gradus **Æquatoris** 15. non ascende-  
 bant, sed vel plures vel pauciores, ut infra pa-  
 tebit, idcò potius hora definenda videtur, cer-  
 ta quædam diei vel noctis artificialis portio,  
 diversis nationibus diverso modo sumpta, ut  
 generaliter videlicet, quid ea sit sciri possit.  
 Nam in specie prius tradita horæ definitio, he-  
 ris æqualibus tantum convenit, quod verò ad  
 horas inæquales attinet, definiri debent, duc-  
 deci-

decimæ cuiusque diei vel noctis artificialis partes; unde diversis anni temporibus diversæ sunt quantitatis, majores tempore æstivo, minores vero tempore hyberno.

Horæ æquales sunt trium generum, aliæ enim initium sumunt ab occasu Solis, quales sunt Italicæ, aliæ initium sumunt ab ortu Solis, quales sunt Babylonicæ, atque Noricæ seu urbis Norimbergensis, quæ ab ortu Solis diei horarum numerum incheant; Harum circuli attingunt parallelos semper apparentium & semper delitecentium maximos, ut supra pag. 16. dictum est. Aliæ denique initium sumunt à Meridiano circulo, suntque Astronomis in usu, & iis nationibus, quæ vel ab ejusdem circuli parte superiori, vel inferiori horarum initium sumunt.

Non erit ingratum tradere regulas, quæ horas quasvis ad alias quaslibet reducere doceant.

Primo igitur, horæ inæquales ad æquales reducuntur hoc modo. Ad datum tempus investiganda est diei vel noctis artificialis longitudo. Nam quæ proportio est horarum 12 inæqualium totius diei dati ad horas ejusdem diei æquales, eadem est proportio horarum datarum inæqualium ad horas æquales quæ fitas. Ut si quæras, quot horis Æquinoctialibus correspondeant horæ quinque inæquales tempore

tempore solstirii Æstivi in Scotia ad elevat:  
57. gr: ubi dies longissima horas habet 18.

Respondetur factâ operatione horis quin-  
que inæqualibus respondere horas septem æ-  
quales cum dimidiâ.

Conversionem horarum ab ortu & occasu  
solis in horas à meridie vel mediâ nocte & vi-  
ce versâ ; nec non horarum ab occasu in horas  
ab ortu & vice versâ, habes apud *Clavium* in  
fine Comment. in *cap. 3.* immediatè ante tra-  
ctatum Geometricum de crepusculis paginâ vid.  
præcedente.

---

## De ANNIS.

**U**T Horæ dies constituunt, ita dies an-  
nos componunt, ideo de annis nonnulla  
etiam attingenda sunt.

Annus est duplex Astronomicus & Politi-  
cus. Annus Astronomicus est temporis spati-  
um, quo Sol vel ad idem Eclipticæ punctum  
vel ad eandem stellam fixam redit. Hic au-  
tem duplex est, vertens scilicet & sydereus.  
Annus vertens est temporis spatium, quo Sol  
ab aliquo Eclipticæ puncto digressus ad idem  
revert-

revertitur. Ejus quantitas est mutabilis, aliquando enim major est, aliquando minor. Inter hæc duo extrema medius continet dies naturales 365. 5. Horas. 49. 15. 46, sed verus seu apparens interdum est dierum 365. horarum 5. 56. 53. 1. Interdū vero est dierum 365. horarum 5. 42. 38. 27. Annus sydereus est; temporis spatium quo Sol sub orbe stellifero ad eandem stellam fixam revertitur. Hujus quantitas est dierum 365. horarum 6. 9. 39. 0 estque semper sibi æqualis, ideoque anni vertentis vulgo mensura est. Sumitur autem anni vertentis initium ab Æquinoctio verno, anni vero syderici a prima stellâ Arietis.

Annus politicus est spatium annuum, quod vel ad Solis vel lunæ, vel utriusque cursum populari gentium numeratione accommodatur.

Hic multiplex est, Annus enim alius est Julianus constans diebus 365. horis, 6. quæ quidem horæ, quoniam, si singulis annis essent adjungendæ, plurimum turbarent, ideo constitutum est, ut omnino negligantur, donec quanto anno, quam quater assumptæ sunt diem integrum conficiunt, & dies ille sic confectus addatur, seu intercaletur, ut annus ille constet diebus 366. Unde annus Julianus duplex est, communis constans diebus 365. & intercalaris constans diebus 366. qui etiam bisextilis appellari consuevit, quia dies hic super



superaccidens diei sexto ante Calendas Martias additur, efficitque ut sextus Calendas Martias bis numeretur. Adverte. Causa correctionis Calendarii Juliani à Gregorio XIII. Papâ anno 1582. susceptæ, fuit anni Juliani non Justa quantitas, hinc enim fiebat ut post aliquot secula puncta cardinalia sedes suas anteverterent, & tandem tempestates invicem permutarentur.

Rursus alius est annus, Ægyptius qui perpetuo dies 365 complectitur. Hoc anno utuntur Astronomi, utpote ad motuum cœlestium logisticam accommodatissimus. Alius denique est Judaicus qui ad motum lunæ accommodatur, continetque, ut plurimum 12, interdum 13 lunationes. Hoc anno utebantur veteres ante Calendarii reformationem à Julio Cæsare institutam ope Sosigenis Mathematici.

Horum etiam annorum initium varium est. Romani enim annum inchoabant olim à Martio, recentiores à Brumâ; Judæi auctoritate divinâ facti à novilunio, quod Æquinoctio verno proximum erat incipiebant annum. Quod autem nos hodie annum a Januarii principio inchoemus, ex eo factum est quod recentiorum Romanorum institutum amplectentes à Bruma annum incipientium quæ primæ Januarii diei, quam proxima erat, pat-

latim solstitium hybernum sedem suam anticipaverit.

Ægyptiorum annus certum initium non habet, propter sex horarum omissionem; hinc enim, ut quarto quoque anno uno die anticipet, ac proinde intra 365 annos quater sumptos seu 1460 annos Julianos initium anni Ægyptiaci per omnes anni Juliani dies vagetur.

*De variis Phænomenis in, variis  
Sphæræ positionibus.*

**U**ltima tractatus istius pars tota erit in examinandis apparentiis quæ vario Sphæræ situi conveniunt. Variatur autem Sphæræ positio septem tantum modis, 1. quum uterque polorum mundi subsidit in horizonte, estque Sphæra hæc recta. 2. Est obliquæ Sphæræ positio, eorum quorum verticale punctum est intra æquatorem & alterum Tropicum. 3. Quum Zenith in alterutro Tropico est. 4. Quum Zenith versatur inter Tropicum alterutrum & polarem proximum. 5. Quum Zenith est in ipso Polari. 6. Quum Zenith est inter Polarem alterutrum, & polum mundi proximum. 7. Deniq; quum Poli mundi & Poli Horizontis coincidunt.

*De Phenomenis primæ positionis.*

I. **O**Mnes stellæ oriuntur & occidunt, nec ulla est inoccidua, nec ulla perpetuò delitescit, ideoque Arcticus & Antarcticus Polaris veterum de quo supra pag. 26. nullus est. II. Perpetuum est ibi Æquinoctium. III. Sol quotannis bis per ecrum Zenich transiens, bis fit verticalis, quando scilicet est in Æquinoctiali. IV. Quantum Sol à verticali puncto in Boream, tantum etiam in Austrum descendit. V. Quatuor ibi sunt Solstitia, duo alta, & duo ima: alta duo Sole in Æquinoctiali bis in anno versante, ima verò Sole Tropicos describente. VI. Duæ sunt æstates, & duæ hyemes, sed analogicè tantum, nam etiam in ipsâ hyeme caloribus immensis corpora torrentur. VII. Quinque sunt in eo Sphæræ positi umbrarum differentie. Meridionalis, Septentrionalis, Orientalis, Occidentalis, & perpendicularis. VIII. Umbra gnomonum extremitas in Horologiis eorum Horizontalibus, quæ sunt nostra polaria, describit toto anno hyperbolas, præterquam in principio Arietis & Libræ Sole constituto, tunc enim efficit lineam rectam.

*De Phænomenis secundæ positionis.*

I. **S** Tellæ aliquæ boreales semper super  
hemisphærium nostrum manentes,  
æternes habent dies, & contrâ nonnullæ sunt  
circa polum Austrinum quæ perpetuò delites-  
cunt. II. Arcticus & Antarcticus Polaris  
veterum magnitudinem polarium nostrorum  
non adæquat. III. Dies artificialis non est  
nocti suæ æqualis, duobus tantum illis exce-  
ptis, quibus universale contingit in torâ terra  
Æquinoctium. IV. Dies maxima ibi loci  
non excedit horas 13. 30. V. Sol quotan-  
nis bis fit illis verticalis, quando videlicet per-  
venit ad eos Eclipticæ gradus, quorum decli-  
natio latitudinem loci exæquat, describit e-  
nim tunc parallelum per Zenith. VI. Sol  
in Meridiano ulterius ad Austum quàm ad  
Boream vergit. (Hic, & insequentibus lo-  
quimur de septem illis positionibus quæ in  
Septentrionali Sphærâ sunt.) VII. Qua-  
tuor ibi sunt Solstitia, duo alta, & duo ima.  
Alta duo contingunt, Sole existente in eo pa-  
rallelo qui per Zenith transit; ima verò fiunt  
in Tropicis. Horum tamen illud quod in  
Tropico

Tropico Capricorni contingit humilior est eo quod fit in Tropico Cancr. VIII. Dies longissima, non est sole existente in altis solstitiis, sed in Tropico Cancr. IX. Geminas habent æstates, & Geminas hyemes, sed etiam impares, ut patet ex parallelorum vario situ. X. Quinque etiam umbrarum differentias habent, easdem videlicet quas in superiori Sphæræ situ observavimus. XI. Umbræ gnomonum extremitas Sole extra Æquinoctialem versante, describit ut in præcedenti hyperbolas, sed non oppositas æquales, ut ibi, at inæquales.

---

*Phænomena tertiæ Positiones.*

I. **O**Mnes stellæ quæ in Polari Boreo comprehenduntur, perpetuò manent supra Horizontem, nec unquam occultantur, nisi occasu heliaco generali, & contra quæ Polari antarctico includuntur perpetuam noctem habent. Ideoque Polares veterum Polaribus nostris æquantur. II. Dies artificialis longissima est, quum Sol transit per Zenith, brevissima vero, quum Sol ab eo in Meridiano maximè remotus est. III. Semel tantum in anno Sol fit verticalis, nimirum

tum quando est in principio **Cancr.** **I V.** Sol in Meridiano ultra Zenith nunquam in Septentrionem descendit, sed à Tropico **Cancr.** digressus perpetuò in Austro versatur. **V.** Duo tantum sunt ibi Solstitia, altum unum & imum alterum. Altum quidem Sole in Tropico **Cancr.** per Zenith eunte, imum in tropico **Capricorni.** **VI.** Dies longissima est in Tropico æstivo, brevissima in hyberno. **VII.** Una est æstas Sole in Zenith versante, hyems in loco opposito eodem consistente.

**VIII.** Quatuor habent umbrarum differentias, perpendicularem, Orientalem, Occidentalem, & Septentrionalem. Hinc incipiunt Heteroscii, ibi enim Meridionales umbræ deficere incipiunt. **IX.** Extremitas gnomonum facit etiam hyperbolas oppositas inæquales.

*De Phenomenis quarta Positionis.*

**I.** **U**T Arcticus & Antarcticus veterum major est nostris polaribus, ita plures sunt in hoc Sphæræ situ stellæ perpetuò apparentes, & perpetuò delitescentes, quàm in proximè præcedenti Sphæræ positione. **II.** Dierum etiam & noctium inæqua-

litas augetur. Dies artificialis longissima est, Sole ad Zenith quàm proximè accedente, brevissima verò, Sole quàm remotissimè abeunte, utque dies minima artificialis minor esse non potest horis 13. 36. ita maxima 24. horas habere non potest. III. Sol in eorum Zenith nunquam consistit, nec etiam in Meridiano Horizontem unquam stringere potest. V. Duo sunt apud eos solstitia, altum unum in principio Cancrì, & imum alterum in principio Capricorni. VI. Una æstas est, & una hyems. VII. Tres tantùm sunt umbrarum differentiarum, Orientalis, Occidentalis, & Septentrionalis: hujus loci incolæ dicuntur heteroscii, de quibus supra pag. 29. VIII. Gnomonum extremitas perpendiculariter solo affixorum describit adhuc hyperbolas.

*De Phenomenis quintæ positionis.*

I. **O**Mnes Stellæ, quarum distantia ab Æquinoctiali major est obliquitate Eclipticæ, aut non occidunt, si Boreales sunt, aut non ascendunt supra horizontem, si Australes. Ideoque Arctici & Antartici veterum æquales sunt Tropici. II. Longissima

gissima dies est horarum 24 nox nihil: & contra nox longissima 24 horas habet, dies artificialis brevissima nihil. III. Sol quorundam horis horizontis limbum bis stringit sine ortu vel occasu, nimirum in Tropicis consistens. IV. Sol Meridiano tempore semper Australis est, verumtamen in Tropico Cancrī dimidia ejus corporis pars in Borea conspici potest. V. Duo sunt Solstitia, altum in Cancro, & imum in Capricorno. Sed ad similitudinem solstitionum quæ sunt in aliis Zonis, tria apud eos solstitia esse dicere possumus, altum unum in Cancro, quum Sol in Meridiano altus est, quanta est distantia Tropicorum, ima vero duo, quorum unum est in eodem Cancrī Tropico versus Boream, quam Horizontis limbum stringit, alterum in Tropico Capricorni quum Horizontem etiam stringit. VI. Una ætas & una hyems. VII. Quatuor umbrarum sunt differentiæ, Orientalis, Occidentalis, Septentrionalis, & Australis, quanquam hæc semel tantum contingat in anno, & Sole radiantantum dimidiis suis fulgente umbra ejusmodi minus opaca sit, quam quum toto orbe splendet. Hinc incipiunt Perisæi. VIII. Gnomonum extremas facit Parabolas in horizontali horologio, ut semel ab Æquinoctiali digressus est, in quo, ut ubique alibi lineas rectas describit.





*De Phenomenis sextæ positionis.*

I. **P**AUCÆ admodum sunt Stellæ quæ  
oriri & occidere possint, illæ vide-  
licet tantum, quarum declinatio distantia tro-  
picorum minor est, quia arctici & antarctici  
circuli stellas occiduas & inocciduas comple-  
tentes majores sunt Tropiciis. II. Æqui-  
noctium habent, ut cætera terræ loca. At Sole  
in illo parallelo versante, cujus declinatio ab  
Æquinoctiali æqualis est distantia poli mun-  
di a Zenith dies est 24 horarum, inde dies ar-  
tificialis in multos dies naturales excrescit.  
III. Sole in eodem parallelo versante, Hori-  
zontis limbus stringitur, & quum Sol ad eum  
pervenit, dimidiato tantum orbe lucet IV.  
Unicum habent solstitium videlicet in tropi-  
co Cancræ, oppositum enim in Capricorno illis  
est inconspicuum. Sed analogicè & ad com-  
parationem similitudinemve loquendo sex il-  
lic solstitia numerari possunt. Duo alta, Sole in  
Tropico Cancræ versante, ibi enim tam ad Au-  
strum quam ad Boream altitudo Solis in Me-  
ridiano altissima est, etiam si Borealis Austrum  
major sit; & quatuor ima quibus Sol Hori-  
zontem tadit. V. Unam Æstatem, unam-  
que

que hyemem habent, sed analogicè tantum ibi Æstas dici debet, nam ea terræ loca perpetuis nivibus & glacie rigent. VI. Quatuor umbrarum differentias habent, Orientalem, Occidentalem, Australem, & Borealem. Hi sunt Periscii. VII. Gnomones & styli suis extremitatibus describunt Ellipses.

---

*De Phanomenis septimæ Positionis.*

I. **N**ullæ stellæ oriuntur & occidunt, rotantur enim supra Horizontem ab eo semper æquidistantes. Arcticus & Antarcticus veterum unus ibi idemque circulus est, videlicet Horizon aut Æquator qui uniuertur. Intellige tamen de stellis fixis tantum, nam stellæ erraticæ, seu Planetæ cursum suum absolventes oriuntur & occidunt statim temporibus. II. Dies artificialis in totum semestre extensus est, ut & nox. Ideoque diei naturalis & anni quantitas ibi eadem est. III. Sol in Æquinoctiali constitutus dimidiò tantum orbe lucet, & Horizontem stringit, ideoque oritur tantum & occidit illis temporibus. IV. Nullum cœli punctum potest vel Occidentale vel Orientale dici, Australe,

Australe, aut Boreale, cum Polus mundi ad nullam Horizontis partem magis inclinet, ex quâ inclinatione oritur plagarum distinctio. V. Unicum Solstitium habent, scilicet in Cancro, sed analogicè duo alia subjungenda sunt, quum scilicet Sol est in principiis Arietis & Libræ. VI. Una ibi æstas, & una hyems, sed æstas ibi vocanda est frigoris tantum tenuis remissio, nam Sol ab iis toto semestri absist, infra Horizontem latens. VII. Umbra gnomonum ut in omnes mundi & Horizontis partes projiciuntur, ita perfectos circulos describunt.

---

F

P R A X I S

PRAXES  
ASTRONOMICÆ

*In ordine ad tractatum Sphæricum.*

**Q**uoniam non minus utile quàm jucundum, à Theoriâ ad Praxin descendere, existimaui; ideo operationes Astronomicas quasdam, easque faciliores ad tyronum usum captumque, accommodavi. Non hæc in partibus Sinuum, Tangentiumve, quibus communiter solent Astronomi in angulis, lateribusque triangulorum commensurandis, institui: propterea quod omnes, præsertim junioriores, iis uti nesciant: quibus etiamsi uti possent, non sine magno laboris dispendio, operationes Arithmeticas exequendo, fructum aliquem perciperent. Fateor recentiorum nonnullos, faciliiori methodo, nempe tabulis Sinuum, Tangentium, ac Logarithmorum, hoc opus difficillimum, laboriosumque facile præstitisse: verum nos, tabulis quibuscunque sepositis, idem quod illi cum iisdem, minore cum difficultate faciemus. Quare Astronomiæ studiosus Sectorem, instrumentum Mathematicum egregium, ex ære vel ligno Londini fabricatum, ibidemque venale

nale, sibi comparet; in quo præter lineas Sinu-  
 um, & Tangentium, quam plurimæ aliæ,  
 cujuscumque sunt linea Numerorum, Superfici-  
 erum, Chordarum, &c. ad amussim inscri-  
 buntur. Quod si a lolescens ingeniosus hu-  
 jusmodi lineas proprio Marte inscribere deside-  
 ret, tum super plano semicirculum ducat,  
 quem in duos quadrantes dispescat. Quemli-  
 bet in 90 gradus dividat. A quolibet gradu  
 unius quadrantis ad quemlibet oppositum, per  
 semidiametrum, lineas rectas diametro semi-  
 circuli parallelas extendat. Quibus factis,  
 lineam Sinuum in semidiametro descriptam,  
 inque 90 gradus divisam reperiet. Lineam  
 Tangentium sic efficies. Semicirculum (ut  
 prius) ducito, alterumque ejus quadrantem in  
 nonaginta gradus, semidiametro inter utrum-  
 que ductâ, divide. Super hanc semidiamete-  
 rum, linea perpendicularis ad circumferenti-  
 am circuli decidat, ita ut eam tantummodo  
 tangat. Dein, a centro lineas rectas per quem-  
 libet quadrantis gradum extende, Ubi hæ il-  
 line, juxta numerum graduum in limbo qua-  
 rantis descriptum, tangunt, Tangentium nu-  
 merum annota. Adverte. Lineæ, quæ a cen-  
 tro per quadrantis limbum ad perpendiculara-  
 m transgunt, Secantes nuncupantur.

## P R A X I S Prima.

*Meridianum super plano Horizontali  
reperire.*

**P**Onatur Planum horizontale, in cuius medio duc circulum; in cuius centro stylus ad angulos cum horizonte rectos erigatur. Ante meridiem, si tibi desit quadrans Astronomicus, punctum circuli ubi umbra extremas terminatur, accurate nota. Idem a meridie facito, & rem habe, si inter hæc duo puncta spatium bipartitus fueris. Quadrante Astronomico solis altitudinem ante meridiem nota; eodemque momento circuli circumferentiam, ubi transit umbra, puncto insignito. Post meridiem, eandem solis altitudinem expecta, quâ habita; statim eandem circumferentiam, ubi transit umbra pomeridiana, alio puncto insignito: inter quæ ad anguem per aliud divide, inter quod & centrum duc lineam tuam meridianam.

## P R A X I S Secunda.

*Altitudinem Solis quâvis diei horâ  
invenire.*

**S**uper plano horizontali ad angulos rectos  
erigatur bacillus, quem cum ipsius um-  
brâ mensurabis. Deinde adi Sectorem, &  
alterum circini pedem in linea linearum seu  
numerationum ad numerum partium umbræ,  
alterum ad numerum partium bacilli applica-  
servata hâc distantia, remotoque circino, alte-  
rum ejus extremum in Tangent. 45 fix-  
tum facito, alterum in numero quæsito ter-  
minatum reperito. E. g. Bacillus sit partium  
24. umbra 16. Facta operatione in linea  
Tangentium altitudinem Solis grad. 33. 40.  
comperies.

## P R A X I S Tertia.

*Solis distantiam à puncto verticali reperire.*

**R**epertam solis altitudinem à 90. aufer,  
quod reliquum est, quæsitum est.  
E. g. à 90. aufer 33. 40. quod remanet,  
nempe 56. 20. est quæsita distantia.

---

### PRAXIS Quarta.

*Maximam & minimam Solis altitudinem  
determinare.*

**S**ub tempus, quo Sol Tropico Cancrī,  
Tropicoque Capricorni appropinquat,  
ejus altitudinem Meridianam quotidie diligen-  
ter nota; usque dum maximam minimamque,  
quæ haberi potest, altitudinem observaveris.

---

### PRAXIS Quinta.

*Inventâ maximâ utrinque Solis declina-  
tione, Æquatoris, Polique altitu-  
dinem determinare.*

**U**tramque Solis altitudinem, tum ma-  
ximam tum minimam simul additam  
bifariam divide, ac Æquatoris altitudinem  
habe, quam si à 90. auferas, poli altitudinem  
reperisti. E.g. in Tropico Capricorni sub  
nostrâ latitudine 56. 20. sol constitutus, Me-  
ridianam habet altitudinem 10. 10. in Tro-  
pico



pico Cancrī 57. 10. quibus additis, æqualiterque divisis, Æquatoris altitudinem, nempe grad. 33. 40. comperio; cujus complementum nempe 56. 20. est Poli altitudo seu latitudo loci.

---

### PRAXIS Sexta.

*Datā maximā minimāque Solis altitudine obliquitatem Eclipticæ determinare.*

**M**inimā ex maximā solis altitudinē subduciā, Tropico: um intercapedinem habes; quam si in duas partes æquales dispescueris, Eclipticæ obliquitatem reperisti. E.g. Minimam solis altitudinem, 10. 10. ex maximā 57. 10. aufero, distantiamque Tropico: rum 47. comperio: quam bisariam divido, & Eclipticæ obliquitatem 23. 30. invenio.

---

### PRAXIS Septima.

*Solis declinationem quolibet anni tempore reperire.*

**P**er Quadrantem Astronomicum Solis altitudinem Meridianam sume, quam inventam

Veniam ab *Æquatoris* altitudine, si sit eā maior, subtrahere, si hæc sit illā minor, cum contrā. E. g. *Altitudo Solis Meridiana* decimo vel undecimo die *Maii* sit grad. 53. 40. ex quibus 33. 40. subductis, remanent grad. 20. *declinatio* quæsitā. Item decimo vel undecimo *Februarii* die, sit *Solis altitudo Meridiana* grad. 22. 10. quibus ex 33. 40. subductis, remanent gradus 11. 30. *Solis declinatio* quæsitā.

---

### PRAXIS OCTAVA.

*Solis declinationem quovis die trigonometricè, per lineam Sinuum, datā ejus distantia à proximo Æquinoctiali puncto, necnon Eclipticæ obliquitate, reperire.*

**Q**Uæ proportio inter sinum totum, & sinum maximæ obliquitatis *Eclipticæ*; eadem inter sinum *Solis distantia à proximo Æquinoctiali puncto* & sinum quæsitam. E. g. decimo vel undecimo die *Maii*, Sole in initio *Geminorum* versante, scire volo ejus ab *Æquatore* *declinationem*? Ut fiat resolutio, circinum super lineam Sinuum extendo; cujus

jus alterum extremum in ipso radio, nempe in numero 90. figo; alterum in maximâ Solis obliquitate, nempe in 23. 30. termino. Servatâ hæc distantia, remotoque circino, alterum pedem sinui Solis distantie, &c. nempe 60 (tot enim gradibus tunc temporis à sectione vernâ distat) applico; alterum in sinu 20. 15. terminatum reperio; quæ est ipsa Solis declinatio quæsitâ.

---

### PRAXIS Nona.

*Repertâ Solis declinatione, ejus distantiam à proximo æquinoctiali puncto determinare.*

**U**T se habet sinus maximæ declinationis Solis ad sinum declinationis reperiæ, ita se habet radius totus ad sinum quæsitum. E. g. decimo, vel undecimo die Maii, Solis distantiam à proximo æquinoctiali puncto desidero? Ut fiat resolutio, circinum super lineam sinuum inter 23. 30. Solis maximam declinationem, & 20. 15. solis declinationem datam extendo: cumque hac servatâ distantia, alterum extremum ipsi radio, nempe numero 90. applico, alterum in numero 60. terminatum reperio; quod volui.

PRAXIS Decima.

*Amplitudinem Solis ortivam & occiduam determinare.*

**U**T sinus complementi latitudinis, ad finem maximæ declinationis; ita sinus distantie Solis, à proximo Æquinoctiali puncto ad finem amplitudinis quæsitæ. E.g. decimo, vel undecimo die *Maii*, quæritur quor. gradibus oriatur Sol boream versus, vel eundem versus occidat a puncto Orientali & Occidentali? Ut fiat resolutio, circinum in lineâ Sinuum inter 33. 40. complementum latitudinis & 23. 30. maximam Solis declinationem extendo: servatâ hac distantia, remotoque circino, alterum ejus extremum in 60 (tot enim gradibus tunc temporis distat Sol à sectione verâ) fixum volo; alterumque in 38. 50. terminatum comperio; quæ est Solis amplitudo ortiva, occiduaque.

PRAXIS

## P R A X I S Undecima.

*Sole in Æquinoctio versante ejus altitudinem quâvis diei horâ reperire.*

**U**T Radius totus ad complementum elevationis Poli; ita sinus distantiae Solis ab horâ sextâ ad sinum altitudinis quæsitæ. E. g. altitudinem Solis sub Æquinoctio versantis horâ 8. 30. desidero? Ut fiat resolutio, circumum inter sinum totum, nempe 90. & 33. 40. complementum latitudinis extendo: servatâ hâc distantia, remotoque circino, alterum ejus extremum in 37. 30. figo (duobus enim horis cum dimidio tot gradus in Æquatore respondent) alterum in 19. 42. fixum reperio; quæ est Solis altitudo supra Horizontem tunc temporis.

## P R A X I S Duodecima.

*Altitudinem Solis in puncto Orientali & Occidentali consistentis invenire.*

**U**T sinus totus ad sinum latitudinis, ita sinus declinationis Solis datæ ad sinum alti-

altitudinis quæsitæ. E.g. Scire volo Solis altitudinem in puncto Orientali decimo vel undecimo die *Maii*? Ut fiat resolutio, circum inter 90. & 56. 20. extendo; cumque hac eadem distantia, alterum extremum in 20 15. Solis declinatione, alterum in 24. 30. terminatum comperio, quæ est Solis altitudo in puncto Orientali vel Occidentali die dato.

### PRAXIS Declinatertia.

*Altitudinem Solis præcisè horâ sextâ  
matutina & vespertina determi-  
nare.*

**U**T Sinus totus ad Sinum declinationis Solis datæ, ita Sinus latitudinis, ad Sinum altitudinis. E.g. Altitudinem Solis hora sexta matutina & vespertina decimo vel undecimo die *Maii* desidero? Ut fiat resolutio; circum inter Sinum totum nempe 90 & 20. 15 extendo; cumque hac distantia, remotoque circino, alterum ejus crus in 56. 20 sinum latitudinis fixum volo, alterum in 16. 45. terminatum reperio, quæ est Solis altitudo quæsitæ.

## P R A X I S Decimaquarta.

*Tempus quo Sol præcise attingit punctum orientale vel occidentale determinare.*

**Q**Uæ proportio reperitur inter Tangentem latitudinis & sinum totum, eadem reperitur proportio inter Tangentem declinationis, & sinum complementi horæ à meridie. E. g. Quæro quæ hora decimo vel undecimo die *Maii* Sol attingat punctum Orientale? Ut fiat resolutio, alterum circini pedem in linea Tangentium super numerum 56 20. Loci latitudine, alterum in ipso radio figo: servatâ hac distantia, circinum removeo, cujus alterum crus in linea Tangentium super 20. 15. Solis declinatione termino; alterum fixum in linea sinuum (nempe sinistram versus) super 14. 10. reperio; cujus complementum est 75. 50. quibus in horas conversis respondens horæ 5. 3. id est: decimo vel undecimo die *Maii*. Sol attingit punctum Orientale 57. minutis post horam sextam.

Praxis

## P R A X I S Decima quinta

*Azimuthum Solis hora sexta determinare.*

**Q**Uæ proportio reperitur inter complementum latitudinis & sinum totum, eandem reperiēs proportionem inter complementum Tangentis Solis declinationis, & Tangentem Azimuthi quæsitū à parte Boreali meridiæ. E. g. Scire volo vicesimo qui. no die *Maii* Solis Azimuthum horâ sextâ? Ut fiat resolutio, circinum in linea sinuum inter 90 & 33. 40. extendos; cumque hac servatâ distantia, circino remoto, alterum ipsius erus in linea Tangentium super 67. 20 complemento Solis declinationis figo; alterum super 77. 20. Azimutho quæsito fixum reperio; cuius complementum nempe 12. 58. est Solis distantia à puncto Orientali.

## P R A X I S Decima sexta.

*Azimuthum Solis sub Æquinoctio versantis quolibet diei tempore reperire.*

**U**T complementum altitudinis Solis ad sinum graduum Æquatoris; ita radius totus



tus ad sinum Azimuthi quæſiri. E. g. Undecimo die Martii, decimotertio, vel decimo quarto Septembris, noſcere volo horâ octavâ quot gradus Horizontis inter lineam verticalem, quæ tranſit per Solis centrum, ſecatque Horizontem ad angulos rectos, & inter Meridianum proximum, vel punctum Orientale intercepti ſunt? Reſp. primo, Solis altitudo, ut ſupra dictum eſt, datâ horâ obſervetur, ſitque grad. 16. Secundo, quatuor horæ inter meridiem & horam datam inclusive in gradus Æquatoris convertantur. Quibus factis ſic perge. Ut 74. complementum altitudinis Solis, ad 60 gradus Æquatoris, ita radius totus ad 64 Azimuth quæſitum: tot enim ſunt gradus Horizontis inter Meridianum, & circulum verticalem per centrum Solis tranſeuntem; cuius complementum eſt grad. 26. tot enim gradibus diſtat Sol tunc temporis à vero puncto Orientali.

---

P R A X I S Decima ſeptima.

*Azimuthum Solis in ſignis Borealiſus  
verſantis, nec non in Auſtralibus  
determinare.*

**Q**Uæ proportio eſt inter complementum altitudinis & gradus Æquatoris à meridie

ridie, eadem est proportio inter complementum declinationis, & Azimuth quæsitum.

# PRAXIS Decima octava.

*Solis ascensionem rectam reperire.*

**Q**uæ proportio reperitur inter sinum totum, & complementum maximæ declinationis, eadem reperitur inter Tangentem distantie Solis à proximo Æquinoctiali puncto, & Tangentem ascensionis rectæ quæsitæ. E. g. Scire cupio rectam solis ascensionem decimo vel undecimo die *Maii*? Ut fiat resolutio, circinum in lineâ sinuum inter 90. sinum totum & 66. 30. complementum maximæ declinationis solis extendo: cum hac distantia, alterum circini crus (nempe in linea Tangent.) in numero 60. 31. termino; alterum nempe dexteram versus in numero 58. 20. fixum reperio; quæ est Solis ascensio recta.

## P R A X I S Decima nona.

*Tempus quo Sol oriatur aut occidat determinare.*

**Q**Uæ proportio inter complementum Tangent. Latitudinis, & Tangent. Declinationis Solis datæ; eandem proportionem reperies inter Radium & sinum differentie ascensionalis inter horam sextam & tempus quo oriatur aut occidat Sol. E. g. Quæritur quorâ horâ undecimæ die Junii oriatur vel occidat Sol? Ut fiat resolutio, circinatum in lineâ tangentium inter 33. 40. complementum latitudinis, & 23. 30. Solis declinationem extendo: cumque hâc servatâ distantia, remotoque circino ad lineam sinuum; alterum crus in ipso radio termino: alterum in 40. 43. fixum comperio, quæ est differentia ascensionalis quæsitâ: quibus in horas conversis, emergunt horæ. 2. 43. Id est, undecimo die Junii Solis ortum duabus horis, quadraginta tribus minutis, ante horam sextam habemus. Idem de Solis occasu dicendum est. Hinc inferes diem nobis longissimum hor. 17. 26. constare.

## P R A X I S Ultima.

*Ascensionem solis obliquam invenire.*

**S**ole inter signa Borealia versante, differentiam ascensionalem ab ascensione rectâ subducito, quod reliquum est sit solis ascensio obliqua. E. g. vicesimo quinto die *Maii* supponamus Solem habere ascensionem rectam 74. ejusque differentiam ascensionalem esse 40, quibus ex 74. subductis, remanebunt 34. quæ est Solis ascensio obliqua. Si verò inter signa Australia Sol constitutus sit, ascensionem rectâ differentiamque ascensionalem simul adde. E. g. Solem in primo gradu Scorpii versari suppone, eumque pro ascensione rectâ habere gradus 28. & pro differentiâ ascensionali grad. 18. Factâ additione, Solem habere ascensionem obliquam gradus 46. invenies.

TRACTA-



# TRACTATUS GEOGRAPHICUS.

**G**eographia est Scientia quæ docet præscribitque modum ac rationem distinguendi, mensurandique orbem terrarum.

Objectum hujus scientiæ est Terra, quæ cum aquâ sibi adjunctâ unum Globum Sphæricum ac rotundum, qui *Globus terraquæus* nuncupatur, constituit.

Terræ rotunditatem tanquam principium firmum supponunt Geographi; idque non sine ratione, ut variis rationibus ex Physica, Mathematicaque demonstrari potest. Rotunditatem intellige non Geometricam, sed Physicam: quippe valles, montesque ejus superficiem asperam ac inæqualem reddunt, quæ tamen rotunditati totius non officiunt. Hujus rei certo sint indicio, Sol, stellæ, cæteri-que planetæ nobis in terrâ habitantibus, successivè supra Horizontem emergentes, nostrumque Meridianum serius quàm magis orientalium attingentes: nec non ipsius terræ umbra in Lunam incidens, quæ ad oculum, quasi orbis orbem operiens, terram undique esse Sphæricam demonstrat.

Parum interesse reputant Geographi, si-  
in

in medio, five extra Universi medium collocetur. Verius tamen dici potest eam in medio mundi sitam aere circumfusam absque omni fulcimento sultam suspendi; ut optime canit *Ovidius* Stat vi terra sua-----

*Ponderibus librata suis immobilis hæret.*

Telluris magnitudo respectu cæli est quasi punctum insensibile, quasi, 1, ad 2, 744, 000, 000, 000. Inerrantium enim Sphæra toties videtur continere terram, quoties major continet minorem numerum: veruntamen in se distingui, mensurarique facillime potest.

---

*De distinctione Orbis telluris.*

**P**Rima ejus distinctio desumi potest à circulis imaginariis majoribus & minoribus ipsius ambitum circumcingentibus; cujusmodi sunt *Æquinoctialis*, *Meridianus*, *Horizon*, *Zodiacus*, *Tropicus Cancræ*, *Tropicus Capricorni*, ac duo *Polares*; de quorum descriptionibus, ac distinctionibus satis supra in *Tractatu Sphærico*. Verum, quoad præsens institutum, inter hos, alii sunt variabiles, alii invariabiles. Priores sunt *Horizon*, &  
Me-

Meridianus; ita sic dicti quod nobis per varia Terræ loca migrantibus varientur, mutanturque. Posteriores sunt *Æquinoctialis*, ejusque *Paraleli*, qui cum ipsâ terrâ immoti manent. Item alii sunt principales, alii minus principales. Principales, sunt *Æquator* ejusque *Paraleli*, cum *Meridiano*. Inter minus principales est *Zodiacus*, qui in *Globis*, & *Mappis* magis propter ornamentum & usum *Astrologorum*, qui scire volunt sub quo signo celesti gentes in terrâ habitent, quam ipsius rei exigentiam, depinguntur.

Quisque horum circulorum perinde ac celestium, quibus, id est directæ, subjiciuntur in 360. gradus, quilibet gradus in sexaginta minuta prima dispescitur.

*Æquator* & *Meridianus* primus præ omnibus cæteris in *Globo* circulis, evidenter variis spatiolis diversi coloris, quibus ipsorum gradus designantur, distincti depinguntur; ita ut hic quo ad dimidium tantum à *Septentrione* in *Austrum* ductus, *Æquatorem* ad angulos rectos secet: ille verò ab ortu in occasum, & ab occasu in ortum decurrens integrum *Globum* in duas æquales partes, quarum altera est *Australis*, altera *Septentrionalis* nuncupata, distinguat. Præter *Meridianum* primum, innumeri alii propter differentias punctorum verticalium fingi possunt, non tamen omnes in

in Globo ne minus expresceret numerus, depingi possunt. Ideo, placuit artificibus certum numerum Meridianorum, videlicet 180 in Globo inscribere, qui per singulos *Æquatoris* gradus unius semicirculi, nec non per gradus oppositos decurrentes sese in Polis mundi mutuò secant. Adverte tamen, communiter 18. tantummodo inscribi, nempe per singulos decos *Æquatoris* gradus, ut in Globo terrestri, Mapisque universalibus videre est.

Apud veteres Geographos, primum Meridianum transire reperies per insulas Fortunatas seu Canarias, partim quod Europæ & Africæ initium ibidem incipiat, partim quod nihil ultra hos terminos veteribus innotuerit. Recentioribus tamen aliter visum est, tum quia hodierno die vastissima Americæ regio ulterius occasum versus comperta est, tum quia in illis locis occidentalioribus acus Magnetica magis præcise Polum mundi spectat; visum est, inquam, iis primum Meridianum 10 gradibus Canariis occidentalioribus per unam ex insulis Accrensium inscribere. Nos tamen in computatione longitudinum locorum more veterum progrediemur.

Longitudinem loci definiunt Geographi Arcum *Æquatoris* interceptum inter primum Meridianum, & Meridianum loci, latitudinem vero Arcum Meridiani interceptum inter *Æqua-*  
qua-



quatores & Zenith loci. Latitudinem loci invenire facile est, quanta enim est elevatio Poli supra Horizontem, tanta est distantia inter Æquatorem & Zenith loci. Longitudinem vero difficile, propterea quod juxta Æquatorem, fixum aliquod cœli punctum non reperies, ad quod tanquam ad polum, locorum longitudes seu distantiae possunt referri. Veruntamen multis variisque observationibus præsertim Eclipsium, Longitudes præcipuarum urbium, locorumque in tabulas exacte redigere ad hunc modum. Tempore alicujus Eclipsis lunaris, unus in insulis Fortunatis initium, vel ejus medium præcisè horâ secundâ matutinâ elapsâ observavit; alius *Glasguae* existens observavit initium vel medium ejusdem Eclipsis hora 3. 14. Hinc colligo *Glasguam* Insulis Fortunatis orientaliorem esse, iis enim citius, nobis vero serius idem lunæ defectus accidit. Porro, Sole, singulis horis quindecim gradus Æquatoris percurrente, colligo inter Insulas Fortunatas & *Glasguam* esse grad. 18. 30. Æquatoris, tanta enim est differentia temporis inter hunc & illum locum, quippe uni horæ 15. gradus Æquatoris, & 14. scrupulis tres gradus cum dimidio respondent: quibus per sexaginta multiplicatis (cuique enim gradui sexaginta miliaria Scotica respondent) 1110 inter primum Meri-

*Meridianum & Glasgvannum reperies.*

Juxta hunc computandi modum exactissimum longitudes quarundam urbium præcipuarum, nec non earundem latitudes ex Eclipsium observationibus, juxta *Lansbergii* tabulas omnium hodierno die accuratissimas proferemus.

<i>Alexandria Aegypti</i> sub latitud. 30. 58. sub longit. 60. 30. quibus respondent Milliar. Scotica ( ut infra patebit )	3630.
<i>Amsterdamum</i> sub latit. 52. 26. sub longit. 26. 30. Milliar.	1590.
<i>Athene Græciæ</i> sub latit. 37. 15. sub longit. 53. 0. Milliar.	3180.
<i>Antiochia Syriæ</i> sub latit. 37. 0. sub longit. 74. 45. Milliar.	4485.
<i>Antuerpia Brabantia</i> sub latit. 51. 16. sub longit. 26. 0. Milliar.	1560.
<i>Babylon Chaldaeorum</i> sub latit. 35. 0. sub longit. 73. 30. Milliar.	4410.
<i>Basilia Helvetiæ</i> sub latit. 47. 3. sub longit. 28. 30. Milliar.	1710.
<i>Bythinia</i> sub latit. 43. 0. sub longit. 65. 30. Milliar.	3930.
<i>Bononia Italiæ</i> sub latit. 43. 54. sub longit. 34. 30. Milliar.	2070.
<i>Brugæ Flandriæ</i> sub latit. 51. 19. sub longit. 24. 45. Milliar.	1489.

*Bremæ*

Brenta	sub latit. 53. 10. sub longit. 30. 15.	1815.
Milliar.		
Canaria Insula	sub latit. 28. 0. sub longit. 0. 0. Milliar.	00.
Calcutium India	sub latitud. 11. 10. sub longit. 104. Milliar.	6242.
Compostella Hispaniae	sub latit. 42. 30. sub longit. 10. 10. Milliar.	610.
Conimbrica Portugalliae	sub latit. 40. 0. sub longit. 10. 45. Milliar.	645.
Cracovia Polonia	sub latit. 50. 0. sub longit. 46. 0. Milliar.	2760.
Colonia Agrippina	sub latit. 50. 56. sub longit. 28. 15. Milliar.	1695.
Dantiscum	sub latit. 54. 20. sub longit. 44. 30. Milliar.	2670.
Dublinum Hiberniae	sub latit. 53. 4. sub longit. 14. 30. Milliar.	870.
Dyrrachium Macedoniae	sub latit. 41. 27. sub longit. 46. 0. Milliar.	2760.
Edinburgum	sub latit. 56. 10. sub longit. 19. 0. Milliar.	1140.
Francofurtum ad Moenum	sub latit. 50. 8. sub longit. 29. 30. Milliar.	1770.
Frueburgum Prussiae	sub latit. 54. 19. sub longit. 46. 0. Milliar.	2760.
Francofurtum ad Oderam	sub latit. 52. 20. sub longit. 39. 30. Milliar.	2370.

<i>Glasgow</i> sub latit. 56. 20. sub longit. 18. 30.	
Milliar.	1110.
<i>Goesa Zelandiae</i> sub latit. 51. 31. sub longit.	
25. 30. Milliar.	1530.
<i>Goa India</i> sub latit. 18. 30. sub longit. 106. 0.	
Milliar.	6360.
<i>Gandavum Flandriae</i> sub latit. 51. 8. sub lon-	
git. 25. 30. Milliar.	1530.
<i>Groeninga Frisiae</i> sub latit. 53. 12. sub longit.	
28. 0. Milliar.	1680.
<i>Heidelberga</i> sub latit. 49. 22. sub longit. 31. 45.	
Milliar.	1905.
<i>Haphina Daniae</i> sub latit. 55. 43. sub longit.	
36. 45. Milliar.	2205.
<i>Hicrosolyma</i> sub latit. 31. 55. sub longit. 70. 30.	
Milliar.	4230.
<i>Haga</i> sub latit. 52. 5. sub longit. 26. 0. Mil-	
liar.	1560.
<i>Hamburgum Holsatiae</i> sub latit. 53. 44. sub	
longit. 31. 0. Milliar.	1860.
<i>Leida Hollandiae</i> sub latit. 52. 11. sub longit.	
26. 15. Milliar.	1575.
<i>Lisbonna Portugalliae</i> sub latit. 39. 0. sub lon-	
git. 11. 30. Milliar.	690.
<i>Londinum Angliae</i> sub latit. 51. 32. sub longit.	
20. 30. Milliar.	1230.
<i>Lueta Parisiorum</i> sub latit. 48. 52. sub lon-	
git. 23. 15. Milliar.	1395.

Mellicum

<i>Mellicum Austriae</i>	sub latit. 48. 10. sub longit.	
39. 15. Milliar.		2355.
<i>Middelburgum Zelandiae</i>	sub latit. 51. 31. sub	
longit. 25. 15. Milliar.		1515.
<i>Maroco Mauritaniae</i>	sub latit. 31. 0. sub longit.	
12. 0. Milliar.		720.
<i>Norimberga Germaniae</i>	sub latit. 49. 24. sub	
longit. 33. 45. Milliar.		2205.
<i>Neapolis Italiae</i>	sub latit. 40. 50. sub longit.	
38. 15. Milliar.		2295.
<i>Ostenda Flandriae</i>	sub latit. 51. 20. sub lon-	
git. 24. 15. Milliar.		1455.
<i>Orcades Insulae</i>	sub latit. 61. 0. sub longit. 16.	
30. Milliar.		990.
<i>Oxonium Angliae</i>	sub latit. 51. 50. sub longit.	
19. 30. Milliar.		1170.
<i>Praga Bohemiae</i>	sub latit. 50. 6. sub longit.	
36. 30. Milliar.		2190.
<i>Patavium Italiae</i>	sub latit. 45. 15. sub longit.	
34. 0. Milliar.		2040.
<i>Ratisbona Bavariae</i>	sub latit. 49. 0. sub lon-	
git. 34. 45. Milliar.		2085.
<i>Roma</i>	sub latit. 42. 2. sub longit. 36. 15. Mil-	
liar.		2175.
<i>Roterodamum</i>	sub latit. 51. 56. sub longit. 26.	
45. Milliar.		1575.
<i>Sardes Lydiae</i>	sub latit. 38. 0. sub longit. 59. 0.	
milliar.		3540.

<i>Strigonium Ungariae</i>	sub latit. 47. 20.	sub longit. 41. 45.	Milliar.	2505.
<i>Stockholmia Sueciae</i>	sub latit. 58. 50.	sub longit. 37. 0.	Milliar.	2220.
<i>Tolatum Hispaniae</i>	sub latit. 39. 30.	sub longit. 15. 0.	Milliar.	900.
<i>Tubinga Saeviae</i>	sub latit. 48. 24.	sub longit. 31. 0.	Milliar.	1860.
<i>Tigurum Helvetiae</i>	sub latit. 47. 0.	sub longit. 30. 30.	Milliar.	1830.
<i>Tolosae Galliae</i>	sub latit. 43. 25.	sub longit. 22. 0.	Milliar.	1320.
<i>Veneria</i>	sub latit. 45. 20.	sub longit. 34. 45.	Milliar.	2085.
<i>Vienna Austriae</i>	sub latit. 48. 22.	sub longit. 39. 0.	Milliar.	2340.
<i>Wraniburgium Daniae</i>	sub latit. 55. 55.	sub longit. 36. 45.	Milliar.	2205.
<i>Valentia Hispaniae</i>	sub latit. 39. 30.	sub longit. 18. 30.	Milliar.	1110.

### De Climatibus.

**S**ECUNDA distinctio Orbis telluris desumpta est a diverso numero Parallelorum, integram terram in totidem Climata dispartientium, qui definiuntur temporis spatia quibus dies maxi-

maximi, five Æquinoctiales quadrante horæ ab invicem differunt, augenturque. Climata vero sunt terræ spatia, quibus dies longissimi, five æquinoctiales semi hora ab invicem differunt & augentur. Quapropter quodlibet constabit tribus parallelis, quorum primus est Climatis principium, secundus medium, & tertius ejus finis, ita tamen, ut is qui est finis unius, sit initium & principium alterius.

Climata vel sunt Septentrionalia, vel Australia: Septentrionalia inter Polarem proximum & æquatorem continentur, suntque numero, juxta recentes Geographos, viginti quatuor; nam (ut patebit) cum sint 48 Paralleli, sequetur dari 24 Climata, Parallelorum enim ratio ad Climata dupla est. Australia inter æquatorem, & Polum Austrinum continentur, suntque numero totidem, discunturque Anticlimata, prioribus enim opponuntur: non tamen ab artificibus in tabulas rediguntur, nec à certis terræ locis denominationem obtinuerunt, sicut Septentrionalia.

Adverte tamen, quod communiter apud Geographos nomen primi Climatis, juxta antiquos, omittatur & primum loco secundi ponatur. Id discriminis inde oriri videtur, quod Geographorum veterissimi loca æquatori, Polisque viciniore ignorabant: ideoque sicut primi Climatis initium in ipso Æquatore non

repoluere, ita Boream versus ab Austro, plura Climata quam septem non constituere. Verum recentiores, qui ultra citraque Æquinoctialem nec non Boream versus ultra latitudinem 66. 31. Imo ad 81 transivere, inter Æquatorem, & Polarem proximum Climata coextendere.

Quare Borealium Climatorum primum terminatur quarto & sexto Parallelo, quod ducitur per *Mergen*, ubi dies longissimus continet horas (nempe sub fine hujus Climatoris) Tredecim cum quindecim minutis. Poli elevatio est graduum 20. 33. Milliaria continet. 470.

Secundum continetur inter sextum & octavum Parallelo, quod ducitur per *Syenen* sub Tropico Cancræ, ubi dies longissimus continet horas tridecim cum minutis quadraginta quinque. Elevatio Poli 27. 36. Milliaria continet 423.

Tertium continetur inter octavum & decimum Parallelo; quod ducitur per *Alexandriam Egypti*, ubi dies longissimus constat horis, 14. 45. Elevatio Poli est 33. 45. Milliaria continet 369.

Quantum terminatur decimo duodecimoque Parallelo, quod ducitur per *Rhodum*, & *Babylonem*; ubi dies longissimus continet horas 14. 45. Elevatio Poli est, 39. 2. Milliaria continet 317.

Quin-



Quintum continetur inter duodecimum Parallelum & decimum quartum, quod ducitur per *Romam Corsicam, & Hellespontum*, ubi dies longissimus continet horas 15. 15. Altitudo Poli est 43. 32. Milliarum continet 270.

Sextum continetur inter decimum quartum Parallelum, & decimum sextum; quod ducitur per *Venetias & Mediolanum*, ubi Polus elevatur ad grad. 47. 20. Dies longissimus continet horas 15. 45. Milliarum 228.

Septimum continetur inter decimum sextum & decimum octavum Parallelum, quod ducitur per *Podaliam & Tartariam minorem*, ubi dies longissimus continet horas 16. 15. Elevatio Poli 50. 33. Milliarum continet 193.

Octavum continetur inter decimum octavum Parallelum & vicesimum, quod ducitur per *Witebergam*, ubi dies longissimus continet horas 16. 45. Elevatio Poli est 53. 17. Milliarum 164.

Nonum continetur inter vicesimum, & vicesimum secundum Parallelum, quod ducitur per *Rostochium*, ubi dies longissimus continet horas 17. 15. Elevatio Poli est 55. 34. Milliarum continet 137.

Decimum continetur inter vicesimum secundum & vicesimum quartum Parallelum, quod ducitur per *Hiberniam, & Moscoviam*, ubi dies longissimus continet horas 17. 45. Elevatio

**Elevatio Poli 57. 34. Milliaria continet 120.**

Undecimū continetur inter vicesimum quar-  
tum & vicesimum sextum Parallelum, quod  
ducitur per *Bous Castrum Norvegie, & Ri-  
gam Liuonia*, ubi dies longissimus continet  
horas 18. 15. Elevatio Poli est 59. 14. Mil-  
liaria continet 100.

Duodecimum continetur inter vicesimum  
sextum & vicesimum octavum Parallelum,  
quod ducitur per *Gothiam*, ubi dies longissi-  
mus continet horas 18. 45. Elevatio Poli 60.  
40. Milliaria continet 86.

Decimumtertium continetur inter vicesi-  
mum octavum & tricesimum Parallelum, quod  
ducitur per *Bergas Norvegie*, ubi dies lon-  
gissimus continet horas 19. 15. Elevatio Poli  
61. 53. Milliaria continet 73.

Decimumquartum continetur inter tricesi-  
mum & tricesimum secundum Parallelum,  
quod ducitur per *Viburgam Finlandia*, ubi  
dies longissimus continet horas 19. 45. Ele-  
vatio Poli 62. 54. Milliaria continet 61.

Decimumquintum continetur inter tricesi-  
mum secundum & tricesimum quartum Pa-  
rallelum, quod ducitur per *Arotiam Suecie*,  
ubi dies longissimus continet horas 20. 15. E-  
levatio Poli 63. 46. Milliaria continet 52.

Decimumsextum continetur inter tricesi-  
mum quartum & tricesimum sextum Parale-  
lum,

lum, quod ducitur per *Dalencantii* ostia, ubi dies longissimus continet horas 20. 45. Elevatio Poli 64. 30. Milliarum continet 44.

Decimumseptimum continetur inter tricesimum sextum & tricesimum octavum Parallelum, quod ducitur per innominata loca *Sueciae* & *Norvegiae* ubi dies longissimus continet horas 21. 15. Elevatio Poli 65. 9. Milliarum continet 36.

Decimumoctavum continetur inter tricesimum octavum, & quadragesimum Parallelum, quod etiam ducitur per innominata loca *Norvegiae* & *Sueciae*, ubi dies longissimus continet horas 21. 45. Elevatio Poli 65. 35. Milliarum continet 29.

Decimumnonum continetur inter quadragesimum, & quadragesimum secundum Parallelum, quod per alia loca innominata *Norvegiae* ducitur, ubi dies longissimus continet horas 22. 15. Elevatio Poli 65. 57. Milliarum continet 22.

Vicesimum continetur inter quadragesimum secundum, & quadragesimum quartum Parallelum quod per alia loca innominata *Sueciae* ducitur, ubi dies longissimus continet horas 22. 45. Elevatio Poli 66. 14. Milliarum continet 17.

Vicesimum primum continetur inter quadragesimum quartum Parallelum & quadragesimum

simum sextum, quod per *Albam Russiam* ducitur, ubi dies longissimus continet horas 23 15. Elevatio Poli 66. 25. Milliaria continet 11.

Vicesimum secundum contiretur inter quadagesimum sextum, & quadagesimum octavum Parallelum, quod ducitur per Insulas in-nominatas ubi dies longissimus 23. 45. Elevatio Poli 66. 30. Milliaria continet 5.

Ultimum transit per alias Insulas posteriores ubi dies jam in 24 horas excrevit. Elevatio Poli 66. 31. Milliaria 0. 0.

### De PARALLELIS.

**P**aralleli, ut diximus, sunt Terræ spatia quibus dies longissimi, sive Æquinoctiales quadrante horæ ab invicem differunt. Ut ipsorum natura innotescat, adverte locorum longitudinē desumi ab occasu in ortum, locorum latitudinem ab Austro in Septentrionem; Item quod sicut Meridiani latitudinem locorum mensurant, ita Paralleli locorum latitudinem determinant. Præterea, quod ut Meridiani longitudinem distinguunt, ita Paralleli locorum longitudinem mensurant. Item, quod, sicut Meridiani, cum in Polo conveniant,

convenient, omnes sint sibi invicem æquales, & circuli in Globo majores nominentur, ita Paralleli, quum ex sua natura coire non possint, omnes ab Sphæræ declivitate, se invicem minores sint.

Paralleli ab Æquatore, omnes ad unum, sunt circuli minores, ex quorum numero sunt Tropicus Cancrī, Tropicus Capricornī cum duobus Polari-ibus. Suntque vel Septentrionales, vel Australes; hi sicut illi sunt numero octo; tot enim, & non plures benè in Globo terrestri depingi possunt; qui per singulos denos primi Meridiani gradus ducti, totum Globum in partes inæquales distinguunt. Adverte ejusmodi Parallelos, distinctionis causā, *in-nominatos* appellari; sicut Tropici & duo Polares *nominati* nuncupantur; propterea quòd hi clarè, illi minus clarè in Globo apparent.

Apud vèteres non fuit idem Parallelorum numerus qui apud recentiores. Hi enim qui totum terræ tractum inter Polarem proximum & Æquatorem perspectum habent 48. Parallelos constituunt, quorum ultimus cum Polari proximo coincidens habet elevationem Poli grad. 66. 31. ubi dies maximus in 24 horas excrescit.

Paralleli ultra citraque Æquinoctialem declinantes versus utrumque Polum  
tam

tamen omnes juxta æquale longissimi diei incrementum determinantur, atque adeò inter se sunt similes: veruntamen tum ratione latitudinis, tum ratione longitudinis inæquales inter se sunt: quo enim longius ab Æquatore utrinque versus mundi polos declinant, eò minores arctioresque evadunt. Hoc idem de ipsis Climatibus est dicendum. Etenim quò propius ad Polos accedunt, eò angustiora ratione latitudinis ac minora ratione longitudinis constituuntur, ut patet ex Climatorum tabulâ.

---

*De reliquis Orbis Terrarum distinctionibus.*

**D**E distinctionibus Orbis Terrarum à quinque Zonis, à variis Sphæræpositionibus; nec non de distinctione umbrarum, quæ variis Terrarum incolis, videlicet Amphisciiis, Heterosciiis, & Perisciiis sunt propriæ, satis suprâ in Tractatu Sphærico. Reliquum itaque est, ut de cæteris breviter loquamur. Ideò partes Terræ, aliæ sunt Orientales, aliæ Occidentales, aliæ Meridionales, & aliæ Septentrionales, quæ quidem partes terræ Cardinales dictæ sunt. Inter has mediæ aliæ sunt partes quæ juxta Geographos  
duc-

duodecim sunt numero, juxta verò Nautarum placitum viginti octo, cum quatuor Cardinalibus quæ efficiunt trigiuta duas, tot enim illi in Compasso nautico diversis ventorum nominibus insignito inscribunt. Quæ partes terrarum Orbis sunt Orientales, quæ Occidentales, &c. facile dignoscere poteris, si Meridianum æneum versus Polum Arcticum ritè statuas: inde est quòd partes Orientales à dextrâ, partes Occidentales à sinistrâ exurgant. Adverte tamen, non omnibus easdem terræ plagas competere: Poetis enim Insulis Fortunatis faciem obvertentibus, Septentrio est à dextrâ; Astronomis Meridiem intuentibus, occasus; Auguribus ac Sacerdotibus ortum intuentibus Meridies; Denique Geographis pro suo scopo Boream intuentibus, ortus, juxta hoc distichon.

*Ad Boream Terræ, sed Cœli mensor ad  
 Austrum,  
 Præco Dei exortum videt, Occasumque  
 Poeta.*

Incolæ qui respectu harum diversarum plagarum terram inhabitant, vel sunt Amphiscii, Heteroscii, vel Periscii, de quibus supra, vel sunt Antipodes, Antœci, vel Perioeci. Antipodes dicuntur qui habent eundem Meridianum; verum in punctis ejusdem Meridiani diametra-

diаметралiter oppositis habitant, quique sunt in oppositis Parallelis (nempe in Sphæra obliqua) quorum hic Australis, ille Borealis est. Iis peculiaris sunt hæc. 1. Licet habeant eundem Horizontem, nempe rationalem, ejus tamen facies oppositas intuentur, ratione cujus omnia iis contraria contingunt. Etenim quando nos diem & Meridiem, illi tenebras & mediam noctem habent: nos æstatem, illi hyemem, nos ortum, illi Solis occasum, & contra; nos latitudinẽ Borealem, illi Australem. Nobis hic degentibus nulli sunt Antipodes, quantum novimus, terra enim nobis diametraliter opposita, si qua sit, navigatoribus est incognita. Verum Antipodes sunt inter se Indi Orientales circa *Gangem & Americam*, & alii ejusmodi.

Antœci sive Anticolæ Grecè quasi humeris sibi invicem oppositi, illi sunt qui sub oppositis Parallelis æqualiter ab Æquatore versus utrumque Polum distantibus sub eodem Meridiano habitant, non tamen diametraliter, sed in meridiani semicirculo inter Polos intercepto. Eorum hæc sunt Phænomena. Primo in eadem latitudine & longitudine conveniunt, quanta enim est his Elevatio Poli Borealis supra Horizontem, tanta est illis elevatio Poli Australis. Secundo. In eodem temporis momento Solem Meri-



Meridianum habent. Præterea in aliis discrepant, tum ratione anni tempestatum, tum ratione incrementi & decrementi dierum. Hi enim, accedente Sole ad Tropicum Cancræ, habent æstatem, diesque longiores; illi vero hyemem diesque breviores. Iterum, Sole revertente, hi Autumnum diebus deficientibus, illi verò diebus crescentibus. Inde etiam est quod Sol non utrisque eodem tempore oriatur occidatque. Antœci sunt qui Caput bonæ Spei sub latitud. Australi 35. & Moream prope *Candiam* sub eadem latitud. sed Boreali occupant. Periœci seu Circumcolæ sunt, qui sub eodem habitant Parallelo, Meridianoque; verum in punctis ejusdem Paralleli diametraliter oppositis, ita ut eundem Polum æquali altitudine supra Horizontem simul aspiciant. Ejusmodi sunt qui in Boreali littore sinus Mexicani sub latit. 30. quique prope *Gangem* in *Indiâ* habitant. Eorum hæc sunt Phænomena. Primo, habent eandem Zonam. Secundo, eandem Poli elevationem. Tertio, eandem æstatem, eandem hyemem, eundem diem longissimum, idem incrementum, decrementumque dierum naturalium. In eo differunt, quod cum Sol his oriatur, illis occidat; his, in meridie, illis in media nocte: & vice versa, his in occasu, illis in ortu, his in media nocte, illis in meridie.

Alia

Alia hic nobis occurrit distinctio Orbis terrarum à diversitate habitationum: juxta quas prima in Subborealem, Secundo in Subaustalem; tertio in Europam, quarto in Asiam, quinto in Africam, sexto in Americam dispescitur. Quoniam vero quamplurima hodierno die extant monumenta Geographica tam veterum quam recentiorum, in quibus facies terrarum quo ad omnes suas partes dilucide magnis voluminibus distincta descriptaque est, ideo hoc opere supersedemus, & ad alia junioribus magis utilia jucundaque properamus.

---

*De Orbis Terrarum dimensione.*

**P**Rimo de ipsâ mensura quæ est norma mensurandorum; secundo de mensurandi modo pauca breviter dicemus. Mensuræ itaque vel sunt ipsi arcus circulorum qui in Globo terreno depinguntur; quorum quilibet, ut circuli in Globo cœlesti 360 gradus, quilibet gradus 60. minuta prima, quodlibet minutum primum 60 minuta secunda, & ita deinceps continet: Vel sunt ejusmodi, quæ extra Globum reperiri solent, quæ sunt vel minores vel majores. Minores sunt Granum, Digitus

gitus, Palmus, Pes. Majores sunt Passus, Stadium, & Milliare. Granum nempe hordei ex transverso positum, est primum, omniumque minimum mensurandi instrumentum; quod in Digito quater, sicut Digitus in P<sup>ri</sup>mo, Palmus in Pede quater continetur: Passus vel est simplex, vel Geometricus. Prior duos cum dimidio Pedes continet, posterior vero pedes quinque. Stadium simplices passus centum viginti quinque continet. Milliare vel est Italicum, Leuca, vel Germanicum. Milliare Italicum Passus mille continet, seu stadia octo. Leuca vel vetus est, vel nova. Leuca nova quam etiam Milliare Gallicum nuncupant, sedecim stadia, seu duo milliaria Scotica continet. Leuca vetus, milliare Scoticum cum dimidio, seu Passus 1500 continet. Milliare Germanicum in Commune & Grande dispescunt. Commune quatuor millia passuum, seu quatuor milliaria Scotica continet. Milliare Germanicum grande quinque millia passuum continet. Memoriae causa subjiciuntur hi versiculi.

*Quatuor ex granis Digitus componitur unus,  
Est quater in Palmo Digitus, quater in Pede  
Palmus;*

*Quinque Pedes Passum faciunt, Passus quoque  
centum*

*Viginti*

*Viginti quinque Stadium dant, sed Milliare  
Octo facit Stadia, duplatum dat tibi leuca.*

Sequitur modus mensurandi, qui vel in dimensione totius orbis terrarum cernitur, vel in dimensione alicujus partis. Priori modo, Orbis terrarum vel secundum sui ambitum totum, vel secundum sui profunditatem crassitie sive mensuratur. Ambitum terræ sic mensurabant olim Astronomorum veterrimi, quod & hodie Geographi ad unum omnes faciunt. Primò terram esse rotundam, inque medio Firmamentum sitam, nec non ipsius ambitum maximum, cum totius cœli ambitu in 360 partes gradusve divisum esse supponebant. Ex quibus suppositis intulere singulis cœli gradibus, singulos terræ gradus respondere. Porro ( ut experientia cuilibet Boream versus proficiscenti constabit ) cum pro singulis quindenis Milliariibus *Germanica* ( vel ex nostris 60 ) Polus uno gradu elevetur, totius terræ ambitum *Milliaria Germanica* 5400, sive ex nostris 21600 continere colligerunt.

Terræ crassities sive ejus Diameter ex principiis Geometricis facile eruitur. Docet enim *Archimedes* circuli peripheriam eam fere habere rationem ad sui Diametrum quam 22. ad 7. Dic itaque per numerum aureum, ut 22. ad 7. ita 21600. *Milliaria* ad quartum; hunc

que

quæ numerum in Quoto  $6872 \frac{8}{11}$  Milliariorum  
totius Diametri Orbis Telluris reperies;  
quem si in duas partes æquales displicueris,  
Terræ semidiametrum totam, nempe  $3436 \frac{4}{11}$   
invenies.

Terræ superficiei convexæ dimensionem æ-  
quæ faciliè reperies. Circumferentiam itaque  
in Diametrum ducito, huncque numerum, o-  
missis fractionibus, 148. 435. 200. quadra-  
torum Milliariorum, quæ totius Globi terra-  
quei faciem constituunt, invenies. Terræ  
soliditatem sic mensurabis. Totius Diami-  
trum in seipsam ducito: Productum per ean-  
dem Diametrum denuò multiplicato: hunc  
numerum productum per undecim rursus mul-  
tiplica, ejusque Productum per 21 divide:  
quibus peractis, terræ soliditatem in Quoti-  
ente reperies. Suppone terram juxta nostrum  
Horizontem Astronomicum seu Rationalem  
in duas partes esse divisam, ejus planam su-  
perficiem sic mensurabis. Diametrum in se-  
ipsam ducito: Productum per undecim mul-  
tiplica, ejusque Productum per 14. divide;  
& rem habes.

Ut ad praxin veniamus; adverte singulis  
gradibus Æquatoris, sexaginta Milliariorum Sco-  
tica seu mille passus, cuilibet minuto unum  
milliare respondere. E. g. quæritur quot  
milliariorum

milliaria Scotica gradibus Equatoris 49. 38.  
 respondeant? Resp. 49. per 60. multiplica,  
 & invenies 2940. milliaria, in toto cum 38.  
 minutis, quibus respondent totidem milliaria,  
 invenies 2978.

Quoniam in tyronum usum hunc tracta-  
 tum rudi Minervâ compegimus; ideo quæ e-  
 runt magis facilia, utilisque in medium pro-  
 feremus.

---

PRAXIS

---

PRÆSES GEOGRAPHICÆ.

PRÆSES Prima.

*Datis duobus locis quæ Latitudine tantummodo differant, eorum distantiam invenire.*

**S**I uterque locus sit vel citra, vel ultra *Æquatorem* sic facies. Minorem ex maiore latitudine subtrahere, quod remanet distantia quæsitæ est. E. g. Quæro distantiam inter *Glasguam* sub latitudine 56. 20. & *Valentiam Hispaniæ* sub latitudine 39. 30? Responderetur, factâ operatione gradus 16. 50. quibus respondent milliaria 1010. comperies.

PRÆSES Secunda.

**S**I alter locus ultra, alter citra *Æquatorem* sub eodem Meridiano positus sit, utriusque latitudinem addere. E. g. Desidero distantiam

differentiam inter *Glasnam* & Insulam S. *Thomae* sub latitudine Australi 16? Resp. facta operatione, gradus 72. 20. quibus milliaribus 4340. respondent, reperio.

### PRAXIS Tertia.

**S**I uterque locus sub Aequatore sit; ita ut differentia utriusque longitudinis sit 180 minor, ex maiore minorem longitudinem subtrahere. E. g. Quæro distantiam inter Insulam S. *Thomae* sub longitudine 34. & Insulam *de diego*, sub longitudine 105? Facta operatione gradus 71. quibus respondent milliaribus 4260. invenio.

### PRAXIS Quarta.

**S**I utriusque longitudinis differentia 180 major sit, post minoris à maiore subtrahere, residuum 180 excedens, à 360 subtrahere. E. g. Quæro distantiam inter Insulam *de Los Galopagus* sub longitudine 287. & Insulam S. *Thomae* sub longitudine 34? Respondeo facta.



factâ operatione remanent 253. quibus ex  
360 subductis (superant enim 180) rema-  
nent gradus 107, quibus milliarâ 6420. re-  
spondent.

### PRAXIS Quinta.

**S**I interque sit sub eodem Parallelo locus  
inter Polorum alterutrum & Æquatorem  
hæc sit Regula. Ut radius ad complementum  
communis latitudinis, ita sinus dimidiæ dif-  
ferentiæ longitudinis ad Sinum dimidiæ di-  
stantiæ quaesitæ. E.g. Quæritur distantia inter  
Toletum Hispaniæ sub longitudine 15. & Phi-  
adelphiam in Natolia sub longitudine 64. qui-  
bus utrisque eadem est communis latitudo,  
nempe 39. 30. Ut fiat resolutio, adverte  
complementum communis latitudinis esse 50  
30 differentiam longitudinis 49. hujus dimi-  
dium 24. 30. Jam sic perge. Alterum cir-  
cini pedem ipsi Radio, nempe 90. applica,  
alterum ad sinum 50. 30. complementum lati-  
tudinis extende: cumque hac servata distantia,  
sub eodemque circino, alterum illius pedem in  
Sinu dimidiæ differentię longitudinis 24. 30.  
Age: Alterum in Sinu 18. 40. terminatum  
Resperies, quo duplicato exurgunt gradus 37.  
facio. quibus respondent milliarâ 2240.

PRAXIS

## P R A X I S Sexta.

*Datis duobus locis quorum hic sub Æquatore,  
 ille Polorum alterutrum versus sit positus,  
 eorum distantiam, modo longitu-  
 dinis differentia sit 90. mi-  
 nor, determinare.*

**U**T est Radius totus ad complementum  
 differentiae longitudinis; ita comple-  
 mentum latitudinis datae ad complementum  
 distantiae quaesitae. E.g. Quæritur distantia  
 inter Insulam S. Thomæ sub longitudine 34. 80. 3  
 Hierosolymam sub longitudine 70. 30. & lati-  
 tudine 31. 55? Respondetur; ut 90 Radius  
 totus ad 53. 30. complementum differentiae  
 longitudinis; ita 58. 5. complementum da-  
 tae latitudinis; ad 43. 30. cujus complemen-  
 tum, nempe 46. 30. est distantia quaesita  
 quibus respondent milliaria 2790. Item inter  
 Amara montem sub longitudine 65. & Tole-  
 tum Hispaniae sub longitudine 15 & latitudin-  
 39. 30 sic invenies distantiam. Ut 90 ad 40. ita  
 50. 30. ad 29. 50. cujus complementum 60  
 10. est distantia quaesita, quibus respondent  
 milliaria 3610.

P R A X I S

## P R A X I S Septima.

*Si differentia Longitudinis sit major 90,  
sic facies.*

**U**T radius totus ad complementum latitudinis, ita excessus differentiae longitudinis ad distantiam quaesitam. E.g. Quæritur distantia inter *Papoo*s sub longitudine 160, & *Tolctum Hispaniae* sub longitudine 15. & latitudine 39. 30? Ut fiat resolutio, adverte differentiam longitudinis esse 145, excessum supra 90, esse 55, complementum latitudinis 50. 30. Dico itaque, ut 90, Radius totus ad 50. 30. complementum latitudinis; ita 55 excessus differentiae longitudinis ad 39. 15. quibus, quadranti nempe 90. additis, exurgit numerus quaesitus, nempe 129. 15. qui respondet Milliaria 7755.

## P R A X I S Octava.

*Amplitudinem Zonaë torridae reperire.*

Inter Tropicum Cancrī & Aequatorem  
sunt gradus 23. 30. totidemque inter A-

H

quatorem

quatores & Tropicum Capricorni : quibus additis resultant gradus 47, quibus Milliaria 2820 respondent.

### PRAXIS Nona.

*Amplitudinem Zone temperata reperire.*

**A** 90, maximam Eclipticæ obliquitatem, distantiamque Polaris à Polo mundi subtrahe, quodque reliquum est, quæsitum est. E. g. A 90 subtrahō 47, & residuo, nempe 43, Milliaria 2580. responderè comperio.

### PRAXIS Decima.

*Sub quo Climate spiras invenire.*

**P**rimò, quantitatem diei tui longissimam da. Secundò, ab ejus quantitate diem Æquinoctialem subtrahe. Tertiò, quod reliquum est, duplicetur. Denique unitatem ab eodem rejice, quodque remanet est Climate quæsitum. E. g. Quæritur sub quo Climate sit celeberrima civitas *Glasgow* ? Ut fiat resolutio

olutio; à die nobis longissimo, qui constat  
horis 17. 26. diem Æquinoctialem aufer, re-  
siduumque nempe 5. 26. duplica, & 10. 52.  
habeto, à quibus si unitatem rejicias 9. 52.  
Clima quæsitum habes.

---

### PRAXIS Undecima.

*Intermedium Climatis Parallelum invenire.*

**D**ato Climati duplicato tria adjice. E.g.  
9. 52. duplico; & 19, 44. reperio;  
quæ cum tribus adjectis faciunt 22. 44; quæ  
inducant *Glasguam* Parallelo vicesimo tertio  
propemodum subijci.

---

### PRAXIS Duodecima.

*Dato medio Climatis Parallelo ipsum Cli-  
ma investigare.*

**A** Medio Parallelo cujuscunque sit Cli-  
matis tria subtrahere, residuumque bi-  
fariam divide. E.g. A medio nostri Cli-  
matis Parallelo, nempe 22. 44. tria subtraho,  
residuumque bifariam divido, cujus altera pars,  
nempe 9. 52. est Clima quæsitum.

## P R A X I S Decimatertia.

*Quantitatem diei longissimi sub quocunque  
Parallelo determinare.*

**A** Parallelo dato unitatem subtrahere, residuumque per 4. divide, ac Queto 12 adde. E. g. Scire volo quantitatem diei longissimi sub Parallelo 23. 44. vel potius, ut Fractiones evitemus sub Parallelo 23? Itaque ab his unitatem rejicio ut fiant 22. Hæc per 4. divido, & in Quotiente 5  $\frac{1}{4}$  invenio, id est, quinque horas cum semisse, quibus 12. adjicio, quæ faciunt horas 17. cum semi-horâ.

## P R A X I S Declinaquarta.

*Altitudinem Poli investigare.*

**M**axima Solis declinatio fit 23. 30. dies longissimus fit nobis 17. 56. Dimidium hujus Diei fit 8. 43. Dimidium diei æquinoctialis fit 6; quæ ex priori numero, nempe, 8. 43. subtraho, & reliquum 2. 43. reperio. Hæc duas horas & 43 minuta in gradus Aequatoris converto, quæ sunt gradus

gradus 40. 45. Quibus factis, alterum circini pedem ad numerum 23. 30. in lineâ Tangentium applico: alterum juxta numerum 40. 45. in lineâ Sinuum figo. Dein, remoto Circino, alterum ejus extremum in ipso Radio fixum volo; & dico, ut Tangens 23. 30. ad Sinum 40. 45. ita Radius totus ad Tangentem 56. 20, quæ ad amussin est ipsa Poli elevatio quæsitâ.

### PRAXIS Decimaquinta

*Discrimen Meridianorum inter  
quælibet duo loca data invenire.*

**P**rimus Locus sub Meridiano æneo directè collocetur; indexque horarius ad horam 12. apponatur; dein in gyrum Globus circumvolvatur, usquedum secundus locus directè eidem Meridiano subjiciatur: quibus factis, Meridianorum discrimen Index horarius demonstrabit. E. g. Quærat quispiam quot horis Sol tempestivius Meridianum *Babylonicum* quàm nostrum attingat? Respondetur, factâ operatione, tres horas cum 40. minutis invenies, quibus respondent gradus *Æquatoris* 55. & his, *Milliaria* 3300.

## P R A X I S    U l t i m a .

*Per Eclipses Lunares Meridianorum discrimen determinare.*

**H**oc facile fit, si accuratè notaveris cui loco tempestiviùs vel seriùs Eclipsis contigerit quàm alteri. E. g. Observata fuit anno DOM. 1603. Eclipsis Lunaris Gœsæ in Zelandiâ, cujus medium observavit *Lansbergius* horâ undecimâ vespertinâ scrup. 56. Eadem etiam observata fuit *Pragæ Bohemiæ*, cujus medium *Joannes Keplerus* annotavit horâ 12. 44. Hinc colliges Gœsam Zelandiæ Occidentaliorem esse Pragâ grad. 11. differentia enim Meridianorum sunt scrupula horarum 44 quibus respondent grad. Æquatoris 11. quibus in Milliaria conversis, reperies 660.

TRACTA-





## TRACTATUS ECHOMETRICUS.

**E**chometria est Scientia de sonis reflexis. Ad sonum reflexum efficiendum duo præsertim sunt necessaria, Sonorum & *Ανακλιντων* seu Reflectens. Sonorum est omne corpus aptum sonum aut vocem primariam emittere, ut sunt tuba, campana &c. *Ανακλιντων* est omne corpus suâ naturâ aptum sonum seu vocem primariam reflectere; ut sunt mœnia urbium, domorum parietes, rupes montium &c.

Echo est vel perfecta vel imperfecta. Prior est, quando ob debitam inter Sonorum & Reflectens distantiam clarè distinctèque vox primaria repetitur, auditurque. Posterior evenit ob hujus distantiae defectum, cum nempe vox primaria in bombum transmutatur: ut sub ædificiis concameratis à nobis loquentibus exaudire est.

Echo est obliqua vel recta. Obliqua evenit, quando linea sonora obliquè in Reflectens incidit. Recta, quando linea sonora ita in  
Reflectens

Reflectens incidit, ut cum eo angulos faciat rectos; atque adeò per eandem, quâ emissâ est. lineam ad Sonorum revertitur.

Echo alia est Monophona; alia polyphona. Prior, est vocis repetitio semel tantum. Posterior, est ejusdem repetitio sæpius quàm semel. Polyphona est diphona quæ bis, triphona quæ ter, tetraphona quæ quater responderet.

Denique alia est monosyllaba, quæ unam duntaxat syllabam repetere potest, alia disyllaba, alia trisyllaba &c.

Ut soni reflexi natura innotescat, nonnulla breviter de sono directo & infracto loquemur. Quare, ut luminis deradiatio à corpore luminoso emissâ, est Sphærica, ita soni per medium propagatio Sphærica est. Quâ etenim ratione, lapide in aquam stagnantem injecto, undulæ sese circulariter expandunt, ita lineæ sonoræ, percussio Sonante, sese quaquaversus diffundunt. Inde collige, sonorum quasi centrum, ex quo lineæ sonoræ undiquaque ad circumferentiam extenduntur; atque adeò nisi aliquid liberæ ipsius productioni obstiterit, Sphæram perfectissimam describeret, in cujus omni puncto eundem sonum audire liceat.

Porro, ut major minorem lucem obumbrat, ita tonus major minorem penitus demergit. Inde est quòd tubæ sonus, submissam homi-

nis

nis vocem , omninò inaudibilem reddat.

Prætereâ ; ut species visibiles per medium densum trajectæ , objectum tremebundum , majusque repræsentant ; ita species audibiles per medium ventorum flatibus huc illuc agitaturn , sonum modò clarum , modò minùs clarum ad sensum deferunt.

Verum , inter species visibiles & audibiles hæc discrimina sunt. Hæ successivè per medium cum quâdam duratione sensibili juxta datam distantiam propagantur ; illæ verò , licet non in instanti , in temporis tamen differentiâ imperceptibili perniciosissimè diffusæ sunt. Item ; hæ non per lineas rectas modo , verum etiâ per circulares , ellipticas , & parabolicas ( sonus enim ultra murum satis altum productus , auditum per lineam curvam attingit ) illæ per lineas rectas tantummodò deferuntur.

Prætereâ species visibiles per medium ventorum flatibus agitatum , ad extremum suæ Sphæræ terminum absque omni retardatione trajiciuntur : species audibiles , modò majorem , modò minorem suæ diametri mensuram , prout ventus secundus vel adversus fuerit , pervadunt. Denique species visibiles à reflectente parvæ dimensionis , reflexionem , eamque sensibilem patiuntur : species verò audibiles non ita ; nisi enim Reflectens satis amplum magnumque sit , nullum sonum reflexum sensibilem audies.

Sono per medium patens ac liberum diffuso est sua diameter ac semidiameter. Diameter, est linea sonora ab ipso sonante ad puncta Sphaerae diametraliter opposita, extensa. Semidiameter est linea sonora juxta quam sonus longissimè a Sonoro propagari potest; quæ juxta ejus naturam modò longior, modo brevior est.

Sequentia de sono reflexo. Quare ut radii solares, speciei sive visibiles in speculum incidentes reverberantur, ita lineæ sonoræ Reflectenti occurrentes reflectuntur. Inde collige; quod, qualis sit angulus incidentiæ, talis reflexionis sit. Etenim si obliquè incadat linea sonora, obliquè etiam reverteretur; si normaliter, & ad angulos rectos eodem planè modo redibit. Id optime illustrare possumus ex pilâ lusoriâ in parietem incidente, quæ si obliquè incadat; obliquè resiliet, si normaliter, & ad angulos rectos, normaliter & ad angulos rectos redibit.

Sonus ad ipsum sonorum nonnunquam re-vertitur, ab alio tantum nonnunquam exauditur: imo ab horum neutro aliquando exaudiri potest. Primum evenit, quando linea sonora in muri faciem perpendiculariter, seu ad angulos rectos, incidit. Secundum, quando tum Sonorum tum Audiens muri faciem obliquè intuenrur. Tertium; quando Reflectens in loco

lcco aliquo editiore, Sonorum in planitie constitutum est : tunc enim lineæ omnes sonoræ, sicut sursumversum sunt ascendentes, ac obliquè in parietem incidentes; ita sursumversum sunt reflectentes.

Sonus aliquando tum a Sonoro, tum ab alio qui Sonori a dextrâ vel sinistrâ per 50 passus vel 60, &c. constitutus sit, exaudiri potest. Id evenit, propterea quod lineæ sonoræ sphericè propagatæ non tantum normaliter in muri faciem Sonoro directè oppositam tendant, ex quâ per eandem redeant lineam ; verumetiam obliquè in muri partes inter Sonorum & alium Audientem medias incident, atque adeo in alium a dextra vel sinistra oblique revertantur.

Corpora plana ac solida sonum reverberant. Id verum esse clarissime nos experientia docet. Novit quisque ex urbium mœnibus, domorum parietibus, montium rupibus, fluminumque ripis Echo resonare, etiamsi nihil intra sit cavum vel concavum.

Corpora quo melius levigata politaque sunt eo melius Echo procurant generantque. Ut eni n ex speculis magis tersis ac politis species rerum objectarum exquisitè resiliunt, ita ex corporibus optime levigatis, optima, perfectaque resonat Echo.

Ad Echûs generationem constitutum est, ut  
Sono-

Sonorum & Reflectens se mutuo per debitam intercapedinem respiciant: propterea quod, nisi ob soni pernecitatem intervallum, ac proinde temporis spatium eundi ac redeundi sit, nihil præterquam Bombus, sætus imperfectus generabitur.

Sicut maxima ita minima datur distantia inter Sonorum & Reflectens. Maxima dimidio semidiametri commensuratur. *i. e.* si linea sonora 1000 passus pertransire possit; maxima reflexionis distantia erit passuum 500. quo casu nec citra nec ultra Sonorum pervadet, verum ipsum præcisè attinget. Minimam facile reperire poteris; si gradatim à Reflectente recedas, usquedum unam tantum syllabam reflexam audiveris, quam testatur experientia esse circiter pedes 120. Intra hanc bombus tantummodo audietur.

Præterquam hæc; quo melius sonus propagetur, necessum omnino est, ut medium liberum patensque sit. Inde est quod sonus optime trans maria, flumina, lacusque diffundatur, pessimè vero per campos arboribus, segetibus, sylvisque repletos.

Echo aliquando plures, aliquando pauciores repetit syllabas. Hujus rei causa est major minorve inter Sonorum & Reflectens distantia. Etenim quo major fuerit distantia, si non excedat maximam, eo plures reperuntur syllabæ,

bæ, & quo minor, eo pauciores. In distantia minore vocis duratio, tum ratione temporis, tum ratione intervalli quibus totis hæc commensuratur, minor est, ac proinde necessitate evenit, ut pauciores syllabæ reiterentur. In distantia majore, ob majus intervallum pertransendum serius repetitæ syllabæ redeunt.

Concipiendus est sonus tanquam corpus aliquod oblongum ex ore Sonantis emissum, quod ad modum funiculi velocissimè volantis, inque parietem incidentis, quasi per trochleam ibi affixam revoluti ad Sonorum iterum revertitur.

De modo quo soni velocitatem mensurabis pauca dicemus. Verum prius adverte, quod est notatu dignum, omnem sonum, cujuscunque sit generis, per omnes medii partes semper esse æqualiter velocem. Inde est quod tubæ clangor, aut vox humana, non minus velociter 1000 passus percurrat, quam sonor Bombardæ pulvere sulphureo excitatus.

Quamquam arduum omnino opus sit quorumcunque sonorum velocitatem mensurare, eorum præsertim qui vix ultra 20. aut 30 pedes procedunt, non tamen ejusmodi, quorum semidiameter sit passuum 200 aut 300 vel 1000 &c. modo ipsum Sonorum, aut illius aliquid a nobis videatur.

Varia sunt instrumentorum genera quibus  
hoc

hoc opus exequeris; cuiusmodi sunt, Arteriarum pulsus, Horologii ictus, &c. præsertim vero *Διαδρομοί*, hoc est, motus reciproci corporis alicujus gravis per filum suspensi. Omnium hoc unum est accuratissimum, quippe Horologi ictus, sicut & Arteriarum pulsus non semper sibi satis constant, ut lapidis suspensi vibrationes huc illuc. Ubi nota egregium naturæ Phænomenon, quod licet Diadromorum quisque alteri dissimilis, ac quoad spatium seu medium quod pertransitur, inæqualis, omnes tamen ratione temporis atque duracionis sibi invicem similes ac æquales sint. Inde est quod motibus velocioribus instrumentum sit mensurandis accuratissimum; non tantum Horæ semissem, quadrantem, hujus semissem, verum etiam sexagesimam quamque partem, imo cujusvis partis sexagesimæ sexagesimam, id est, ipsa prima & secunda (tertia sensu vix capi possunt) ad sensum dabit. Quapropter, (faciā prius cum horologio comparatione; ut quot in hora, semihorave, quot in momento vibrationes contingant, rite dignoscas) in instanti quo bombardam accensam intentus vides, globus suspensus (huic enim operi corpus sphaericum est aptius) versus perpendicularum demittatur, qui motibus suis reciprocis spatium temporis inter fumum flammæve vilam, ac sonum auditum ad amissum dabit. Hoc modo



do Campanæ soni velocitatem mensurabis. In instanti itaque quo ictus ei imprimitur, ex eodem loco quispiam audienti eminus constituto facem accensam ostendat: ille, hac visa, diversos inter facem visam, & auditum sonum diadromos numeret. Eodem plane modo Echo seu sonum reflexum mensurabis; si in instanti quo emissæ est vox, globum demileris, accurateque quot eveniant vibrationes priusquam revertatur, notaveris. Experiencia naturæ mysteriorum indagatoibus comprobatum est, unius secundi spatii bombardæ sonus em 279 passus (quinque pedes passum faciunt) pertransire; proindeque horæ minuto quolibet 16640. quibus milliaria 16 & passus 640. respondent.

Distantiam inter Sonorum & audientem hæc arte facile reperies. E. g. Coruscante fulgure, quod ante ipsum clangorem audire solemus, facile distantiam inter nubem & terram reperies.

De modo Echo construendi pauca subijcio.

Prius nota, quod inter omnia corpora maxime inepta ad Echo efficiendam, angulus ædificiorum convexus ineptissimus sit, idque quia, inter lineas omnes easque infinitas, juxta quas sonus propagatur, una tantum normaliter incidit, atque adeo una reflectitur; cæteræ,

toræ, quia obliquè in angularem parietis faciem convexam incidunt, statim disgregantur, ac alias partes medii versus reflectuntur. Huic affine est reflectens Sphæricum convexum, quod sicut nullam lineam sonoram præter unicam normaliter reverberat, ita omnes cæteras oblique. Id in radiis solaribus in convexam Globi vitrei superficiem incidentibus videmus; qui omnes, quia obliquè incidunt, uno excepto, obliquè etiam resultant, & proinde huc illuc disgregantur.

Huic contrarium, idq; optimum, est corpus Sphæricum concavum, quod Echo perfectissimam efficit. Id ratio dicat; etenim lineæ sonoræ quæ à concavo recipiuntur, omnes ad unam conservantur, inque puncto concursus fortiter congregantur, uniunturque: quod punctum, idque unicum, est unde Sonorum sibi Echo eliciat, ipsissimus locus. Ut enim, non in quolibet spatii puncto suam virtutem Lens seu vitrum ustoriam exercere valeret, verum in certo, id est in ipso centro à quo ipsius sphæricitas descripta est; ita nec Reflectens Sphæricum concavum, Echo ad quodlibet spatii punctum reflectere potest, sed ad id tantum quod est ipsum Sphææræ centrum, in quo lineæ omnes sonoræ fortiter unitæ præstantissimam Echo generant efficiuntque.

Quò plus ad formam perfectæ Sphææræ huiusmodi

hujusmodi Reflectens concavum accedit; eò plures reverberantur lineæ sonoræ, atque adeò perfectior magisque sonora Echo efficitur. Inde fortassis est, ut (si artis viribus fieri posset) concavum undique Sphæricum, idque satis amplum, mirabilem audienti in centro constituto Echoredderet; idq; quia lineæ omnes sonoræ quæ infinitæ sunt, ad idem centrum cum stupenda resonantiâ revertentur.

Verum, quia hujusmodi sunt factu difficilima, ideoque sic facito. Ubi nota, licet hæc, quæ jam trado, præceptiva, atque adeò factiva videantur, plus tamen ob speculationem, quàm praxin tradenda sunt. Super planitiem aliquam, lineam normalem 500 passus longam extende: alterum ejus extremum in terrâ tanquam centro fixum facito, altero quadrantem circuli describito, juxta quem, parietem 40 pedes altum extrue, ejusque superficiem concavam planam ac levigatam facito. His peractis ex centro Sonorum perfectam Echo sibi elicit. In hoc casu à quolibet parietis puncto ad audientē resilient lineæ sonoræ, quæ omnes in puncto concursus unitæ ac congregatæ mirum in modum sonum ingeminabunt.

Hactenus de Echo monophonâ. Polyphonam, nempe Diophonam, triphonam, tetraphonam &c. faciliè extrues.

Quare in in planitie Sonorum & Reflectens  
juxta

juxta minimam distantiam ( nempe 120 pedes ) constituentur, edatque Sonorum syllabam *do*, quam clarè & distinctè audiet. Si disyllabum *Domi*, *mi* tantùm audietur, quia in instanti quo emissâ est syllaba *mi* reversa est *do*, atque adèò exaudiri non potest. Dein, alterum juxta eandem distantiam Reflectens in rectâ serie extruatur. In hoc casu, prolato monosyllabo *Do* bis clarè audietur : verùm prolata voce *Domi*, ultima ex secundo Reflectente clarè tantùm exaudietur. Quoniam *do* ex secundo Reflectente revertens cum *mi* revertente ex primo coincidit ; ac proinde utraque eodem instanti simul attingit Sonorum. Id constat : quia suppono syllabam *do* in primo instanti esse emissâ ex Sonoro, inque secundo primum Reflectens attingere, in tertio secundum, in quarto ( nempe revertendo ) primum, in quinto ipsum Sonorum. Syllaba *mi* in quarto instanti primum tantum Reflectens attingit ( syllaba enim *do*, ex primo Reflectente est reversa, priusquam *mi* ex sonoro est elapsa ) in quo, cum syllabâ *do*, ex secundo Reflectente reversa coincidens, Sonorum cum ea in quinto instanti attingit. Verùm syllaba *mi* quæ secundum Reflectens attingit, clarè exauditur, reddit enim ad sonorum septimo instanti.

Licet plura extruantur Reflectentia juxta eandem

eandem distantiam nunquam tamen duas syllabas clarè exaudies ; inde est quòd hæc sit Echo Polyphona monosyllaba tantùm. Echo polyphonam disyllabam facilè extrues ; si inter Sonorum & primum Reflectens, inter primum & secundum, inter secundum & tertium minima distantia duplicetur. Trisyllabam, si inter hæc, eadem distantia quadruplicetur, & ita deinceps.

Notatu dignissimum est quod *Petrus Gassendus* vir literatissimus observavit non procul *Lutetiâ Parisiorum* in vetusto quodam ædificio, ex lapidibus planis ac levigatis extructo, in quo à dextrâ quinque columnæ, & à sinistrâ totidem extruebantur. Monosyllabum ab ipso repetitum à diversis resonantibus septemdecies distinctè ac in ordine audivit. Cum verò idem protulit monosyllabum in centro ædificii ab utroque ejus extremo (oblongum enim fuit ædificium) distinctè toties illud repetitum audivit. Huic non absimilis est illa celeberrima Echo prope *Mediolanum* in *Italiâ*, in villa cui *Simoneæ* nomen (si fides referenti sit adhibenda) quæ monosyllabum vices repeter.

Nemo hîc putet quòd à singulis parietibus diversæ reflectantur Echo : verùm potiùs quòd prima vox ad modum pilæ lusoriæ huc illuc agitatur, à primo pariete ad secundum, à  
secun-

Secundo ad tertium, à tertio ad quartum, & ita deinceps resiliat, usque dum successivè consenscens tandem aliquando evanescat : quâ ratione duo specula juxta se posita toties suas species multiplicant, ut tandem aliquando quæque alterâ debilior non appareat.

Adverte, Echo non libenter referre literam S, propterea quòd non tam sonus quàm sibilus sit.

Huic tractatui quædam de Echo taciturna appendimus. Adverte itaque eam ejusmodi esse naturæ, ut ab uno duntaxat audiente audiri possit. Ut hujus rei latentis natura intellegatur, scito nullum Reflectens huic negotio aptum esse, præterquam speculum aliquod concavum, sphaericum, parabolicum, vel ellipticum, sed præsertim hoc postremum ex vitro, ære, vel chalybe compactum, optimeq; tersum ac politum. Non in quolibet puncto exaudiri potest hujusmodi Echo, sed in ipso tantum puncto contactus, cui audiens alteram tantum aurem exacte apponat, ac Sonorum ad certam distantiam ab audiente recedat, ac submissa voce syllabam quampiam pro placito proferat, statim auscultans eandem a reflectente audiet, licet a Sonoro eam audire non poterit. Hac ratione facile est amicum alloqui de rebus, quas alios præsentis ignorare velis.



a  
i  
.  
.  
o  
l  
l  
k  
;  
o  
o  
n  
d  
c  
o  
r  
-  
c-  
ni  
c-